

ԾՆՈՒՆԴՆԵՐՈՒՄ ԳԻՐՅԸԸ

ԾՆՈՒՆԴՆԵՐՈՒՄ ԳԻՐՅԸԸ

Սկիզբէն “Աստուած երկինքն ու երկիրը ստեղծեց: **2** Երկիրը ամայի ու դատարկ էր, անդունդին մակերեսին վրայ խաւար կար, եւ Աստուծոյ Հոգին ջուրերուն մակերեսին վրայ կը սաւառնէր: **3** Աստուած ըսաւ. «Լոյս ըլլայ», ու լոյս եղաւ: **4** Աստուած տեսաւ թէ լոյսը բարի էր, եւ Աստուած լոյսը խաւարէն զատեց: **5** Աստուած լոյսը “ցերեկ□ կոչեց. խաւարն ալ “գիշեր□ կոչեց: Իրիկուն եւ առտու ըլլալով՝ առաջին օրը եղաւ:

6 Աստուած ըսաւ. «Ջուրերուն մէջտեղը հաստատութիւն ըլլայ, եւ ջուրերը ջուրերէն զատէ»: **7** Աստուած հաստատութիւնը ըրաւ, ու հաստատութեան տակ եղած ջուրերը զատեց հաստատութեան վրայ եղած ջուրերէն. եւ այդպէս եղաւ: **8** Աստուած հաստատութիւնը երկինք կոչեց: Իրիկուն եւ առտու ըլլալով՝ երկրորդ օրը եղաւ:

9 Աստուած ըսաւ. «Երկինքի տակ եղած ջուրերը մէ՛կ տեղ ժողվուին, ու ցամաքը երեւնայ». եւ այդպէս եղաւ: **10** Աստուած ցամաքը երկիր կոչեց. ժողվուած ջուրերն ալ Ծով կոչեց, եւ Աստուած տեսաւ թէ բարի էին: **11** Աստուած ըսաւ. «Երկիրը դալար արտադրէ, հաեւ սերմ կրող բոյս, **ու** իր տեսակին համեմատ պտուղ տուող պտղաբեր ծառ, որ իր մէջ իր սերմը ունենայ երկրի վրայ»: եւ այդպէս եղաւ: **12** Երկիրը դալար արտադրեց, հաեւ իր տեսակին համեմատ սերմ կրող բոյս, ու պտուղ տուող ծառ, որուն մէջ էր իր սերմը՝ իր տեսակին համեմատ. եւ Աստուած տեսաւ թէ բարի էին: **13** Իրիկուն եւ առտու ըլլալով՝ երրորդ օրը եղաւ:

14 Աստուած ըսաւ. «Երկինքի հաստատութեան մէջ լուսաւորներ ըլլան, որպէսզի ցերեկը գիշերէն զատեն, ու նշաններու, եղանակներու, օրերու եւ տարիններու համար ըլլան. **15** ու երկինքի հաստատութեան մէջ անոնք իբր լուսաւորներ ըլլան, որպէսզի երկիրը լուսաւորեն»: եւ այդպէս եղաւ: **16** Աստուած երկու մեծ լուսաւորներն ըրաւ. մեծ լուսաւորը՝ ցերեկը “կառավարելու համար, ու պատիկ լուսաւորը՝ գիշերը կառավարելու համար: Աստղերն ալ ըրաւ: **17** Աստուած երկինքի հաստատութեան մէջ դրաւ զանոնք, որպէսզի երկիրը լուսաւորեն, **18** ցերեկը եւ գիշերը կառավարեն, ու լոյսը խաւարէն զատեն. եւ Աստուած տեսաւ թէ բարի էին: **19** Իրիկուն եւ առտու ըլլալով՝ չորրորդ օրը եղաւ:

20 Աստուած ըսաւ. «Ջուրերը կենդանութեան շունչ ունեցող զեռուններ եառատութեամբ արտադրեն», եւ թռչունները երկրի վրայ թռչին՝ երկինքի հաստատութեան “մէջ»: **21** Աստուած ստեղծեց մեծ էկէտերը, բոլոր շարժող շնչաւոր կենդանինները՝ որ ջուրերը առատութեամբ արտադրեցին իրենց տեսակին համեմատ, ու բոլոր թեւաւոր թռչունները՝ իրենց տեսակին համեմատ. եւ Աստուած տեսաւ թէ բարի էին: **22** Աստուած

^ա Երը.՝ Էլոհիմ

^բ Երը.՝ տարածութիւն

^գ Երը.՝ արգասաւորող

^դ Կամ՝ տիրելու

^ե Երը.՝ վխտացնեն

^գ Երը.՝ մակերեսը

^է Կամ՝ վիշապները

ԾՆՈՒՆԴՆԵՐՈՒ ԳԻՐՅԸ

զանոնք օրհնեց՝ ըսելով. «Աճեցէ՛ք, բազմացէ՛ք, ու լեցուցէ՛ք ծովերուն մէջ եղող ջուրերը. թռչուններն ալ երկրի վրայ բազմանան»: **23** Իրիկուն եւ առտու ըլլալով՝ հինգերորդ օրը եղաւ:

24 Աստուած ըսաւ. «Երկիրը շնչաւոր կենդանիներ արտադրէ՛ իրենց տեսակին համեմատ, **ընտանի** անասուններ, սողուններ ու երկրի գազաններ՝ իրենց տեսակին համեմատ». Եւ այդպէս եղաւ: **25** Աստուած երկրի գազանները՝ իրենց տեսակին համեմատ ըրաւ, **ընտանի** անասունները՝ իրենց տեսակին համեմատ, ու գետինի բոլոր սողունները՝ իրենց տեսակին համեմատ. Եւ Աստուած տեսաւ թէ բարի էին:

26 Աստուած ըսաւ. «Մեր պատկերով, մեր նմանութեան պէս մարդ ընենք, որ տիրապետեն ծովու ծուկերուն, երկինքի թռչուններուն եւ **ընտանի** անասուններուն, ամբողջ երկրին, ու երկրի վրայ սողացող բոլոր սողուններուն»: **27** Աստուած իր պատկերով ստեղծեց մարդը. Աստուծոյ պատկերով ստեղծեց զայն, արու եւ էգ ստեղծեց զանոնք: **28** Աստուած զանոնք օրհնեց, եւ Աստուած անոնց ըսաւ. «Աճեցէ՛ք ու բազմացէ՛ք, երկիրը լեցուցէ՛ք եւ զայն նուաճեցէ՛ք, ու տիրապետեցէ՛ք ծովու ծուկերուն, երկինքի թռչուններուն ու երկրի վրայ շարժող բոլոր կենդանիներուն»:

29 Աստուած ըսաւ. «Ահա՝ ձեզի տուի ամբողջ երկրի մակերեսին վրայ եղող ամէն սերմ կրող բոյս, եւ ամէն ծառ՝ որուն պտուղը իր մէջ ծառի սերմ կը կրէ. **ասոնք** ձեզի կերակուր պիտի ըլլան: **30** Իսկ երկրի բոլոր գազաններուն, երկինքի բոլոր թռչուններուն, ու երկրի վրայ բոլոր սողացողներուն՝ որոնք կենդանութեան շունչ ունին՝ ամէն կանաչ բոյս **տուի** կերի համար. Եւ այդպէս եղաւ:

31 Աստուած իր ամբողջ ըրածին նայեցաւ, ու ահա՝ շատ բարի էր: Իրիկուն եւ առտու ըլլալով՝ վեցերորդ օրը եղաւ:

ԵԴԵՄԻ ՊԱՐՏԷՋԸ

2

Եւ աւարտեցան երկինքն ու երկիրը, եւ անոնց բոլոր “զարդերը”: **2** Աստուած իր բոլոր գործերը եօթներորդ օրը աւարտեց, ու եօթներորդ օրը հանգստացաւ իր ըրած բոլոր գործերէն: **3** Աստուած եօթներորդ օրը օրհնեց, ու սրբացուց զայն. որովհետեւ անոր մէջ հանգստացաւ իր բոլոր գործերէն՝ որ Աստուած ստեղծած եւ ըրած էր:

4 Ահա՛ւասիկ երկինքի ու երկրի ծնունդները՝ անոնց ստեղծուած ատենը: Այն օրը՝ երբ **ՔՏէր** Աստուած երկիրն ու երկինքը ըրաւ, **5** դաշտի որեւէ տունկ դեռ երկրի վրայ եղած չէր, եւ դաշտի որեւէ բոյս դեռ բուսած չէր, քանի որ **Տէր** Աստուած երկրի վրայ **տակաւին** անձրեւ տեղացուցած չէր, ու հողը մշակող մարդ չկար. **6** հապա երկրէն շոգի կը բարձրանար ու գետինին ամբողջ մակերեսը կը ջրէր: **7** **Տէր** Աստուած գետինի հողէն ձեւակերպեց մարդը, անոր ոռունգերէն կեանքի շունչ փշեց, եւ մարդը ապրող անձ եղաւ:

¹ **Կամ՝** շարժող

² **Եբր.՝** գօրքը

³ **Եբր.՝** Եհովա, **այսինքն՝** ԱՇ՝ որ է, **Կամ՝** Յալիտենական

⁴ **Կամ՝** աղբիւր

⁵ **Կամ՝** փոշիէն

⁶ **Եբր.՝** աղամ, **այսինքն՝** հողէն առնուած

ԾՆՈՒՆԴՆԵՐՈՒ ԳԻՐՅԸ

8 Տէր Աստուած արեւելեան կողմը՝ Եղեմի մէջ՝ պարտէզ տնկեց ու իր ծեւակերպած մարդը հոն դրաւ: **9** Տէր Աստուած գետինէն բուսցուց՝ երեւոյթով ցանկալի եւ ուտելիքի համար լաւ ամէն ծառ, ու պարտէզին մէջտեղը՝ կեանքի ծառը, եւ բարիին ու չարին գիտութեան ծառն ալ: **10** Պարտէզը ջրելու համար՝ գետ մը “կը բխէր” Եղեմէն, եւ անկէ չորս ճիւղի կը բաժնուէր: **11** Մէկուն անունը Փիսոն է. ասիկա Եփլայի ամբողջ երկրին շուրջը կը դառնայ, ուր ոսկի կայ **12** եւ այդ երկրին ոսկին լաւորակ է. Քարիսունկ ու Եղնգնաքար կայ հոն: **13** Երկրորդ գետին անունը Գեհոն է. ասիկա Ջուշի ամբողջ երկրին շուրջը կը դառնայ: **14** Երրորդ գետին անունը Տիգրիս է. ասիկա Ասորեստանի արեւելեան կողմը կ’երթայ: Չորրորդ գետը Եփրատն է: **15** Տէր Աստուած առաւ մարդը ու Եղեմի պարտէզին մէջ դրաւ, որպէսզի զայն մշակէ եւ պահէ: **16** Տէր Աստուած մարդուն պատուիրեց. «Պարտէզին բոլոր ծառերէն համարձակ կեր, **17** բայց բարիին ու չարին գիտութեան ծառէն մի՛ ուտեր. որովհետեւ այն օրը երբ անկէ ուտես, բանշո՛ւշտ պիտի մեռնիս» »:

18 Տէր Աստուած ըսաւ. «Լաւ չէ որ Աղամ մինակ ըլլայ. անոր օգնական մը ընեմ՝ իրեն յարմար»: **19** Եւ Տէր Աստուած դաշտին բոլոր գազաններն ու երկինքի բոլոր թռչունները Կամ՝ հողէն ծեւակերպեց եւ Աղամի առջեւ բերաւ, որպէսզի տեսնէ թէ ի՛նչպէս պիտի կոչէ զանոնք: Ի՛նչպէս Աղամ կոչեց **ամէց** շնչաւոր կենդանի, այն եղաւ անոր անունը: **20** Աղամ բոլոր ընտանի անասունները, երկինքի թռչուններն ու դաշտին բոլոր գազանները կոչեց **իրենց** անուններով, բայց Աղամի օգնական մը չգտնուեցաւ՝ իրեն յարմար: **21** Եւ Տէր Աստուած խորունկ քունի մը մէջ ձգեց Աղամը, եւ ան քնացաւ: Անոր կողոսկրներէն մէկը առաւ ու անոր տեղը միս լեցուց: **22** Տէր Աստուած Աղամէն առած կողոսկրէն կին մը ծեւակերպեց, եւ զայն Աղամի բերաւ: **23** Աղամ ըսաւ. «Այս անգամ ասիկա ոսկորէս՝ ոսկոր, ու միսէս՝ միս է. ասիկա կին պիտի կոչուի, քանի որ մարդէն առնուեցաւ»: **24** Ատոր համար մարդը հայրն ու մայրը պիտի թողու, եւ իր կնոց պիտի յարի, ու մէկ իմարմին պիտի ըլլան: **25** Աղամ եւ իր կինը՝ երկուքն ալ մերկ էին, ու չէին ամշնար:

ՄԱՐԴՈՒՆ ԱՆՀԱՎԱՆԴԱԿԱՆ ԴՈՒԹԻՒՆԸ

3

Տէր Աստուծոյ ըրած դաշտին բոլոր գազաններէն աւելի խորամանկ էր օծը: Ան կնոց ըսաւ. «Իրա՞ւ Աստուած ըսաւ թէ “պարտէզին որեւէ ծառէն մի՛ ուտէք”»: **2** Կինը օծին ըսաւ. «Պարտէզին ծառերուն պտուղէն կ’ուտենք: **3** Բայց պարտէզին մէջտեղը եղող

^a **Եբր.**՝ դուրս կ’ելլէր

^b **Տեսակ** մը անուշահոտ ռետին

^c **Եբր.**՝ մահով պիտի մեռնիս

^d **Կամ**՝ մարդը

^e **Եբր.**՝ կառուցանեց

^f **Եբր.**՝ իշա

^g **Եբր.**՝ իշ

^h **Կամ**՝ միս

ԾՆՈՒՆԴՆԵՐՈՒ ԳԻՐՅԸ

ծառին պտուղին մասին՝ Աստուած ըսաւ. “Անկէ մի՛ ուտէք եւ անոր մի՛ դպչիք, որպէսզի չմեռնիք»: **4** Օձը կնոց ըսաւ. «Ո՛չ թէ “անշուշտ պիտի մեռնիք»: **5** Որովհետեւ Աստուած գիտէ թէ այն օրը երբ անկէ ուտէք՝ ծեր աչքերը պիտի բացուին, եւ աստուածներու պէս պիտի ըլլաք՝ բարին ու չարը գիտնալով»:

6 Կինը՝ տեսնելով թէ ծառը լաւ էր ուտելիքի համար, փափաքելի՝ աչքերուն, եւ ցանկալի՝ “ուշիմ ըլլալու” համար, առաւ անոր պտուղէն ու կերաւ: Նաեւ իրեն հետ եղող իր ամուսինին տուաւ. ա՛ն ալ կերաւ, **7** եւ անոնց երկուքին աչքերը բացուեցան, ու գիտցան թէ մերկ էին: Ուստի թզենիի տերեւներ կարեցին եւ իրենց գօտիներ ըրին: **8** Երբ օրուան զով **ատենը** պարտէզին մէջ շրջող Տէր Աստուծոյ ձայնը լսեցին, Ադամ ու իր կինը՝ Տէր Աստուծոյ ներկայութենէն պահուըտեցան պարտէզին ծառերուն մէջ: **9** Տէր Աստուած Ադամը կանչեց եւ անոր ըսաւ. «Ո՞ւր ես»: **10** Ան ըսաւ. «Պարտէզին մէջ քու ձայնու լսեցի ու վախցայ, որովհետեւ մերկ էի, եւ պահուըտեցայ»: **11** Աստուած ըսաւ. «Ո՞վ իմացուց քեզի թէ մերկ էիր. արդեօք կերա՞ր այն ծառէն, որուն մասին քեզի պատուիրեցի՝ որ անկէ չուտես»: **12** Ադամ ըսաւ. «Այն կինը՝ որ ինծի հետ ըլլալու տուիր, ա՛ն ինծի տուաւ ծառէն, ու ես կերայ»: **13** Տէր Աստուած կնոց ըսաւ. «Ի՞նչ է այս ըրածդ»: Կինը ըսաւ. «Օ՛ձը զիս հրապուրեց, ու ես կերայ»:

ԱՍՈՒԾՈՅ ԴԱՏԱՍՏԱՆԸ

14 Տէր Աստուած օծին ըսաւ. «Ասիկա ընելուդ համար՝ բոլոր ընտանի անասուններէն ու դաշտին բոլոր գազաններէն անիծեալ ըլլաս. փորի՛դ վրայ պիտի երթաս, եւ կեանքիդ բոլոր օրերը հո՞ն պիտի ուտես: **15** Քու ու կնոց միջեւ, քու զարմիդ եւ անոր զարմին միջեւ թշնամութիւն պիտի դնեմ: Ան քու գլուխդ պիտի ջախչախէ, իսկ դուն անոր կրունկը պիտի իսայթես»: **16** Եւ կնոց ըսաւ. «Քու յղութեանդ ցաւերը մեծապէս պիտի շատցնեմ. տքնելով որդի պիտի ծնանիս: Ամուսինիդ պիտի բաղձաս, բայց ինք պիտի տիրէ քու վրադ»: **17** Եւ Ադամի ըսաւ. «Որովհետեւ դուն կնոցդ իսօսքը մտիկ ըրիր, ու կերար այն ծառէն՝ որուն մասին քեզի պատուիրեցի. “Անկէ մի՛ ուտեր, գետինը քու պատճառովդ անիծեալ ըլլայ: Կեանքիդ բոլոր օրերը ցաւով պիտի ուտես անկէ. **18** փուշ ու տատասկ պիտի բուսցնէ քեզի, եւ դաշտին բոյսը պիտի ուտես: **19** Դէմքիդ քրտինքով պիտի ուտես քու հացդ, մինչեւ գետինը վերադառնալդ՝ ուրկէ առնուեցար. քանի որ դուն հո՞ն էիր, ու հողին պիտի

^ա **Կամ՝** տեսնելու

^բ **Եր.**՝ երեսէն

^գ **Կամ՝** փոշի՝

^դ **Եր.**՝ ճգմէ

^ե **Եր.**՝ ճգմես

^զ **Կամ՝** հնագանդիս

^է **Եր.**՝ ձայնը

^ը **Կամ՝** հողը

^թ **Կամ՝** փոշի

Վերադառնաս»:

20 Աղամ իր կնոց անունը՝ Եւա կոչեց, որովհետեւ ան էր բոլոր ապրողներուն մայրը:

21 Ու Տէր Աստուած Աղամի եւ անոր կնոց կաշիէ հանդերձներ շինեց ու անոնց հագուց:

ԱԴԱՄ ՈՒ ԵՒԱ ԴՐԱԽՏՀՆ ԿԸ ՎՈՒՏՈՒԻՆ

22 Տէր Աստուած ըսաւ. «Ահա՝ Աղամ մեզմէ մէկուն պէս եղաւ՝ բարին ու չարը գիտնալու համար. հիմա ձեռքը թող չերկարէ՝ որ կեանքի ծառէն ալ առնէ, ուտէ ու յալիտեան ապրի»: **23** Ուստի Տէր Աստուած Եղեմի պարտէզէն վտարեց զայն, որպէսզի հողը մշակէ՝ ուրկէ առնուեցաւ: **24** Այսպէս վոնտեց Աղամը. Եղեմի պարտէզին արեւելեան կողմը քերովբէներ դրաւ եւ ամէն կողմ դարձող բոցավառ սուլը՝ կեանքի ծառին ճամբան պահելու համար:

ԿԱՅԷՆ ԵՒ ԱԲԷԼ

4

Աղամ գիտցաւ իր Եւա կինը, եւ ան յղացաւ, “Կայէնը ծնաւ ու ըսաւ. «Մարդ ստացայ Տէրոջմէն»: **2** Վերստին անոր Աբէլ եղբայրը ծնաւ. Աբէլ ոչխարներու հովիւ եղաւ, իսկ Կայէն հողը կը մշակէր: **3** Ժամանակէ մը ետք՝ Կայէն գետինի պտուղէն Տէրոջ ընծայ բերաւ: **4** Աբէլ ինք ալ՝ իր ոչխարներուն առջինեկներէն եւ անոնց պարարտներէն բերաւ: Տէրը նայուածքը դարձուց Աբէլի ու անոր ընծային, **5** բայց Կայէնի եւ անոր ընծային նայուածքը չդարձուց. ուստի Կայէն շատ բորբոքեցաւ ու երեսը կախեց: **6** Տէրը Կայէնի ըսաւ. «Ինչո՞ւ բորբոքեցար, եւ ինչո՞ւ երեսդ կախեցիր. **7** Եթէ բարիք ընես, ընդունելի չ'ը՞լլար: Եթէ բարիք չընես, մեղքը դրան քով պառկած է. եան քեզի կը բաղձայ», բայց դուն տիրէ՝ անոր վրայ»:

8 Կայէն իր Աբէլ եղբօր հետ խօսեցաւ, ու երբ անոնք դաշտն էին, Կայէն իր Աբէլ եղբօր վրայ յարձակեցաւ եւ սպաննեց զայն: **9** Տէրը Կայէնի ըսաւ. «Ո՞ւ է քու եղբայր՝ Աբէլը»: Ան ալ ըսաւ. «Չեմ գիտեր. միթէ ես իմ եղբօրս պահապա՞նն եմ»: **10** **Տէրը** ըսաւ. «Ի՞նչ ըրիր. քու եղբօրդ արիւնին ձայնը՝ գետինէն ինծի կ'աղաղակէ: **11** Հիմա դուն անիծեալ ես գետինէն, որ իր բերանը բացաւ՝ եղբօրդ արիւնը քու ձեռքէդ ստանալու: **12** Երբ հողը մշակես, ասկէ ետք իր բերքը պիտի չտայ քեզի. Երկրի մէջ աստանդական ու

^Ժ **Այսիցը**՝ Կեանք

^Ա **Այսիցը**՝ ստացուած

^Բ **Երը.**՝ ճարպէն

^Գ **Երը.**՝ ինկաւ

^Դ **Կամ**՝ մեղքին պատարագը

^Ե **Կամ**՝ ան քեզի պիտի հնազանդի

^Գ **Երը.**՝ ելաւ

^Դ **Երը.**՝ ոյժը

ԾՆՈՒՆԴՆԵՐՈՒ ԳԻՐՅԸ

թափառական պիտի ըլլաս»: **13** Կայէն Տէրոջ ըսաւ. «^բԻմ անօրէնութիւնս՝ ներում գտնելու չափէն՝ աւելի մեծ է: **14** Ահա՝ զիս այսօր երկրագունդի մակերեսէն վոնտեցիր, ու ես քու երեսէդ պիտի ծածկուիմ: Երկրի մէջ աստանդական ու թափառական պիտի ըլլամ, եւ ո՛վ որ զիս գտնէ՝ զիս պիտի մեռցնէ»: **15** Տէրը անոր ըսաւ. «Ուրեմն ո՛վ որ Կայէնը սպաննէ, անկէ եօթնապատիկ վրէժ պիտի առնուի»: Ու Տէրը նշան մը դրաւ Կայէնի վրայ, որպէսզի զայն գտնող մէկը՝ զինք ^բչմեռցնէ:

ԿԱՅԷՆԻ ԶԱՐՄԸ

16 Կայէն Տէրոջ ներկայութենէն դուրս ելաւ, ու Եղեմի արեւելեան կողմը՝ Նայիդ երկիրը բնակեցաւ: **17** Կայէն իր կինը գիտցաւ, եւ ան յղացաւ ու Ենովքը ծնաւ. քաղաք մը կը կառուցանէր **այն ատեն**, եւ քաղաքին անունը՝ իր որդիին անունին համեմատ Ենովք կոչեց: **18** Ենովք ծնաւ Գայիրադը, Գայիրադ ծնաւ Մայիէլը, Մայիէլ ծնաւ Մաթուսայէլը, ու Մաթուսայէլ ծնաւ Ղամէքը: **19** Ղամէք իրեն երկու կին առաւ. մէկուն անունը Աղդա էր, եւ միւսին անունը՝ **Սելլա**: **20** Աղդա ծնաւ Թորէլը, որ վրանաբնակներուն ու խաշնարածներուն հայրը եղաւ: **21** Անոր եղբօր անունը Թորալ էր, որ բոլոր քնարահարներուն եւ սրնգահարներուն հայրը եղաւ: **22** Սելլա ալ ծնաւ Թորէլկայէնը, որ պղինձէ ու երկաթէ ամէն **տեսակ** ^ծգործիք կը դարբնէր»: Թորէլկայէնի քոյրը՝ Նաամա էր: **23** Ղամէք իր կիներուն՝ Աղդայի եւ Սելլայի ըսաւ. «Զայնս մտիկ ըրէք, Ղամէքի՝ կիներ. խօնքս ունկնդրեցէք, որովհետեւ ես մարդ մը սպաննեցի՝ իմ վէրքիս, ու երիտասարդ մը՝ իմ հարուածիս համար: **24** Եթէ Կայէնի համար եօթնապատիկ վրէժ առնուի, Ղամէքի համար ալ՝ եօթանասունեօթը անգամ»:

ՍԵՐ ԵՒ ԵՆՈՎՍ

25 Աղամ դարձեալ իր կինը գիտցաւ. ան ալ որդի մը ծնաւ եւ անոր անունը՝ ^հՍէր կոչեց, քանի որ **ըսաւ**. «Աստուած ինծի ուրիշ զարմ մը տուաւ՝ Կայէնի սպաննած Արէլին տեղը»: **26** Սէր ալ որդի մը ծնաւ, ու անոր անունը Ենովս կոչեց. այն ատեն **մարդիկ** սկսան Տէրոջ անունը կանչել:

ԱՐԱՄԻ ԶԱՐՄԸ (Ա. Մճաց. 1. 1-4)

5

Ահանասիկ Աղամի ծնունդներուն գիրքը: Այն օրը՝ երբ Աստուած ստեղծեց մարդը, Աստուծոյ նմանութեամբ ըրաւ զայն. **2** արու եւ էգ ստեղծեց զանոնք, օրհնեց զանոնք, ու անոնց ստեղծուած օրը՝ անոնց անունը՝ ^աԱղամ կոչեց:

^բ Կամ՝ Իմ անօրէնութեանս պատիժը՝ կրելու կարողութենէս

^բ Երբ.՝ չզարնէ

^ծ Կամ՝ խոփ կը սրէր

^հ Այսիհքը՝ դրուած

^լ Կամ՝ անունով

^ա Այսիհքը՝ մարդ

ԾՆՈՒՆԴՆԵՐՈՒ ԳԻՐՅԸ

3 Աղամ հարիւր երեսուն տարի ապրեցաւ, եւ իր նմանութեամբ՝ իր պատկերին պէս **որդի** մը ծնաւ ու անոր անունը Սէթ կոչեց: **4** Աղամի օրերը՝ Սէթը ծնանելէն ետք՝ ութ հարիւր տարի եղան, եւ որդիներ ու աղջիկներ ծնաւ: **5** Աղամի ապրած բոլոր օրերը ինը հարիւր երեսուն տարի եղան, եւ մեռաւ:

6 Սէթ հարիւր հինգ տարի ապրեցաւ, ու ծնաւ Ենովսը: **7** Սէթ Ենովսը ծնանելէն ետք՝ ութ հարիւր եօթը տարի ապրեցաւ, եւ որդիներ ու աղջիկներ ծնաւ: **8** Սէթի բոլոր օրերը ինը հարիւր տասներկու տարի եղան, եւ մեռաւ:

9 Ենովս իննսուն տարի ապրեցաւ, ու Կայնանը ծնաւ: **10** Ենովս Կայնանը ծնանելէն ետք՝ ութ հարիւր տասնինգ տարի ապրեցաւ, եւ որդիներ ու աղջիկներ ծնաւ: **11** Ենովսի բոլոր օրերը ինը հարիւր հինգ տարի եղան, եւ մեռաւ:

12 Կայնան եօթանասուն տարի ապրեցաւ, ու ծնաւ Մաղաղիէլը: **13** Կայնան Մաղաղիէլը ծնանելէն ետք՝ ութ հարիւր քառասուն տարի ապրեցաւ, եւ որդիներ ու աղջիկներ ծնաւ: **14** Կայնանի բոլոր օրերը ինը հարիւր տասը տարի եղան, եւ մեռաւ:

15 Մաղաղիէլ վաթսունինգ տարի ապրեցաւ, ու ծնաւ Յարեղը: **16** Մաղաղիէլ Յարեղը ծնանելէն ետք՝ ութ հարիւր երեսուն տարի ապրեցաւ, եւ որդիներ ու աղջիկներ ծնաւ: **17** Մաղաղիէլի բոլոր օրերը ութ հարիւր իննսունինգ տարի եղան, եւ մեռաւ:

18 Յարեղ հարիւր վաթսուներկու տարի ապրեցաւ, ու ծնաւ Ենովքը: **19** Յարեղ Ենովքը ծնանելէն ետք՝ ութ հարիւր տարի ապրեցաւ, եւ որդիներ ու աղջիկներ ծնաւ: **20** Յարեղի բոլոր օրերը ինը հարիւր վաթսուներկու տարի եղան, եւ մեռաւ:

21 Ենովք վաթսունինգ տարի ապրեցաւ, ու ծնաւ Մաթուսադան: **22** Ենովք Մաթուսադան ծնանելէն ետք՝ երեք հարիւր տարի Աստուծոյ հետ ընթացաւ, եւ որդիներ ու աղջիկներ ծնաւ: **23** Ենովքի բոլոր օրերը երեք հարիւր վաթսունինգ տարի եղան: **24** Ենովք Աստուծոյ հետ ընթացաւ, եւ չէր **գտնուեր**, քանի որ Աստուած զինք առաւ:

25 Մաթուսադա հարիւր ութսունեօթը տարի ապրեցաւ, ու ծնաւ Ղամէքը: **26** Մաթուսադա Ղամէքը ծնանելէն ետք՝ եօթը հարիւր ութսուներկու տարի ապրեցաւ, եւ որդիներ ու աղջիկներ ծնաւ: **27** Մաթուսադայի բոլոր օրերը ինը հարիւր վաթսունինը տարի եղան, եւ մեռաւ:

28 Ղամէք հարիւր ութսուներկու տարի ապրեցաւ, ու որդի մը ծնաւ **29** եւ անոր անունը Շոյ կոչեց՝ ըսելով. «Ասիկա մեզ պիտի հանգստացնէ մեր գործերէն ու մեր ծեռքերուն ցաւէն, որ Տէրոց անծած գետինին պատճառով **կը կրենք**»: **30** Ղամէք Շոյը ծնանելէն ետք՝ հինգ հարիւր իննսունինգ տարի ապրեցաւ, եւ որդիներ ու աղջիկներ ծնաւ: **31** Ղամէքի բոլոր օրերը եօթը հարիւր եօթանասունեօթը տարի եղան, եւ մեռաւ:

32 Շոյ հինգ հարիւր տարեկան եղաւ. Շոյ ծնաւ Սէմը, Զամը եւ Յափէթը:

ՄԱՐԴԿՈՒԹԵԱՆ ԶԱՐՈՒԹԻՒՆԸ

6

Երբ մարդիկ երկրագունդի մակերեսին վրայ սկսան բազմանալ ու իրենց աղջիկներ ծնան, **2** Աստուծոյ որդիները տեսան մարդոց աղջիկներուն վայելչագեղ ըլլալը, եւ իրենց կիներ առին իրենց բոլոր ընտրածներէն: **3** Ու Տէրը ըսաւ. «Իմ հոգիս միշտ մարդուն վրայ պիտի ^աչմնայ. որովհետեւ ան մարմին է. բայց անոր օրերը հարիւր քսան տարի պիտի ըլլան»: **4** Այն օրերը երկրի մէջ հսկաներ կային. եւ անկէ ետքն ալ, երբ Աստուծոյ

^ա **Այսինքն**՝ հանգստութիւն

^ա **Երբ.**՝ չտիրէ

ԾՆՈՒՆԴՆԵՐՈՒ ԳԻՐՅԸ

որդիները մարդոց աղջկներուն կը մտնէին, որոնք անոնց **զաւակներ** կը ծնանէին. ասոնք հին դարերու զօրաւոր **ու** անուանի մարդիկն էին: **5** Երբ Տէրը տեսաւ թէ մարդոց չարութիւնը երկրի վրայ կը շատնար, եւ անոնց սիրտին մտածումներուն բոլոր նպատակները միայն չար էին **բամէն ատեն**, **6** Տէրը երկրի վրայ մարդը **ստեղծելուն գղաց**, ու իր սիրտին մէջ վշտացաւ: **7** Եւ Տէրը ըսաւ. «Երկրագունդի մակերեսէն պիտի բնացնցեմ մարդը՝ որ ստեղծեցի, մարդէն մինչեւ **ընտանի** անասունները, սողուններն ու երկինքի թռչունները, որովհետեւ զանոնք **ստեղծելուս կը գղաց**»: **8** Բայց Նոյ շնորհը գտաւ Տէրոց **առջեւ**:

ՆՈՅ

9 «Ահա՛ ասիկ Նոյի պատմութիւնը»: Նոյ իր սերունդին մարդոց մէջ արդար **ու** պարկեցտ մարդ մըն էր. Նոյ Աստուծոյ հետ ընթացաւ: **10** Նոյ ծնաւ երեք որդի՝ Սէմը, Քամը եւ Թափէթը: **11** Երկիրը Աստուծոյ առջեւ ապականեցաւ. նաեւ երկիրը բռնութեամբ լեցուեցաւ: **12** Աստուած երկրին նայեցաւ, եւ ահա՛ ապականած էր, որովհետեւ երկրի վրայ ամէն մարմին իր ճամբան ապականեր էր: **13** Ուստի Աստուած Նոյի ըսաւ. «Բոլոր մարմիններուն վախճանը հասած է իմ առջեւս, քանի որ երկիրը անոնց **պատճառով** բռնութեամբ լեցուեցաւ. ահա՛ զանոնք երկրի հետ պիտի բնացնցեմ: **14** **Իմիժաբեր** փայտէ տապան մը շինէ դուն քեզի. տապանին մէջ **բխորշե՛ր շինէ**, եւ զայն ներսէն ու դուրսէն ձիւթո՞վ ծեփէ: **15** Սա՞ ծեւով շինէ զայն. – տապանին երկայնքը երեք հարիւր կանգուն **թող ըլլայ**, լայնքը՝ յիսուն կանգուն, եւ բարձրութիւնը՝ երեսուն կանգուն: **16** Տապանին **ջլուսամո՞ւտ** մը շինէ, ու զայն վերէ՛ն աւարտէ մէկ կանգունի չափով: Տապանին դուռը իր կողմին վրայ դիր. ստորին, **միջին** ու վերին «**յարկերո՞վ** շինէ զայն: **17** Ահա՛ երկրի վրայ ջրհեղեղ պիտի բերեմ՝ երկինքի տակ կենդանութեան շունչ ունեցող բոլոր մարմինները բնացնցելու համար: Երկրի վրայ եղող ամէն ինչ շունչը պիտի տայ: **18** Բայց քեզի հետ իմ ուխտս պիտի հաստատեմ, ու տապանը պիտի մտնես՝ դուն, եւ քեզի հետ՝ որդիներդ, կինդ, ու որդիներուդ կիները: **19** Ամէն մարմինէ **եղող** իւրաքանչիւր կենդանիէն՝ երկու հատ ամէն **տեսակէն** տապանը բեր, որպէսզի քեզի հետ ողջ մնան. անոնք արու եւ էգ ըլլան: **20** Թռչուններէն՝ իրենց տեսակին համեմատ, **ընտանի** անասուններէն՝ իրենց

բ **Երը.**՝ ամբողջ օրը

գ **Երը.**՝ ընելուն

դ **Երը.**՝ ընելուս

ե **Երը.**՝ աչքերուն

գ **Երը.**՝ Ասոնք են Նոյի ծնունդները

է **Երը.**՝ երեսէն

բ **Կամ** Նոճիի

բ **Երը.**՝ բոյնե՛ր

ծ **Կամ** յա՛րկ

հ **Երը.**՝ Երկրորդ ու Երրորդ

ԾՆՈՒՆԴՆԵՐՈՒ ԳԻՐՅԸ

տեսակին համեմատ, գետինի բոլոր սողուններէն՝ իրենց տեսակին համեմատ, իրաքանչիւրէն երկու հատ քեզի պիտի գան՝ ողջ մնալու համար: **21** Եւ դուն՝ ա՛ն քեզի ամէն ուտելիքէ որ կ'ուտուի, ու քո՛վդ ժողվէ, որպէսզի քեզի եւ անոնց կերակուր ըլլայ»: **22** Եւ այդպէս ըրաւ Նոյ. Աստուծոյ իրեն բոլոր պատուիրածներուն համաձայն ըրաւ:

ԶՐԵՂԵՂԸ

7

Տէրը Նոյի ըսաւ. «Դուն ամբողջ տունովդ տապանը մտիր, որովհետեւ այս սերունդին մարդոց մէջ՝ քեզ իմ առջեւս արդար տեսայ: **2** Բոլոր մաքուր անասուններէն քեզի եօթնական առ, „արու եւ էգ“: իսկ անմաքուր անասուններէն՝ երկուքական, արու եւ էգ: **3** Երկինքի թռչուններէն ալ եօթնական **առ**, արու եւ էգ, ամբողջ երկրի մակերեսին վրայ **անոնց** զարմը ողջ պահելու համար: **4** Որովհետեւ եօթը օր ետք՝ երկրի վրայ քառասուն օր ու քառասուն գիշեր անձրեւ պիտի տեղացնեմ, եւ երկրագումդի մակերեսէն պիտի բնացնցեմ ամէն արարած որ ըրի»: **5** Ու Նոյ Տէրոց իրեն բոլոր պատուիրածներուն համաձայն ըրաւ: **6** Զրհեղեղին երկրի վրայ եկած ատենը՝ Նոյ վեց հարիւր տարեկան էր: **7** Նոյ, իր որդիները, իր կինն ու իր որդիներուն կիները՝ իրեն հետ տապանը մտան զրհեղեղին ջուրերուն **բ**պատճառով: **8** Մաքուր անասուններէն եւ անմաքուր անասուններէն, թռչուններէն ու գետինի վրայ բոլոր սողացողներէն՝ **9** գոյգ-գոյգ, արու եւ էգ, տապանը՝ Նոյի գացին, ինչպէս Աստուած Նոյի պատուիրեր էր: **10** Ու եօթը օր ետք՝ զրհեղեղին ջուրերը երկրի վրայ եկան: **11** Նոյի կեանքին վեց հարիւրերորդ տարին, երկրորդ ամիսը, ամսուան տասնեօթներորդ օրը, նոյն օրը՝ մեծ անդունդին բոլոր աղբիւրները ճեղքուեցան, երկինքի **սահանադոնները** բացուեցան, **12** ու երկրի վրայ քառասուն օր եւ քառասուն գիշեր տեղատարափ **եկաւ**: **13** Ճիշդ նոյն օրը՝ Նոյ, ու Նոյի որդիները՝ Սէմ, Ջամ եւ Յափէթ, Նոյի կինն ու իր որդիներուն երեք կիները՝ իրենց հետ տապանը մտան. **14** անոնք, եւ բոլոր գազանները՝ իրենց տեսակին համեմատ, բոլոր **ընտանի** անասունները՝ իրենց տեսակին համեմատ, երկրի վրայ սողացող բոլոր սողունները՝ իրենց տեսակին համեմատ, ու բոլոր թռչունները՝ իրենց տեսակին համեմատ, բոլոր թռչնազգիները, ամէն **տեսակ** թեւալոր: **15** Կենդանութեան շունչ ունեցող ամէն մարմինէ երկուքական մտան տապանը՝ Նոյի քով: **16** **Տապանը** մտնողները արու եւ էգ մտան ամէն մարմինէ, ինչպէս Աստուած անոր պատուիրեր էր. ու Տէրը անոր ետեւէն **տապանը** գոցեց: **17** Երկրի վրայ քառասուն օր զրհեղեղ եղաւ. ջուրերը շատցան, տապանը վերցուցին, եւ ան երկրէն բարձրացաւ: **18** Զուրերը զօրացան, չափազանց շատցան երկրի վրայ, ու տապանը ջուրերու մակերեսին վրայ կ'երթար: **19** Զուրերը երկրի վրայ չափազանց զօրացան, եւ ամբողջ երկինքին տակ եղած բոլոր բարձր լեռները ծածկուեցան: **20** Զուրերը տասնհինգ կանգուն **բարձրացան** լեռներէն վեր, **որոնք** ծածկուեցան. **21** ու երկրի վրայ շարժող ամէն մարմին, թէ՛ թռչուն, թէ՛ **ընտանի** անասուն, թէ՛ գազան, թէ՛ երկրի վրայ գեռացող ամէն զեռուն, եւ ամէն մարդ շունչը տուաւ: **22**

^ա **Երր.**՝ մարդը եւ իր կինը

^բ **Երր.**՝ երեսէն

^գ **Այսինքն**՝ ջրարգելները

^դ **Երր.**՝ եղաւ

^ե **Երր.**՝ զօրացան

ԾՆՈՒՆԴՆԵՐՈՒ ԳԻՐՅԸ

Բոլոր անոնք՝ որ իրենց ռունգերուն մէջ կենդանութեան շունչ ունէին, բոլոր ցամաքի վրայ եղողները մեռան: **23** Երկրագունդի մակերեսին վրայ եղող ամէն արարած բնացնջուեցաւ, մարդէն մինչեւ **ընտանի** անասունը, սողունէն մինչեւ երկինքի թռչունը. անոնք երկրէն բնացնջուեցան, ու միայն նոյ մնաց, եւ իրեն հետ տապանին մէջ եղողները: **24** Ու ջուրերը երկրի վրայ հարիւր յիսուն օր գարձրացած մնացին”:

ԶՐԸԵՂԵՂԻՆ ՎԱԽՏԱՆԸ

8

Աստուած յիշեց Նոյը, եւ անոր հետ տապանին մէջ եղող բոլոր կենդանիներն ու բոլոր **ընտանի** անասունները. եւ Աստուած երկրի վրայէն հով մը անցուց, ու ջուրերը ցածցան: **2** Նաեւ անդունդին աղբիւրներն ու երկինքի սահանադոնները փակուեցան, եւ երկինքի տեղատարափը դադրեցաւ: **3** Ջուրերը շարունակ երկրի վրայէն կը նահանջէին, ու հարիւր յիսուն օրէն ետք՝ ջուրերը քիչցան: **4** Եօթներորդ ամիսը, ամսուան տասնեօթներորդ օրը, տապանը Արարատ լեռներուն վրայ հանգչեցաւ: **5** Ջուրերը շարունակ կը քիչնային մինչեւ տասներորդ ամիսը. տասներորդ ամսուան առաջին **օրը**՝ լեռներուն գագաթները երեւցան:

6 Ջառասուն օր ետք՝ Նոյ իր շինած տապանին պատուհանը բացաւ **7** եւ ագռաւ մը արձակեց, որ **դուրս** ելաւ ու կ'երթար կու գար՝ մինչեւ երկրի վրայէն ջուրերուն ցամքիլը: **8** Աղաւնի մըն ալ քովէն արձակեց, որպէսզի տեսնէ թէ արդեօք գետինի մակերեսէն ջուրերը քիչցան: **9** Բայց աղաւնին իր թաթին հանգստավայր չգտաւ, եւ իրեն վերադարձաւ՝ տապանին մէջ, որովհետեւ ամբողջ երկրի մակերեսին վրայ ջուրեր կային: Այն ատեն իր ծեռքը երկարեց, առաւ զայն եւ իր քով՝ տապանին մէջ բերաւ: **10** Ուրիշ եօթը օր ալ սպասեց, ու աղաւնին տապանէն վերստին արձակեց: **11** Իրիկուան դէմ աղաւնին անոր եկաւ, եւ ահա՝ իր կտուցը ծիթենիի **օրը** փրցուած ոստ մը կար. ուստի Նոյ գիտցաւ թէ ջուրերը երկրի վրայէն քիչցան: **12** Ուրիշ եօթը օր ալ սպասեց ու **դարձեալ** աղաւնին արձակեց, որ անգա՞մ մըն ալ անոր չվերադարձաւ:

13 Նոյի **կեանքին** վեց հարիւր մէկերորդ տարին, առաջին ամսուան առաջին **օրը**, ցուրերը երկրի վրայէն ցամքեցան: Նոյ տապանին ծածքը վերցուց ու նայեցաւ, եւ ահա՝ գետինի մակերեսը ցամքած էր: **14** Ու երկրորդ ամիսը, ամսուան քսանեօթներորդ օրը, երկիրը չորցաւ:

15 Աստուած Նոյի խօսեցաւ՝ ըսելով. **16** «Տապանէն դո՛րս ելիր՝ դո՛ւն, կինդ, որդիներդ եւ որդիներուդ կինները՝ քեզի հետ: **17** Քեզի հետ եղող ամէն մարմինէ իւրաքանչիւր կենդանի, թէ՛ թռչունները, թէ՛ **ընտանի** անասունները, եւ թէ երկրի վրայ սողացող բոլոր սողունները՝ քեզի հետ դո՛րս հանէ, որպէսզի երկրի վրայ գատնան, ու երկրի վրայ աճին եւ բազմանան»: **18** Նոյ, իր որդիները, իր կինն ու իր որդիներուն կինները՝ իրեն հետ **դուրս** ելան. **19** ամէն գազան, ամէն սողուն, ամէն թռչուն, երկրի վրայ բոլոր շարժողները՝ իրենց տեսակին համեմատ՝ տապանէն **դուրս** ելան:

^գ **Եբր.**՝ զօրացան

^ւ **Եբր.**՝ երթալով

^բ **Եբր.**՝ ոտքի ներբանին

^գ **Եբր.**՝ վխտան

ՆՈՅ ԶՈՀ ԿԸ ՄԱՏՈՒՑԱՆԷ

20 Նոյ գոհասեղան մը կառուցանեց Տէրոց, ամէն մաքուր անասունէ եւ ամէն մաքուր թռչունէ առաւ, ու գոհասեղանին վրայ ողջակէզներ մատուցանեց: **21** Տէրը անոյշ հոտը Դառաւ եւ իր սիրտին մէջ ըսաւ. «Անգամ մըն ալ մարդուն պատճառով գետինը վերստին պիտի չանիծեմ, քանի որ մարդուն սիրտին նպատակը իր մանկութենէն ։ սկսեալ չար է. անգամ մըն ալ վերստին պիտի չզարնեմ ամէն կենդանի **մարմի՛՛** ինչպէս ըրի: **22** Ո՞րքան ատեն որ երկիրը կը մնայ, ցանք եւ հունձք, ցուրտ ու տաքութիւն, ամառ եւ ձմեռ, ցերեկ ու գիշեր պիտի չդադրի՛՛»:

ԱՍՏՈՒԾՈՅ ՈՒԽՏԸ ՆՈՅԻ ՀԵՏ

9

Աստուած Նոյը եւ անոր որդիները օրհնեց, ու անոնց ըսաւ. «Աճեցէ՛ք, բազմացէ՛ք, եւ լեցուցէ՛ք երկիրը: **2** Զեր արհաւիրքն ու զարհուրանքը՝ երկրի բոլոր գազաններուն վրայ, երկինքի բոլոր թռչուններուն վրայ, գետինի բոլոր շարժողներուն վրայ եւ ծովու բոլոր ծովկերուն վրայ պիտի ըլլան. անոնք ձեր ձեռքք յանձնուած են: **3** Ամէն շարժող կենդանի՝ ձեզի կերակուր ըլլայ. կանաչ բոյսի պէս՝ բոլորը ձեզի տուի: **4** Բայց միսը իր պէտանքով՝ **այսինքն** իր արիւնով՝ մի՛ ուտէք: **5** Եւ անտարակոյս ձեր պէտանքին՝ **այսինքն** արիւնին համար հաշիւ պիտի պահանջեմ. ամէն գազանի ձեռքէն պիտի պահանջեմ զայն, ու մարդուն ձեռքէն: Մարդուն կեանքը իւրաքանչիւրին եղբօր ձեռքէն պիտի պահանջեմ: **6** Ո՞վ որ մարդու արիւն թափէ, իր արիւնն **ալ** մարդէ պիտի թափուի, քանի որ Աստուած իր պատկերով գատեղ ծեց մարդը: **7** Դուք աճեցէ՛ք, բազմացէ՛ք, երկրի վրայ շատցէ՛ք, եւ անոր մէջ բազմացէ՛ք»:

8 Եւ Աստուած Նոյի եւ իրեն հետ եղող իր որդիներուն խօսեցաւ՝ ըսելով. **9** «Ահա՝ ձեզի հետ, ու ձեզմէ ետք՝ ձեր զարմին հետ իմ ուխտս պիտի հաստատեմ, **10** նաեւ ձեզի հետ եղող ամէն շնչաւոր կենդանիի հետ, թէ՛ թռչունի, թէ՛ ընտանի անասունի, թէ՛ ալ ձեզի հետ եղող երկրի ամէն գազանի հետ, տապանէն դուրս ելածներէն բոլորին հետ, ու երկրի բոլոր գազաններուն հետ: **11** Ձեզի հետ իմ ուխտս պիտի հաստատեմ, որ անգամ մըն ալ ամէն մարմին ջրհեղեղի ջուրերէն չբնաշնօւի, եւ ա՛լ ջրհեղեղ չըլլայ՝ երկիրը կործանելու համար»: **12** Եւ Աստուած ըսաւ. «Իմ ու ձեր միջեւ, եւ ձեզի հետ եղող ամէն շնչաւոր կենդանիի միջեւ՝ յաւիտենական սերունդներու համար դրած ուխտիս իբր նշան՝ **13** իմ աղեղս ամպին մէջ պիտի դնեմ. ա՛ն պիտի ըլլայ իմ ու երկրի միջեւ եղող ուխտին նշանը: **14** Երբ երկրի վրայ ամպ բերեմ՝ աղեղը ամպին մէջ պիտի երեւնայ, **15** եւ իմ ու ձեր միջեւ,

⁷ **Երը.**՝ հոտոտեց

⁸ **Կամ՝** թէեւ

⁹ **Կամ՝** ի վեր

¹⁰ **Երը.**՝ շունչով

¹¹ **Երը.**՝ շունչին

¹² **Երը.**՝ ըրաւ

¹³ **Երը.**՝ վխտացէ՛ք

ԾՆՈՒՆԴՆԵՐՈՒ ԳԻՐՅԸ

Եւ ամէն մարմինէ իւրաքանչիւր շնչաւոր կենդանիի միջեւ եղող իմ ուխտս պիտի յիշեմ, ու անգամ մըն ալ զուրերը ջրհեղեղի պիտի չվերածուին՝ ամէն մարմին բնաջնջելու համար:

16 Աղեղը ամպին մէջ պիտի ըլլայ եւ անոր պիտի նայիմ, որպէսզի յիշեմ յաւիտենական ուխտը՝ Աստուծոյ ու ամէն մարմինէ իւրաքանչիւր շնչաւոր կենդանիի միջեւ, որ երկրի վրայ է»: **17** Աստուած Նոյի ըսաւ. «Այս է այն ուխտին նշանը, որ հաստատեցի իմ ու երկրի վրայ եղող ամէն մարմինի միջեւ»:

ՆՈՅ ԵՒ ԻՐ ՈՐԴԻՆԵՐԸ

18 Նոյի որդիները՝ որ տապանէն դուրս ելան, Սէմը, Քամը եւ Յափէթն էին. Քամ Քանանի հայրն էր: **19** Այս երեքը Նոյի որդիներն էին, ու ասոնցմէ տարածուեցան ամբողջ երկիրը:

20 Նոյ սկսաւ երկար ըլլալ. այգի տնկեց, **21** գինիէն խմեց, գինովցաւ եւ իր վրանին մէջ մերկացաւ: **22** Քանանի հայրը՝ Քամ՝ իր հօր մերկութիւնը տեսաւ, ու դուրս ելելով՝ իր երկու եղբայրներուն պատմեց: **23** Սէմ եւ Յափէթ հանդերձ առին, իրենց երկուքին ուսերուն վրայ դրին, ու դէաի ետեւ երթալով՝ իրենց հօր մերկութիւնը ծածկեցին: Իրենց երեսը ետեւ դարձած ըլլալով՝ իրենց հօր մերկութիւնը չտեսան: **24** Նոյ՝ իր գինովութենէն արթննալով՝ իր պատիկ որդիին իրեն ըրածը գիտցաւ, **25** եւ ըսաւ. «Անիծեալ ըլլայ Քանան. իր եղբայրներուն ստրուկներուն ստրուկը պիտի ըլլայ»: **26** Նաեւ ըսաւ. «Օրհնեալ ըլլայ Տէրը, Սէմի Աստուածը, ու Քանան անոր ստրուկը ըլլայ»: **27** Աստուած թող ընդարձակէ Յափէթը ու Սէմի վրանները բնակի, եւ Քանան անոր ստրուկը ըլլայ»:

28 Նոյ ջրհեղեղէն ետք երեք հարիւր յիսուն տարի ապրեցաւ: **29** Նոյի բոլոր օրերը ինը հարիւր յիսուն տարի եղան, ու մեռաւ:

ՆՈՅԻ ՈՐԴԻՆԵՐՈՒՆ ԶԱՐՄԸ

(Ա. Մնաց. 1. 5-23)

10

Ահա՛ասիկ Նոյի որդիներուն՝ Սէմի, Քամի ու Յափէթի ծնունդները. Ջրհեղեղէն ետք անոնց որդիներ ծնան:

2 Յափէթի որդիներն էին՝ Գոմեր, Մագոգ, Մադայ, Յաւան, Թորէլ, Մոսոք ու Թիրաս: **3** Գոմերի որդիները՝ Ասքանազ, Շիփաթ ու Թորգոմա: **4** Յաւանի որդիները՝ Եղիսա, Թարսիս, Կիտացիներն ու Պոդացիները: **5** Ասոնցմէ՝ բաժնուեցան Պազգերուն կղզիները՝ իրենց երկիրներով, իւրաքանչիւրը իր լեզուին համեմատ, իրենց գերդաստաններով՝ ազգերուն մէջ:

6 Քամի որդիներն էին՝ Քուշ, Մեստրեմ, Փութ ու Քանան: **7** Քուշի որդիները՝ Սաբա, Եւիլա, Սաբաթա, Ռեգմա ու Սեբեթաքա: Ռեգմայի որդիները՝ Շաբա ու Դեղան: **8** Քուշ ծնաւ Նեբրովթը, որ սկսաւ երկրի վրայ զօրաւոր ըլլալ: **9** Ան Տէրոց առջեւ զօրաւոր որսորդ մըն էր. հետեւաբար կ'ըսուի. «Տէրոց առջեւ Նեբրովթի պէս զօրաւոր որսորդ»: **10**

^Ե Երը.՝ հողի մարդ

^Գ Կամ՝ անոնց

^Ա Կամ՝ Ռոդացիները

^Բ Կամ՝ հեթանոսներուն

ԾՆՈՒՆԴՆԵՐՈՒ ԳԻՐՅԸ

Իր թագաւորութեան սկիզբը՝ Բարելոն, ապա Արեք, Աքադ եւ Քաղանէ էր, Սենարի երկրին մէջ: **11 Յետոյ** այդ երկրէն դուրս ելաւ դէպի ⁴Ասորեստան, ու կառուցանեց Նինուէն, Ռոբովք քաղաքը, եւ Քաղան: **12** Նինուէի ու Քաղայի մէջտեղ Ռէսէնն ալ **շինեց**, որ մեծ քաղաք մըն էր: **13** Մեստրեմ ծնաւ Ղուդացիները, Անամացիները, Ղարացիները, Նեփութքացիները, **14** Պաթուրեսացիները, Քասղութքացիները (որոնցմէ ⁵Փղշտացիները ծնան") եւ Կափթորացիները: **15** Քանան ծնաւ իր անդրանիկը՝ Սիդոնը, նաեւ Քետը, **16** Յերուսաղին, Ամորհացին, Գերգեսացին, **17** Խեւացին, Արուկեցին, Ասենացին, **18** Արուադացին, Սամարացին եւ Ամաթացին. յետոյ Քանանացիներուն գերդաստանները տարածուեցան: **19** Քանանացիներուն հողամասը՝ Սիդոնէ Գերարա անցնելով՝ մինչեւ Գազա, Սոդոմ ու Գոմոր, Աղմա եւ Սեբոյիմ, մինչեւ Ղասա է: **20** Ասոնք են Քամի որդիները՝ իրենց գերդաստաններով, իրենց լեզուներով, իրենց երկիրներուն **եւ** իրենց ազգերուն մէջ:

21 Յափէթի մեծ եղբօր՝ Սէմի ալ, որ Եբերի բոլոր որդիներուն հայրն էր, **որդիներ** ծնան: **22** Սէմի որդիներն էին՝ Եղամ, Ասուր, Արփաքսադ, Ղուդ եւ Արամ: **23** Արամի որդիները՝ Հուս, Հով, Գաթեր ու Մաշ: **24** Արփաքսադ ծնաւ Սաղան, եւ Սաղա ծնաւ Եբերը: **25** Եբերի երկու որդի ծնան. մէկուն անունը՝ Փաղէկ էր, քանի որ երկիրը անոր օրերը բաժնուեցաւ, եւ անոր եղբօր անունը Յեկտան էր: **26** Յեկտան ծնաւ Եղմովդադը, Սաղափը, Ասարմօթը, Յարաքը, **27** Աղորամը, Ուզալը, Դեկդան, **28** Գեբաղը, Արիմեկլը, Շաբան, **29** Ոփիրը, Ելիլան ու Յորաքը: Ասոնք բոլորը Յեկտանի որդիներն էին, **30** եւ իրենց բնակութիւնը Մեսայէն մինչեւ Սոփեր՝ արեւելեան լեռը եղաւ: **31** Ասոնք են Սէմի որդիները՝ իրենց գերդաստաններով, իրենց լեզուներով, իրենց երկիրներուն մէջ՝ իրենց ազգերով: **32** Ասոնք են Նոյի որդիներուն գերդաստանները, իրենց ծնունդներուն եւ ազգերուն համեմատ: Զրհեղեղէն ետք՝ ազգերը ասոնցմէ՝ տարածուեցան երկրի վրայ:

ԲԱԲԵԼՈՆԻ ԱՇՏԱՐԱԿԸ

11

Ամբողջ երկիրը մէկ լեզու եւ մէկ խօսուածք ունէր: **2** Երբ արեւելքէն կը ճամբորդէին, Սենարի երկրին մէջ դաշտ մը գտան ու հոն բնակեցան: **3** Եւ իրարու ըսին. «Եկէք աղիւսներ շինենք, ու զանոնք կրակով թրծենք»: Աղիւսները անոնց քարի տեղ Եղան, եւ կուպրը անոնց ⁶շաղախի տեղ Եղաւ: **4** Նաեւ ըսին. «Եկէք մեզի քաղաք մը եւ աշտարակ մը կառուցանենք, որուն գագաթը մինչեւ երկինք հասնի, ու մեզի անուն ⁷վաստկինք, որ ամբողջ երկրի մակերեսին վրայ չցրուինք»: **5** Եւ Տէրը իջաւ մարդոց որդիներուն կառուցանած քաղաքն ու աշտարակը տեսնելու: **6** Տէրը ըսաւ. «Ահա՝ ասոնք մէկ ժողովուրդ են, եւ բոլորին լեզուն մէկ է. ասիկա շինելու սկսան, ու հիմա ոչինչ պիտի արգիլէ զանոնք ընելէ ինչ որ կը խորհին: **7** Եկէք, իջնենք եւ անոնց լեզուն հոն խառնակենք, որպէսզի մէկը միւսին լեզուն ⁸չհասկնայ»: **8** Ու Տէրը անկէ ամբողջ երկրի

⁴ **Եբր.**՝ Ասուր

⁵ **Եբր.**՝ Պաղեստինցիները ելան

⁶ **Այսինքն**՝ Բաժանում

⁷ **Եբր.**՝ Կաւի

⁸ **Եբր.**՝ ընենք

⁹ **Եբր.**՝ մտիկ չընէ

մակերեսին վրայ ցրուեց զանոնք, եւ քաղաքը կառուցանելէն դադրեցան: **9** Ասոր համար անոր անունը՝ Քաբելոն կոչուեցաւ, քանի որ Տէրը հոն ամբողջ երկրի լեզուն խառնակեց, ու Տէրը անկէ ամբողջ երկրի մակերեսին վրայ ցրուեց զանոնք:

ՍԷՄԻ ԶԱՐՄԸ
(Ա. ՄԱԿ. 1. 24-27)

10 Ահա՛ասիկ Սէմի ծնունդները. Սէմ հարիւր տարեկան էր՝ երբ ծնաւ Արփաքսադը շրհեղեղէն երկու տարի ետք: **11** Սէմ Արփաքսադը ծնանելէն ետք՝ հինգ հարիւր տարի ապրեցաւ, ու որդիներ եւ աղջիկներ ծնաւ: **12** Արփաքսադ երեսունհինգ տարի ապրեցաւ, ու ծնաւ Սաղան: **13** Արփաքսադ Սաղան ծնանելէն ետք՝ չորս հարիւր երեք տարի ապրեցաւ, ու որդիներ եւ աղջիկներ ծնաւ: **14** Սաղան երեսուն տարի ապրեցաւ, ու ծնաւ Եբերը: **15** Սաղան Եբերը ծնանելէն ետք՝ չորս հարիւր երեք տարի ապրեցաւ, եւ որդիներ ու աղջիկներ ծնաւ: **16** Եբեր երեսունչորս տարի ապրեցաւ, եւ ծնաւ Փաղէկը: **17** Եբեր Փաղէկը ծնանելէն ետք՝ չորս հարիւր երեսուն տարի ապրեցաւ, ու որդիներ եւ աղջիկներ ծնաւ: **18** Փաղէկ երեսուն տարի ապրեցաւ, ու ծնաւ Ռագաւը: **19** Փաղէկ Ռագաւը ծնանելէն ետք՝ երկու հարիւր ինը տարի ապրեցաւ, եւ որդիներ ու աղջիկներ ծնաւ: **20** Ռագաւ երեսուներկու տարի ապրեցաւ, եւ ծնաւ Սերուգը: **21** Ռագաւ Սերուգը ծնանելէն ետք՝ երկու հարիւր եօթը տարի ապրեցաւ, ու ծնաւ Նաքովը: **22** Սերուգ երեսուն տարի ապրեցաւ, ու ծնաւ Նաքովը: **23** Սերուգ Նաքովը ծնանելէն ետք՝ երկու հարիւր տարի ապրեցաւ, եւ որդիներ ու աղջիկներ ծնաւ: **24** Նաքովը քսանինը տարի ապրեցաւ, եւ ծնաւ Թարան: **25** Նաքովը Թարան ծնանելէն ետք՝ հարիւր տասնինը տարի ապրեցաւ, ու որդիներ եւ աղջիկներ ծնաւ: **26** Թարան եօթանասուն տարի ապրեցաւ, ու ծնաւ Աբրամը, Նաքովը եւ Առան:

ԹԱՐԱՅԻ ԶԱՐՄԸ

27 Ահա՛ասիկ Թարայի ծնունդները: Թարա ծնաւ Աբրամը, Նաքովը եւ Առանը. Առան ծնաւ Ղովտը: **28** Առան մեռաւ իր հօր՝ Թարայի առջեւ, իր՝ ^Եծննդավայրին՝ Քաղդէացիներուն Ուր քաղաքին մէջ: **29** Աբրամ ու Նաքովը իրենց կիներ առին. Աբրամի կնոջ անունը Սարա էր, իսկ Նաքովի կնոջ անունը՝ Մեղքա, աղջիկը Առանի՝ որ Մեղքայի ու Յեսքայի հայրն էր: **30** Սարա ամուլ էր. գաւակ չունէր: **31** Թարա՝ իր որդին Աբրամը, իր թոռը՝ Առանի որդին Ղովտը, ու իր որդիին՝ Աբրամի կինը, իր հարսը՝ Սարան առաւ, եւ անոնց հետ Քաղդէացիներուն Ուր քաղաքէն ելաւ՝ Քանանի երկիրը երթալու համար: Գացին մինչեւ Խառան ու հոն բնակեցան: **32** Թարայի օրերը երկու հարիւր հինգ տարի եղան, եւ Թարա Խառանի մէջ մեռաւ:

ԱՍՏՈՒԱԾ ԿԸ ԿԱՆՉԵ ԱԲՐԱՄԸ

12

Տէրը Աբրամի ըսաւ. «Զու երկրէդ, ազգականներէդ ու հօրդ տունէն գնա՛ այն երկիրը, որ քեզի պիտի ցուցնեմ: **2** Զեզ մեծ ազգ պիտի ընեմ, եւ զեզ պիտի օրհնեմ. զու անունդ

^Դ Այսիցը՝ Խառնակութիւն

^Ե Եբք.՝ ծնունդի երկրին

ԾՆՈՒՆԴՆԵՐՈՒ ԳԻՐՅԸ

պիտի մեծցնեմ, ու դուն “օրհնեալ պիտի ըլլաս: **3** Ձեզ օրհնողները պիտի օրհնեմ, քեզ անիծողները պիտի անիծեմ, ու երկրագունդի բոլոր գերդաստանները քեզմով պիտի օրհնուին»: **4** Եւ Աբրամ գնաց՝ ինչպէս Տէրը իրեն ըսեր էր. Ղովտն ալ անոր հետ գնաց: Աբրամ եօթանասունհինգ տարեկան էր՝ երբ Խառանէն դուրս ելաւ: **5** Աբրամ առաւ իր կինը՝ Սարան, իր եղբօրորդին՝ Ղովտը, իրենց վաստկած ամբողջ ինչքը, եւ Խառանի մէջ իրենց ստացած անձերը, ու դուրս ելան որ Քանանի երկիրը երթան: Քանանի երկիրը հասան, **6** եւ Աբրամ այդ երկրէն անցաւ մինչեւ Սիւքէմի տեղը, մինչեւ Մորէի կաղնին: Այն ատեն Քանանացիներ կային այդ երկրին մէց: **7** Տէրը երեւցաւ Աբրամի ու ըսաւ. «Զու զարմի՛ պիտի տամ այս երկիրը»: Եւ հոն զոհասեղան կառուցանեց Տէրոց՝ որ իրեն երեւցաւ: **8** Անկէ դէպի Բեթէլի արեւելեան կողմը եղող լեռը փոխադրուեցաւ, ու իր վրանը լարեց՝ Բեթէլլ բարեւմտեան կողմը ու Գային արեւելեան կողմը **ուժենալով**. Եւ հոն Տէրոց զոհասեղան կառուցանեց ու Տէրոց անունը կանչեց: **9** Աբրամ միշտ դէպի հարաւ կը ճամբորդէր:

ԱԲՐԱՄ ԵԳԻՊՏՈՍԻ ՄԷՋ

10 **Այդ** երկրին մէց սով եղաւ. Եւ Աբրամ Եգիպտոս իջաւ՝ հոն պանդխտանալու համար, որովհետեւ **այդ** երկրին մէց սովը սաստկաւ: **11** Երբ Եգիպտոս մտնելու մօտեցաւ, իր կնոց՝ Սարայի ըսաւ. «Ահա՝ գիտեմ թէ դուն գեղեցիկ տեսքով կին մըն ես: **12** Թերեւս երբ Եգիպտացիները քեզ տեսնեն՝ ըսեն. “Ասիկա անոր կինն է», ու զիս սպաննեն, բայց քեզ ողջ պահեն: **13** Կ’աղերսե՞մ, ըսէ՛ թէ դուն քոյրս ես, որ քու պատճառովդ ինծի բարիք ըլլայ, եւ քու պատճառովդ իմ անծս ողջ մնայ»: **14** Երբ Աբրամ Եգիպտոս հասաւ, Եգիպտացիները տեսան կինը՝ որ շատ գեղեցիկ էր: **15** Փարաւոնի իշխանաւորներն ալ տեսան, եւ գովեցին զայն Փարաւոնի առջեւ. ու կինը Փարաւոնի տունը **”տարուեցաւ:** **16** Անոր պատճառով Աբրամի բարիք ըրաւ, եւ ան ոչխարներ, արջառներ ու էշեր, ստրուկներ ու ստրկուհիներ, մատակ էշեր եւ ուղտեր ունեցաւ: **17** Բայց Տէրը մեծ ախտերով հարուածեց Փարաւոնն ու անոր տունը՝ Աբրամի կնոց Սարայի պատճառով: **18** Փարաւոն կանչեց Աբրամը եւ ըսաւ. «Այս ի՞նչ է՝ որ ինծի ըրիր. ինչո՞ւ ինծի չիմացուցիր թէ ասիկա կինդ է: **19** Ինչո՞ւ ըսիր. “Ասիկա քոյրս է». **Ես ալ զայն ինծի կին պիտի առնէի:** Ուստի հիմա ահա՝ կինդ. առ’ ու գնա՛»: **20** Եւ Փարաւոն **իր** մարդոց պատուիրեց անոր մասին, ու զայն ուղարկեցին՝ իր կնոց հետ եւ իր ամբողջ ունեցածով:

ԱԲՐԱՄ ԵՒ ՂՈՎՏ ԿԸ ԲԱԺՆՈՒԻՆ

13

Աբրամ իր կնոց հետ ու իր ամբողջ ունեցածով Եգիպտոսէն բարձրացաւ դէպի **Զանանի** հարաւային կողմը, Ղովտ **ալ** իրեն հետ: **2** Աբրամ շատ հարուստ էր խաշինքով, արծաթով եւ ոսկով: **3** Իր իջեւաններով՝ հարաւային կողմէն գնաց մինչեւ Բեթէլ, այն տեղը՝ ուր առաջին անգամ իր վրանը **լարած** էր, Բեթէլի ու Գայիի մէջտեղ, **4** այն զոհասեղանին

^ա **Եբր.**՝ օրհնութիւն

^բ **Եբր.**՝ ծովուն

^գ **Եբր.**՝ Ահա՝ կ’աղերսե՞մ,

^դ **Եբր.**՝ առնուեցաւ

ԾՆՈՒՆԴՆԵՐՈՒ ԳԻՐՅԸ

տեղը՝ որ հոն նախապէս շիներ էր. Եւ Աբրամ հոն Տէրոց անունը կանչեց:

5 Աբրամի հետ գացող Ղովտն ալ ոչխարներ, արջառներ ու վրաններ ունէր. 6 Եւ **այդ** երկիրը “բաւական չէր անոնց” որ միասին բնակին, քանի որ անոնց ինչքը շատ ըլլալով՝ չէին կրնար միասին բնակիլ: 7 Աբրամի խաշինքին հովիւներուն ու Ղովտի խաշինքին հովիւներուն միջեւ կորի կ’ըլլար, եւ այն ատեն Քանանացիներ ու Փերեզացիներ ալ կը բնակէին այդ երկրին մէջ: 8 Աբրամ ըսաւ Ղովտի. «Կ’աղերսե՛մ, իմ ու քու միջեւ, եւ իմ հովիւներուս ու քու հովիւներուդ միջեւ վիճաբանութիւն թող չըլլայ, որովհետեւ մենք եղբայր ենք: 9 Ամբողջ երկրը քու առջեւդ չէ՞։ Կ’աղերսե՛մ, զատուէ՛ ինձմէ. Եթէ **դուն** ծախ կողմը **երթաս**՝ ես աջ կողմը կ’երթամ, եւ եթէ աջ կողմը **երթաս**՝ ես ծախ կողմը կ’երթամ»։ 10 Ղովտ իր աչքերը վերցուց ու Յորդանանի ամբողջ դաշտին նայեցաւ. ամէն տեղ ջրարրի էր. Տէրը Սոդոմն ու Գոմորը կործանելէն առաջ՝ մինչեւ Սեգովի Տէրոց բդրախտին պէս էր, Եգիպտոսի երկրին նման: 11 Ղովտ իրեն համար ընտրեց Յորդանանի ամբողջ դաշտը. Ղովտ դէպի արեւելք մեկնեցաւ, եւ իրարմէ զատուեցան: 12 Աբրամ Քանանի երկրին մէջ բնակեցաւ. Ղովտ ալ դաշտի քաղաքներուն մէջ բնակեցաւ, ու իր վրանը Սոդոմի քով լարեց: 13 Իսկ Սոդոմի մարդիկը չափազանց չար եւ մեղաւոր էին Տէրոց առջեւ:

ԱԲՐԱՄ ԿԸ ՃԱՄԲՈՐԴՀԵ ԴԷՊՐՈՆ

14 Տէրը Աբրամի ըսաւ՝ Ղովտի իրմէ զատուելէն ետք. «**Այժմ** աչքե՛րդ վերցուր, ու քու եղած տեղէդ դիտէ՛ դէպի հիւսիս եւ հարաւ, ու դէպի արեւելք եւ արեւմուտք. 15 որովհետեւ այդ ամբողջ երկրը՝ որ կը տեսնես, քեզի՛ ու քու զարմի՛ պիտի տամ յաւիտեան: 16 Եւ քու զարմդ երկրի հողին պէս **անթիւ** պիտի ընեմ, այնպէս որ եթէ մէկը կարենայ երկրի հողը համրել, քու զարմդ ալ համրէ: 17 Կանգնէ՛, այդ երկիրը պտըտէ՛ անոր երկայնքին ու լայնքին համեմատ, քանի որ զայն քեզի պիտի տամ»։ 18 Աբրամ վերցուց իր վրանը, ու գնաց եւ բնակեցաւ Մամբրէի կաղնիներուն քով, որոնք քերրոնի մէջ են. ու հոն զոհասեղան կառուցանեց Տէրոց:

ԱԲՐԱՄ ԿԸ ՓՐԿԵ ՂՈՎՏԸ

14

Սենաարի Ամարփաղ թագաւորին, Ելլասարի Արիովը թագաւորին, Եղամի Ջոդողագոմոր թագաւորին եւ Գոյիմի Թադգաղ թագաւորին ժամանակները, 2 ասոնք պատերազմեցան Սոդոմի Բարա թագաւորին, Գոմորի Բարսա թագաւորին, Աղմայի Սենար թագաւորին, Սեբոյիմի Սիմոբոր թագաւորին ու Բաղայի (այսինքն Սեգովի) թագաւորին դէմ: 3 Ասոնք բոլորը դաշնակցեցան Սիդդիմի հովիտին մէջ, որ Աղի ծովն է: 4 Տասներկու տարի Ջոդողագոմորի հպատակեցան, եւ տասներեքերորդ տարին ըմբոստացան: 5 Տասնչորրորդ տարին՝ Ջոդողագոմոր ու իրեն հետ եղող թագաւորները եկան եւ զարկին Աստարովթ-Կառնայիմի մէջ եղող Ռափայինները, Համի մէջ եղող Զուգեցինները, Շատէ-Կարիաթեմի մէջ Էմիմները, 6 եւ Ջոդեցինները իրենց Սէիրի լերան վրայ՝ մինչեւ

“**Երբ.**՝ չէր կրնար կրել զանոնք

Բ Կամ՝ պարտէզին

Գ Կամ՝ փոշիին

ԾՆՈՒՆԴՆԵՐՈՒ ԳԻՐՅԸ

անապատին քով եղող ՚Էլփառանը: 7 Ապա վերադարձան ու հասան ՚Ենմասեփաթ, այսինքն՝ Կադէս, եւ զարկին Ամաղեկացիներուն ամբողջ դաշտավայրը, ու Ասասանթամար բնակող Ամորհացիներն ալ: 8 Եւ Սոդոմի թագաւորը, Գոմորի թագաւորը, Ադմայի թագաւորը, Սեբոյիմի թագաւորն ու Բաղայի (այսինքն Սեգովրի) թագաւորը դուրս ելլելով՝ Սիրդիմի հովիտին մէջ շարուեցան, անոնց դէմ պատերազմելու համար. 9 այսինքն՝ Եղամի Թոդողագոմոր թագաւորին, Գոյիմի Թադգաղ թագաւորին, Սենարի Ամարփաղ թագաւորին եւ Ելլասարի Արիովը թագաւորին հետ, այս չորս թագաւորները այն հինգին դէմ: 10 Սիրդիմի հովիտը կուպրի հորերով լեցուն էր. Սոդոմի ու Գոմորի թագաւորները փախան եւ հոն ինկան, ու մնացածները լեռը փախան: 11 Իսկ անոնք Սոդոմի ու Գոմորի ամբողջ ինչըք, եւ անոնց բոլոր պարէնները առին ու գացին: 12 Սոդոմ բնակող Աբրամի եղբօրորդին Ղովտը, եւ անոր ինչըք ալ առին ու գացին:

13 Ազատած մը Եկաւ եւ այս բաները եբրայեցի Աբրամի պատմեց: Ան Եսքողի ու Աների եղբօր՝ Ամորհացի Մամբրէի կաղնիներուն քով կը բնակէր, որովհետեւ ասոնք Աբրամի դաշնակից էին: 14 Երբ Աբրամ իր եղբօր գերեվարուիլը լսեց, իր տան մէջ ծնած երեք հարիւր տասնութ ՚մարզուած ծառաները հանեց ու զանոնք հետապնդեց մինչեւ Դան: 15 Ինք եւ իր ծառաները՝ գիշերուան մէջ ՚գունդ-գունդ՝ յարձակեցան անոնց վրայ, զարկին զանոնք, ու հալածեցին զանոնք մինչեւ Թոբա, որ Դամասկոսի ՚հիւսիսային կողմն է: 16 Ամբողջ ինչըք վերադարձուց. իր եղբայրը՝ Ղովտը եւ անոր ինչըք, նաեւ կիներն ու ժողովուրդն ալ վերադարձուց:

ՄԵԼՔԻՍԵԴԵԿ Կ'ՕՐՀՆԵ ԱԲՐԱՄԸ

17 Սոդոմի թագաւորը դուրս ելաւ դէպի Շաւէի հովիտը (այսինքն՝ Թագաւորի հովիտը) գինք դիմաւորելու, երբ ինք Թոդողագոմորն ու անոր հետ եղող թագաւորները զարնելէն ետք կը վերադառնար: 18 Եւ Սաղէմի թագաւորը՝ Մելքիսեդէկ՝ հաց ու գինի ՚բերաւ – ան Ամենաբարձր Աստուծոյ քահանան էր – 19 եւ օրհնեց զայն ու ըսաւ. «Օրհնեալ ըլլայ Աբրամ՝ երկինքի ու երկրի սեփականատէրը եղող Ամենաբարձր Աստուծմէն: 20 Օրհնեալ ըլլայ Ամենաբարձր Աստուածը, որ հակառակորդներդ քու ձեռքդ մատնեց»: Եւ ինք բոլորէն տասանորդ տուաւ անոր:

21 Սոդոմի թագաւորը ըսաւ Աբրամի. «Անձերը ինծի՝ տուր, բայց ինչըք դուն քեզի՝ առ»: 22 Աբրամ ըսաւ Սոդոմի թագաւորին. «^էՏէրոց՝ երկինքի ու երկրի սեփականատէրը եղող Ամենաբարձր Աստուծոյ վերցուցի ձեռքս, 23 որ դերձանէն մինչեւ կօշիկի կապը՝ ո՛չ մէկ բան առնեմ քու ունեցածներէդ, որ չըսես. «Աբրամը ե՞ս հարստացուցի», 24 բացի երիտասարդներուն կերածէն եւ ինծի հետ գացող մարդոց՝ այսինքն՝ Աների, Եսքողի ու

^ս Այսինքն՝ Փառանի բեւեկնին

^բ Այսինքն՝ դատաստանի աղբիւր

^գ Կամ՝ կրթուած

^դ Եբր.՝ բաժնուած

^ե Եբր.՝ ձախ

^գ Եբր.՝ դուրս հանեց

^է Եբր.՝ Եհովայի

Մամբրէի բաժիններէն. անոնք իրենց բաժինը թող առնեն»։

ԱՍՏՈՒԾՈՅ ՈՒԽՏԸ ԱԲՐԱՄԻ ՀԵՏ

15

Այս բաներէն ետք, տեսիլքի մէջ “Տէրը խօսեցաւ” Աբրամի՝ ըսելով. «Մի՛ վախնար, Աբրամ, ես քու վահանդ եմ, **ու** Պվարձատրութիւնդ չափազանց շատ պիտի ըլլայ»։ **2** Աբրամ ըսաւ. «Տէ՛ր Եհովա, ինծի ի՞նչ պիտի տաս, քանի անզաւակ կը մնամ», եւ իմ տանս տիրողը՝ այս Դամակոսցի Եղիազարն է»։ **3** Աբրամ նաեւ ըսաւ. «Որովհետեւ ինծի զարմ չտուիր, ահա՛ իմ տանս ՞ծառան ինծի ժառանգորդ է»։ **4** Եւ ահա՛ Տէրոց խօսքը անոր ուղղուեցաւ՝ ըսելով. «Անիկա ժառանգորդդ պիտի ըլլայ. հապա ժառանգորդդ պիտի ըլլայ ա՛ն՝ որ քու ընդերքէդ պիտի ելլէ»։ **5** Ու դուրս հանեց զինք եւ ըսաւ. «Այժմ դիտէ՛ Երկինքը ու համրէ՛ աստղերը, եթէ կրնաս զանոնք համրել»։ Եւ ըսաւ անոր. «Չու զարմդ այսպէս պիտի ըլլայ»։ **6** Ինք ալ հաւատաց Տէրոց, որ իրեն արդարութիւն սեպեց ատիկա։

7 Եւ ըսաւ անոր. «Ե՛ս եմ Տէրը, որ քեզ Քաղէկացիներուն Ուր քաղաքէն հանեցի՝ այս երկիրը քեզի տալու, անոր տիրանալու համար»։ **8** Ան ալ ըսաւ. «Տէ՛ր Եհովա, ի՞նչպէս գիտնամ թէ ես անոր պիտի տիրանամ»։ **9** **Տէրը** անոր ըսաւ. «Ինծի երեք տարեկան երինջ մը, երեք տարեկան այծ մը, երեք տարեկան խոյ մը, ու տատրակ մը եւ աղաւնիի ձագ մը բեր»։ **10** Ինք ալ ասոնք բոլորը անոր բերաւ, զանոնք մէջտեղէն բաժնեց, եւ անոնց կտորները՝ մէկը միւսին դիմաց դրաւ. բայց թռչնազգիները չբաժնեց։ **11** Երբ դիակներուն վրայ գիշատիչ թռչուններ իջան, Աբրամ զանոնք վոնտեց։ **12** Ու երբ արեւը մայր կը մտնէր՝ Աբրամի վրայ թմբիր մը ինկաւ, եւ ահա՛ անոր վրայ մեծ խաւարի Երկիւդ մը ինկաւ։ **13** Ու **Տէրը** Աբրամի ըսաւ. «Ստո՞յգ գիտցիր, թէ քու զարմդ իրը չեղող երկրի մը մէջ պանդուխտ պիտի ըլլայ, գեւ ստրուկ պիտի ըլլայ։ **Ճո՛** չորս հարիւր տարի պիտի տառապեցնեն զանոնք։ **14** բայց ե՛ս պիտի դատեմ այն ազգը՝ որուն ստրուկ պիտի ըլլան, եւ անկէ ետք՝ շատ ինչքով դուրս պիտի ելլեն։ **15** Դուն խաղաղութեամբ հայրերուդ պիտի երթաս. լա՛ւ ալեւորութեան մէջ պիտի թաղուիս։ **16** Իսկ անոնք չորրորդ սերունդին մէջ հոս պիտի վերադառնան, որովհետեւ Ամորհացիներուն անօրէնութիւնը դեռ ամբողջացած չէ»։ **17** Երբ արեւը մայր մտաւ եւ աղջամուղ եղաւ, ահա՛ մխացող փուռ մը ու հրավառ ջահ մը այդ կտորներուն մէջտեղէն անցան։ **18** **Այդ** նոյն օրը **Տէրը** Աբրամի հետ ուխտ մը կնքեց՝ ըսելով. «Չու զարմի՛ տուի այս երկիրը, Եգիպտոսի գետէն մինչեւ Մեծ գետը, **այսինքն**՝ Եփրատ գետը. **19** Կենեցիները, Կենեզացիները, Կեդմոնացիները, **20** Քետացիները, Փերեզացիները, **21** Ռափայինները, Ամորհացիները, Քանանացիները, Գերգեսացիներն ու Յեբուսացիները։

ա **Եբր.**՝ Տէրոց խօսքը եղաւ

բ **Եբր.**՝ Վարձքդ

գ **Եբր.**՝ Կ'Երթամ

դ **Եբր.**՝ Որդին

ե **Եբր.**՝ հաշուէ՛

գ **Եբր.**՝ Եւ անոնց

16

Աբրամի կինը՝ Սարա չէր ծնաներ անոր, ու եգիպտացի ստրկուհի մը ունէր՝ որուն անունը Հագար էր: **2** Սարա ըսաւ Աբրամի. «Ահա՝ այժմ Տէրը արգիլեց զիս ծնանելէ. կ'աղերսե՛մ, ստրկուհիին մտիր, թերեւս անկէ որդի ստանամ»: Եւ Աբրամ Սարայի խօսքը մտիկ ըրաւ: **3** Աբրամի կինը՝ Սարա, իր եգիպտացի ստրկուհին՝ Հագարը առաւ, Աբրամի քանանի երկրին մէջ տասը տարի բնակելէն ետք, ու զայն իր ամուսինին՝ Աբրամի տուաւ, որպէսզի անոր կինը ըլլայ: **4** Ան ալ մտաւ Հագարի, որ յղացաւ. իսկ երբ իր յղի ըլլալը տեսաւ, իր տիրուհին իր աչքերուն անարգուեցաւ: **5** Սարա ըսաւ Աբրամի. «Ինծի եղած բռնութիւնը քո՞ւ վրադ ըլլայ: Իմ ստրկուհիս ծոցդ տուի, ու երբ ան տեսաւ իր յղի ըլլալը՝ ես անոր աչքերուն անարգուեցայ: Տէրը դատէ իմ ու քու միջեւ»: **6** Աբրամ ըսաւ Սարայի. «Ահա՝ ստրկուհիդ քու ձեռքդ է. ըրէ՛ անոր ի՞նչ որ բեզի հաճելի թուի»: Երբ Սարա տառապեցուց զայն, **Հագար** անոր առցեւէն փախաւ: **7** Տէրոց հրեշտակը գտաւ զայն անապատին մէջ՝ ջուրի ակի մը քով, Սուրի ճամբային մէջ եղող ակին քով, **8** եւ ըսաւ. «Հագար, Սարայի ստրկուհին, ուրկէ՞ կու գաս եւ ո՞ւր կ'երթաս»: Ան ալ ըսաւ. «Իմ տիրուհիս՝ Սարայի առցեւէն կը փախչիմ»: **9** Տէրոց հրեշտակը ըսաւ անոր. «Վերադարձի՛ր քու տիրուհիիդ, եւ անոր ձեռքին տակ խոնարհէ»: **10** Տէրոց հրեշտակը ըսաւ անոր. «Քու զարմդ չափազանց պիտի բազմացնեմ, այնպէս որ շատութենէն պիտի չհաշուուի»: **11** Ու Տէրոց հրեշտակը ըսաւ անոր. «Ահա՝ դուն յղի ես, ու որդի մը պիտի ծնանիս. անոր անունը՝ հսմայէլ պիտի կոչես, քանի որ Տէրը քու տառապանքդ լսեց: **12** Ան ՝վայրենի մարդ մը պիտի ըլլայ: Անոր ձեռքը բոլորին վրայ, եւ բոլորին ձեռքն ալ անոր վրայ պիտի ըլլայ: Ան իր բոլոր եղբայրներուն ներկայութեան մէջ պիտի բնակի»: **13** Եւ **Հագար** իրեն հետ խօսող Տէրոց անունը կանչեց՝ **Ըսելով**. «Դուն եիմ տեսիլքիս մէջ երեւած» Աստուածն ես», քանի որ ըսաւ. «Արդեօք ո՞ղջ եմ՝ հոս՝ եիմ տեսիլքէս» ետք»: **14** Ասոր համար **այդ** ջրհորը ՝Լահայրոյի ջրհոր՝ կոչեց: Ահա՝ ան Կադէսի ու Բարադի մէշտեղն է: **15** Եւ Հագար որդի մը ծնաւ Աբրամի: Աբրամ Հագարի իրեն ծնած որդիին անունը հսմայէլ կոչեց: **16** Աբրամ ութսունվեց տարեկան էր, երբ Հագար հսմայէլը ծնաւ Աբրամի:

ԹԼՓԱՏՈՒԹԻՒՆԸ՝ ՈՒԽՏԻ ՆԾԱՆ

17

^ա **Եբր.**՝ անով տուն կառուցանեմ

^բ **Եբր.**՝ աչքերուդ լաւ ըլլայ

^գ **Այսինքն**՝ Աստուած պիտի լսէ

^դ **Եբր.**՝ վայրենի էշ

^ե **Կամ**՝ զիս տեսնող

^զ **Եբր.**՝ կը տեսնե՞մ

^է **Կամ**՝ զիս տեսնելէն

^թ **Այսինքն**՝ տեսիլքիս ապրող Աստուծոյն ջրհորը

Երբ Աբրամ իննառևինը տարեկան էր, Տէրը Աբրամի երեւցաւ եւ ըսաւ անոր. «Ե՞ս եմ Ամենակարող Աստուածը. ի՞մ առջեւս ընթացիր, եւ պարկե՛ցտ եղիր: **2** Իմ ու քու միջեւ իմ ուխտս պիտի դնեմ, եւ քեզ չափազանց պիտի բազմացնեմ»: **3** Աբրամ իր երեսին վրայ ինկաւ, ու Աստուած անոր խօսեցաւ՝ ըսելով. **4** «Ահա՛ իմ ուխտս քեզի հետ է. ազգերու բազմութեան հայր պիտի ըլլաս, **5** եւ ա՛լ անունդ՝ ^աԱբրամ պիտի չկոչուի, հապա ^բԱբրահամ պիտի ըլլայ անունդ, որովհետեւ քեզ ազգերու բազմութեան հայր ըրի: **6** Քեզ չափազանց պիտի աճեցնեմ. քեզ ազգեր պիտի ընեմ, ու քեզմէ թագաւորներ պիտի ելլեն: **7** Իմ եւ քու միջեւ, ու քեզմէ ետք՝ քու զարմիդ միջեւ, իրենց սերունդներուն մէջ իմ ուխտս պիտի հաստատեմ. յալիտենական ուխտ մը, որ քեզի եւ քեզմէ ետք՝ քու զարմիդ Աստուած ըլլամ: **8** Քեզի ու քեզմէ ետք՝ քու զարմիդ, իբր յալիտենական կալուած, պիտի տամ այն երկիրը՝ ուր գաղթական եղար, ամբողջ Քանանի երկիրը, ու անոնց Աստուած պիտի ըլլամ»: **9** Եւ Աստուած Աբրահամի ըսաւ. «Ուստի դո՛ւն, ու քեզմէ ետք՝ քու զարմդ իրենց սերունդներուն մէջ, պահեցէ՛ք իմ ուխտս: **10** Սա՛ է իմ եւ ձեր միջեւ, ու քեզմէ ետք՝ քու զարմիդ միջեւ եղող իմ ուխտս, որ պիտի պահէք. ձեզմէ ամէն արու թող թլփատուի: **11** Ծայրատեցէ՛ք ձեր թլիփին միսը, եւ ասիկա՛ ըլլայ իմ ու ձեր միջեւ եղող ուխտին նշանը: **12** Զեր սերունդներուն մէջ՝ ամէն ութ օրուան արու զաւակ թող թլփատուի, թէ՛ տունը ծնածը, թէ՛ քու զարմէդ չեղող բոլոր օտարազգիներէն դրամով գնուածը: **13** Քու տունդ ծնածը եւ դրամովդ գնուածը անշո՛ւտ պիտի թլփատուին, ու իմ ուխտս ձեր մարմինին մէջ յալիտենական ուխտ մը պիտի ըլլայ: **14** Եւ անթլփատ արուն, որուն թլիփին միսը ծայրատուած չէ, այդ անձը իր ժողովուրդէն պիտի բնաջնջուի. ան իմ ուխտս խզած է»:

15 Աստուած Աբրահամի ըսաւ. «Քու կնոջ՝ Սարայի անունը Սարա մի՛ կոչեր, հապա անոր անունը ^աՍառա պիտի ըլլայ: **16** Զայն պիտի օրհնեմ, նաեւ անկէ որդի մը պիտի տամ քեզի. պիտի օրհնեմ զայն, եւ ազգերու **մայր** պիտի ըլլայ. ժողովուրդներու թագաւորներ պիտի ելլեն անկէ»: **17** Աբրահամ երեսի վրայ ինկաւ ու խնդաց, եւ իր սիրտին մէջ ըսաւ. «Հարիւր տարեկան մարդուն զաւակ պիտի ըլլա՞յ արդեօք. ու Սառա, որ իննառև տարեկան է, պիտի ծնանի՞»: **18** Եւ Աբրահամ Աստուծոյ ըսաւ. «Իսմայէլ թող ապրի քու առջեւուր»: **19** Աստուած ըսաւ. «Անկասկած քո՛ւ կինդ՝ Սառա որդի մը պիտի ծնանի քեզի, ու անոր անունը ^իԻսահակ պիտի կոչես: Անոր հետ, եւ անկէ ետք՝ անոր զարմին հետ իմ ուխտս պիտի հաստատեմ, յալիտենական ուխտ մը: **20** Իսմայէլի համար ալ մտիկ ըրի քեզի: Ահա՛ օրհնեցի զայն. պիտի աճեցնեմ զայն, ու չափազանց պիտի բազմացնեմ: Ան տասներկու իշխան պիտի ծնանի, եւ մեծ ազգ մը պիտի ընեմ զայն: **21** Բայց Իսահակի՛ հետ իմ ուխտս պիտի հաստատեմ, որ Սառա յաջորդ տարի՝ այս ատեն քեզի պիտի ծնանի»:

22 Անոր հետ խօսիլը աւարտելով՝ Աստուած Աբրահամի քովէն բարձրացաւ: **23** Աբրահամ առաւ իր որդին՝ Իսմայէլը, բոլոր իր տունը ծնածներն ու բոլոր դրամով գնուածները, – Աբրահամի ընտանիքին մէջ **գտնուած** բոլոր արուները, – եւ նոյն օրը անոնց թլիփին միսը ծայրատեց, ինչպէս Աստուած անոր ըսեր էր: **24** Աբրահամ իննառևինը տարեկան էր՝ երբ իր թլիփին միսը ծայրատուեցաւ. **25** Եւ իր որդին՝ Իսմայէլ տասներեք տարեկան էր, երբ իր թլիփին միսը ծայրատուեցաւ: **26** Նոյն օրը

^ա **Այսիցը**՝ հայր բարձր

^բ **Այսիցը**՝ հայր բազմութեան

^գ **Այսիցը**՝ իշխանուհի

^դ **Այսիցը**՝ խնդուք

ԾՆՈՒՆԴՆԵՐՈՒ ԳԻՐՅԸ

թլփատուեցան Աբրահամ ու իր որդին՝ Խսմայէլ: **27** Եւ իր տան բոլոր մարդիկը, թէ՛ իր տունը ծնած, թէ՛ ալ օտարազգիներէն դրամով գնուած, իրեն հետ թլփատուեցան:

ԱԲՐԱՀԱՄԻ ԶԱՒԱԿ ՄԸ ԿԸ ԽՈՍՏԱՑՈՒԻ

18

Տէրը երեւցաւ անոր՝ Մամբրէի կաղնիներուն քով: Մինչ ան օրուան տաք **ատենը՝** վրանին մուտքը նստած էր, **2** իր աչքերը վերցուց ու նայեցաւ, եւ ահա՛ երեք մարդիկ իր մօտ կայնած էին: Երբ զանոնք տեսաւ, վրանին մուտքէն վազեց զանոնք դիմաւորելու, մինչեւ գետին **խոճարհելով** երկրպագեց, **3** եւ ըսաւ. «Իմ տէ՛րս, եթէ այժմ շնորհք գտայ քու ^աառջեւդ, կ'աղերսե՛մ, ծառայիդ **բնակարանէն** մի՛ անցնիր: **4** Կ'աղերսե՛մ, քիչ մը ջուր թող բերուի, ու ձեր ոտքերը լուացէ՛ք եւ ծառին տակ հանգստացէ՛ք. **5** ու պատառ մը հաց բերեմ, ձեր սիրտերը կազդուրեցէ՛ք, յե՛տոյ անցէք, քանի որ ասոր համար ձեր ծառային քով եկաք»: Անոնք ըսին. «Ի՞նչակս ըսիր, այնպէս ըրէ»: **6** Աբրահամ շտապելով դէպի վրանը՝ Սառայի **մօս** գնաց եւ ըսաւ. «Շուտո՞վ երեք գրիւ նուրբ ալիւր շաղէ ու շօթե՛ր շինէ»: **7** Աբրահամ վազեց արջառներուն **քով**, մատղաշ եւ լաւ հորթ մը առաւ ու երիտասարդի մը տուաւ. ան ալ շտապելով պատրաստեց զայն: **8** Կոգի, կաթ, եւ իր պատրաստած հորթը առաւ, անոնց առջեւ դրաւ, ու ինք ծառին տակ՝ անոնց քով կայնեցաւ: Անոնք կերան, **9** եւ ըսին իրեն. «Ո՞ւր է քու կինդ՝ Սառա»: Ինք ըսաւ. «Ահա՛ վրանին մէջ է»: **10** **Տէրը** ըսաւ. «^Պթաջորդ տարի» անշուշտ քեզի պիտի վերադառնամ, եւ ահա՛ քո՛ւ կինդ՝ Սառա որդի մը պիտի ունենայ»: Սառա մտիկ կ'ընէր վրանին մուտքը՝ որ անոր ետեւն էր. **11** Աբրահամ ու Սառա ծերացած էին, ^Պտարիքով յառաջացած», **ել** Սառա դադրած էր կիներու կարգին մէջ ըլլալէ: **12** Ուստի Սառա ինքնիր մէջ խնդաց՝ ըսելով. «Ես պառաւելէս ետք զուարճութի՞ւն պիտի ունենամ, քանի տէրս ալ ծերացած է»: **13** **Տէրը** Աբրահամի ըսաւ. «Ինչո՞ւ Սառա խնդաց՝ ըսելով. «Միթէ ի՞րապէս պիտի ծնանիմ, ես որ ծերացած եմ»: **14** Միթէ **Տէրոց** համար դժուարին բան մը կա՞յ: **Սահմանուած** ատենին, ^Պյաջորդ տարի», քեզի պիտի վերադառնամ, ու Սառա որդի մը պիտի ունենայ»: **15** Բայց Սառա ուրացաւ եւ ըսաւ. «Չխնդացի՛», քանի որ վախցաւ: Իսկ ան ըսաւ. «Ո՛չ, խնդացի՛ր»:

ԱԲՐԱՀԱՄԻ ԶՔՄԵՂԱՆՔԸ ՍՈԴՈՄԻ ՀԱՄԱՐ

16 Մարդիկը կանգնեցան՝ **որ** անկէ **մեկնին**, եւ եիրենց երեսը դէպի Սոդոմ դարձուցին^ա. Աբրահամ զանոնք առաջնորդելու համար անոնց հետ գնաց: **17** Այն ատեն **Տէրը** ըսաւ. «Միթէ Աբրահամէն ծածկե՞մ ինչ որ պիտի ընեմ. **18** որովհետեւ Աբրահամ **անշուշտ** մեծ եւ հզօր ազգ մը պիտի ըլլայ, ու երկրի բոլոր ազգերը անով պիտի օրհնուին: **19** Արդարեւ գիտեմ թէ ան իր որդիներուն, եւ իրմէ ետք՝ իր ընտանիքին պիտի պատուիրէ, ու անոնք արդարութիւնը եւ իրաւունքը կիրարկելու համար՝ **Տէրոց** ճամբան պիտի պահեն, որպէսզի **Տէրը** Աբրահամի վրայ բերէ ի՞նչ որ խօսեցաւ»: **20** **Տէրը** ըսաւ. «Քանի Սոդոմի ու Գոմորի

^ա **Եբր.**՝ աչքերուդ

^բ **Եբր.**՝ Կեանքի ժամանակին

^գ **Եբր.**՝ օրերը գացած

^դ **Եբր.**՝ Կեանքի ժամանակին

^ե **Եբր.**՝ դէպի Սոդոմ նայեցան

աղաղակը շատցաւ եւ անոնց մեղքը չափազանց ծանրացաւ, **21** այժմ պիտի իշնեմ տեսնելու՝ թէ ամբողջովին ինձի եկած աղաղակին համաձայն ըրին. իսկ եթէ ոչ՝ պիտի գիտնամ»: **22** **Այդ** մարդիկը անկէ ելան ու դէպի Սոդոմ գացին. իսկ Աբրահամ տակալին **Տէրոց** առջեւ կայնած էր:

23 Աբրահամ մօտեցաւ եւ ըսաւ. «Արդեօք ամբարիշտին հետ արդա՞րն ալ պիտի կորսնցնես: **24** Թերեւս **այդ** քաղաքին մէջ յիսուն արդար ըլլան. արդեօք անոր մէջ եղող յիսուն արդարին համար չխնայելով՝ պիտի կորսնցնե՞ս **այդ** տեղը: **25** Հեռո՛ւ քեզմէ՛ որ այսպիսի քան մը ընես, որ արդարը ամբարիշտին հետ մեռցնես, եւ արդարը ամբարիշտի պէս ըլլայ: Ամե՛նելին: Միթէ ամբողջ երկրի Դատաւորը իրաւունք պիտի չգործադրէ՞»: **26** **Տէրը** պատասխանեց. «Եթէ Սոդոմի մէջ յիսուն արդար գտնեմ՝ քաղաքին մէջ, անոնց պատճառով ամբողջ տեղին պիտի խնայեմ»: **27** Աբրահամ ըսաւ. «Ահա՛ այժմ, ես որ հող ու մոխիր եմ, սկսայ **Տէրոց** հետ խօսիլ: **28** Թերեւս յիսուն արդարէն հինգ պակսի. **այդ** հինգին համար պիտի կործանե՞ս ամբողջ քաղաքը»: Ան ալ պատասխանեց. «Եթէ հոն քառասունհինգ գտնեմ, պիտի չկործանեմ»: **29** [«]Վերստին անոր խօսեցաւ՝ ըսելով. «Թերեւս հոն քառասուն գտնուին»: Ան պատասխանեց. «Քառասունին պատճառով **ալ** պիտի չընեմ»: **30** Իսկ ինք ըսաւ. «Ո՛հ, **Տէրը** թող չքորրոքի, եւ խօսիմ. թերեւս հոն երեսուն գտնուին»: **Տէրը** պատասխանեց. «Եթէ հոն երեսուն գտնեմ, պիտի չընեմ»: **31** Ինք ալ ըսաւ. «Ահա՛ այժմ սկսայ **Տէրոց** հետ խօսիլ. թերեւս հոն քսան գտնուին»: Ան պատասխանեց. «Քսանին պատճառով **ալ** պիտի չկործանեմ»: **32** Իսկ ինք ըսաւ. «Ո՛հ, **Տէրը** թող չքորրոքի, ու միայն այս անգամ ալ խօսիմ. թերեւս հոն տասը գտնուին»: Ան ալ պատասխանեց. «Տասնին պատճառով **ալ** պիտի չկործանեմ»: **33** **Տէրը** գնաց՝ Աբրահամի հետ խօսիլը աւարտելէն անմիջապէս ետք. Աբրահամ ալ իր տեղը վերադարձաւ:

ՄԵՂԱՍՏԻՑ ՍՈՂՈՄԸ

19

Այդ երկու հրեշտակները իրիկուան դէմ Սոդոմ հասան. ու Ղովտ Սոդոմի դուռը նստած էր: Ղովտ՝ **զանոնք** տեսնելով՝ զանոնք դիմաւորելու համար կանգնեցաւ, իր դէմքը մինչեւ գետին **խոնարհեցնելով՝** երկրպագեց, **2** եւ ըսաւ. «Ահա՛ այժմ, իմ տէրերս, կ'աղերսե՛մ, անկէ՛ք ծեր ծառային տունը, **հո՛ն** գիշերեցէք ու ոտքերնի՛դ լուացէք. ապա **առտուն**՝ կանո՛կն ելէք ու ծեր ճամբա՛ն գացէք»: Անոնք ըսին. «Ո՛չ, հրապարակին մէջ կը գիշերենք»: **3** Շատ ստիպեց զանոնք. ուստի անոր ^բգացին եւ անոր տունը մտան: Անոնց խնճոյք սարքեց, բաղարջ եփեց ու կերան:

4 Բայց անոնց պառկելէն առաջ՝ քաղաքին մարդիկը, **այսիհքն**՝ Սոդոմացիները տունը շրջապատեցին, – երիտասարդներէն մինչեւ ծերերը, ամբողջ ժողովուրդը՝ [«]ամէն կողմէ[»], – **5** Ղովտը կանչեցին եւ անոր ըսին. «Ո՞ւր են այն մարդիկը՝ որ այս գիշեր քեզի եկան. զանոնք դո՛ւրս հանէ մեզի, որպէսզի զանոնք գիտնանք: **6** Ղովտ մուտքէն դուրս ելաւ անոնց քով, իր ետեւէն դուռը գոցեց **7** ու ըսաւ. «Եղբայրներս, կ'աղերսե՛մ, չարիք մի՛ ընէք: **8** Ահա՛ այժմ երկու աղջիկ ունիմ՝ որ **այդ** մարդ չեն գիտեր. կ'աղերսե՛մ, զանոնք

^գ **Եբր.**՝ Անգամ մըն ալ վերստին

^ս **Եբր.**՝ շեղեցէք

^բ **Եբր.**՝ շեղեցան

^գ **Եբր.**՝ **քաղաքին** բոլոր ծայրերէն, **կամ** մինչեւ վերջինը

հիմա ձեզի դուրս հանեմ, եւ անոնց ըրէ՛ք ինչ որ ձեր աչքերուն լաւ է: Միայն թէ այս մարդոց ո՛չ մէկ բան ըրէք, քանի որ անոնք իմ յարկիս հովանիին տակ մտան»: **9** Անոնք ըսին. «**Հեռացի՛ր**»: Նաեւ ըսին. «Ասիկա եկաւ **հոս** պանդստանալու, ու կ'ուզէ դատաւոր ըլլալ: Հիմա քեզի աւելի չարիք պիտի ընենք՝ քան անոնց»: Եւ շատ ստիպեցին մարդը, **Այսինքն** Ղովտը, ու մօտեցան որ դուռը կոտրեն: **10** Բայց **այդ** մարդիկը իրենց ձեռքերը երկարեցին եւ Ղովտը տան մէջ՝ իրենց քով առին, ու դուռը գոցեցին: **11** Իսկ տան մուտքը կայնած մարդիկը կուրութեամբ զարկին՝ պատիկէն մինչեւ մեծը, այնպէս որ մուտքը փնտոելէն ձանձրացան:

ԴՊՏ ԿԸ ՀԵՌԱՆԱՅ ՍՈՂՈՄԵՆ

12 Մարդիկը Ղովտի ըսին. «Հոս ուրիշ ո՞վ ունիս. փեսաներդ, որդիներդ, աղջիկներդ եւ քաղաքին մէջ ո՞վ որ ունիս՝ այս տեղէն հանէ՛, **13** որովհետեւ մենք այս տեղը պիտի կործանենք. արդարեւ անոնց աղաղակը Տէրոց առջեւ մեծ եղաւ, ու Տէրը մեզ դրկեց զայն կործանելու»: **14** Ղովտ դուրս ելաւ եւ իր աղջիկները առնող փեսաներուն խօսեցաւ՝ ըսելով. «Կանգնեցէ՛ք եւ այս տեղէն գացէ՛ք, որովհետեւ Տէրը պիտի կործանէ այս քաղաքը»: Բայց իր փեսաներուն թուեցաւ թէ կը խնդար:

15 Երբ արշալոյսը ծագեցաւ, հրեշտակները Ղովտը փութացուցին՝ ըսելով. «Կանգնէ՛, ա՛ո կիմն ու հոս եղող երկու աղջիկներդ, որպէսզի քաղաքին բանօրէնութեան մէջ չկորսուիս»: **16** Երբ ան կը տնտնար, **այդ** մարդիկը բռնեցին անոր ձեռքէն, անոր կնոց ձեռքէն եւ անոր աղջիկներուն ձեռքէն – Տէրոց անոր վրայ խղճալուն համար – ու դուրս հանեցին զայն, եւ քաղաքին դուրսի կողմը դրին: **17** Երբ զանոնք դուրս հանեցին, **մէկը** ըսաւ. «Քու անձդ **ազատելու** համար խո՛յս տուր. ետեւդ մի՛ նայիր, ու ամբողջ դաշտին մէջ մի՛ կենար. լե՛ռը խոյս տուր՝ որ չկորսուիս»: **18** Ղովտ անոնց ըսաւ. «Ո՛չ, իմ տէ՛րս, կ'աղերսե՛մ: **19** Ահա՝ այժմ ծառադ քու առջեւդ շնորհք գտաւ, եւ իմ անձս ողջ պահելով՝ ինձի հետ մեծ կարեկցութեամբ վարուեցար: Ես չեմ կրնար լեռը խոյս տալ, չարիք մը թող չհասնի ինձի ու մեռնիմ: **20** Ահա՝ կ'աղերսե՛մ, սա՛ քաղաքը մօտ է՝ հոն փախչելու, ու փոքր է. հո՛ն խոյս տամ, (միթէ ան փոքր չէ՞), եւ իմ անձս ողջ մնայ»: **21** Անոր ըսաւ. «Ահա՝ այդ բանին մէջ ալ ՚ինդրանքդ ընդունեցի», որ այդ քաղաքը չկործանեմ՝ որուն մասին խօսեցար: **22** Շտապելով հո՛ն խոյս տուր. որովհետեւ՝ մինչեւ որ հոն չհասնիս, ես ոչինչ կրնամ ընել»: Ատոր համար այդ քաղաքին անունը՝ Սեգովր կոչեց:

^Դ **Երբ.**՝ Հեռո՛ւ ներկայացիր

^Ե **Երբ.**՝ գտնելէն

^Գ **Երբ.**՝ երեսին առջեւ

^Դ **Երբ.**՝ աչքերուն եղաւ

^Ե **Երբ.**՝ բարձրացաւ

^Թ **Կամ՝** պատիժին

^Ժ **Երբ.**՝ աչքերուդ

^Ի **Երբ.**՝ երեսդ բարձրացուցի

^Լ **Այսինքն**՝ պատիկ

ՍՈՂՈՄԻ ԵՒ ԳՈՄՈՐԻ ԿՈՐԾԱՆՈՒՄԸ

23 Արեւը երկրի վրայ ծկը ծագէր^۱ երբ Ղովտ Սեգովր մտաւ: **24** Այն ատեն Տէրը Սոդոմի ու Գոմորի վրայ ծծումբ եւ կրակ տեղացուց երկինքէն՝ Տէրոշմէն, **25** ու կործանեց այդ քաղաքները, ամբողջ դաշտը, **այդ** քաղաքներուն բոլոր բնակիչներն ու գետինի վրայ բուսածը: **26** Բայց անոր կինը ետեւ նայեցաւ եւ աղէ արծան եղաւ:

27 Աբրահամ՝ կանուխ ելլելով առտուն՝ Տէրոց առջեւ կայնած տեղը **եկաւ**, **28** Սոդոմի, Գոմորի ու դաշտին ամբողջ երկրին նայեցաւ, եւ տեսաւ թէ ահա՝ **այդ** երկրէն ծուխ կը բարձրանար՝ հնոցի ծուխի պէս:

29 Երբ Աստուած **այդ** դաշտին քաղաքները կը կործանէր՝ Աստուած յիշեց Աբրահամը, ու Ղովտը կործանումին մէջէն դուրս հանեց՝ երբ կը կործանէր Ղովտի բնակած քաղաքները:

ՄՈՎԱԲԻ ԵՒ ԱՄՄՈՆԻ ԾՆՈՒՆԴԸ

30 Ղովտ Սեգովրէն բարձրացաւ եւ լեռը բնակեցաւ, ու իր երկու աղջիկները՝ իրեն հետ, քանի Սեգովրի մէջ բնակելու կը վախնար. ինք եւ իր երկու աղջիկները քարայրի մը մէջ բնակեցան: **31** Անդրանիկ աղջիկը կրտսերին ըսաւ. «Մեր հայրը ծեր է, ու երկրին մէջ մարդ չկայ՝ որ ամէն երկրի սովորութեան համաձայն մեզի մտնէ: **32** Եկո՞ւր, մեր հօր գինի խմցնենք եւ իրեն հետ պառկինք, ու մեր հօրմէն զարմ ապրեցնենք»: **33** Այդ գիշերը իրենց հօր գինի խմցուցին, ու անդրանիկ աղջիկը մտաւ եւ իր հօր հետ պառկեցաւ. **Ղովտ** չգիտցաւ անոր պառկիլն ու ելլելը: **34** Հետեւեալ օրը՝ անդրանիկ աղջիկը կրտսերին ըսաւ. «Ահա՝ երէկ գիշեր հօրս հետ պառկեցայ: Այս գիշեր ալ անոր գինի խմցնենք, եւ մտի՛ր, իրեն հետ պառկէ՛, ու մեր հօրմէն զարմ ապրեցնենք»: **35** Այդ գիշերն ալ իրենց հօր գինի խմցուցին, եւ կրտսեր աղջիկը ելաւ ու անոր հետ պառկեցաւ. **Ղովտ** չգիտցաւ անոր պառկիլն ու ելլելը: **36** Այսպէս՝ Ղովտի երկու աղջիկները իրենց հօրմէն յηի մնացին: **37** Անդրանիկը որդի մը ծնաւ եւ անոր անունը Մովաբ կոչեց. ասիկա Մովաբացիներուն հայրն է մինչեւ այսօր: **38** Կրտսերն ալ որդի մը ծնաւ ու անոր անունը Բենամմի կոչեց. ասիկա Ամմոնացիներուն հայրն է մինչեւ այսօր:

ԱԲՐԱՀԱՄ ԵՒ ԱԲԻՄԵԼԵՔ

20

Աբրահամ անկէ դէպի հարաւային երկիրը մեկնեցաւ, ու Կարէսի եւ Սուլի մէջտեղ մնաց, ու Գերարայի մէջ պանդխտացաւ: **2** Աբրահամ իր կնոջ՝ Սառայի մասին ըսաւ. «Ան քոյրս է»: Գերարայի թագաւորն ալ՝ Աբիմելէք՝ **մարդ** դրկեց եւ առաւ Սառան:

3 Աստուած գիշերը՝ երազի մէջ՝ Աբիմելէքի եկաւ ու անոր ըսաւ. «Ահա՝ այդ կնոջ համար՝ որ դուն առիր, պիտի մեռնիս. քանի որ ան ամուսին ունի»: **4** Բայց Աբիմելէք անոր մերձեցած չէր, եւ ըսաւ. «Տէ՛ր, արդար ա՞զգ մըն ալ պիտի մեռցնես: **5** Ինք ինծի

^۱ **Կամ** կոչուեցաւ

^۲ **Երբ.**՝ կ'ելլէր

^۳ **Երբ.**՝ ճամբային

ըրսա՞ւ. “ԱՅ քոյրս է□, ասիկա ալ ըսաւ. “ԱՅ եղբայրս է□: Ես այս բանը պարկեցտ սիրտով եւ անմեղ ծեռքերով ըրի»: 6 Աստուած երազի մէջ անոր ըսաւ. «Ե՞ս ալ գիտցայ թէ այս բանը պարկեցտ սիրտով ըրիր. Աաեւ քեզ գերծ պահեցի ինծի դէմ մեղանչեկն. ատոր համար քեզի չթոյլատրեցի որ անոր դպշիս: 7 Ուստի հիմա կինը իր ամուսինին վերադարձուր. քանի ան մարգարէ է, քեզի համար պիտի աղօթէ, ու դուն ողջ պիտի մնաս: Բայց եթէ **զայն** չվերադարձնես, գիտցի՛ր թէ անպատճառ պիտի մեռնիս, դուն եւ բոլոր քուկիններդ»:

8 Ուստի Աբիմելէք առտուն՝ կանուխ ելաւ, իր բոլոր ծառաները կանչեց, այս բոլոր բաները անոնց պատմեց, ու մարդիկը շատ վախցան: 9 Եւ Աբիմելէք Աբրահամը կանչեց եւ անոր ըսաւ. «Մեզի ի՞նչ ըրիր. Ես քեզի դէմ ի՞նչպէս մեղանչեցի, որ իմ վրաս ու թագաւորութեանս վրայ մեծ մեղը մը բերիր. չկատարուելիք գործեր կատարեցիր ինծի հանդէպ»: 10 Եւ Աբիմելէք Աբրահամի ըսաւ. «Ի՞նչ տեսար՝ որ այս բանը ըրիր»: 11 Աբրահամ ըսաւ. «Ես բարձեցի թէ իսկապէս Աստուծոյ վախը չկայ այստեղ, ու կնոցս պատճառով զիս պիտի սպաննեն: 12 Բայց նաեւ՝ իրապէս քոյրս է. հօրս աղջիկն է, բայց մօրս աղջիկը չըլլալով՝ կինս եղաւ: 13 Երբ Աստուած զիս հօրս տունէն գաղթել տուաւ, անոր ըսի. “Սա՛ կարեկցութեամբ վարուէ ինծի հետ. ամէն տեղ որ երթանք, հոն իմ մասիս ըսէ թէ “Եղբայրս է”»: 14 Աբիմելէք ոչխարներ, արջառներ, ստրուկներ եւ ստրկուհիններ առաւ ու Աբրահամի տուաւ. անոր կինը՝ Սառան ալ անոր վերադարձուց: 15 Եւ Աբիմելէք ըսաւ. «Ահա՛ իմ երկիրս քու առջեւդ է. բնակէ՛ ո՛ւր որ բեզի հաճելի թուի»: 16 Սառայի ալ ըսաւ. «Ահա՛ եղբօրդ հազար կտոր արծաթ տուի: Ահա՛ ան քեզի աչքերու ծածկոց ըլլայ՝ բոլոր քեզի հետ եղողներուն եւ բոլորին առջեւ»: Այսպէս ան կշտամբուեցաւ: 17 Աբրահամ աղօթեց Աստուծոյ, եւ Աստուած բուժեց Աբիմելէքը, անոր կինն ու աղախինները, եւ **սկսան** ծնանիլ, 18 քանի Տէրը Աբիմելէքի ընտանիքին բոլոր արգանդները **ամբո՛ղջովին** գոցած էր, Աբրահամի կնոշ՝ Սառայի պատճառով:

ԻՍԱՀԱԿԻ ԾՆՈՒՆԴԸ

21

Տէրը Սառայի այցելեց՝ ինչպէս ըսած էր. Տէրը իր խոստումին համաձայն ըրաւ Սառայի, 2 ու Սառա յղացաւ եւ որդի մը ծնաւ Աբրահամի՝ իր ծերութեան ատեն, այն նոյն ժամանակին՝ որ Աստուած ըսեր էր անոր: 3 Աբրահամ իրեն ծնած, **այսինքն՝** Սառայի իրեն ծնած իր որդիին անունը իսահակ կոչեց: 4 Եւ Աբրահամ թլփատեց իր որդին՝ իսահակը, երբ ութ օրուան եղաւ, ինչպէս Աստուած իրեն պատուիրեր էր: 5 Աբրահամ հարիւր տարեկան էր, երբ իր որդին՝ իսահակը ծնաւ իրեն: 6 Սառա ըսաւ. «Աստուած զիս խնդրացուց, եւ ամէն լսող ինծի հետ պիտի խնդայ»: 7 Նաեւ ըսաւ. «Ո՞վ կ'ըսէր Աբրահամի, թէ Սառա որդիներ պիտի դիեցնէ. քանի որ իր ծերութեան ատեն իրեն որդի ծնայ»: 8 Զաւակը մեծցաւ ու կաթէն կտրուեցաւ, եւ Աբրահամ մեծ խնճոյք սարքեց իսահակի կաթէն կտրուած օրը:

^ա **Երը.**՝ ականջներուն խօսեցաւ

^բ **Երը.**՝ ըսի

^գ **Երը.**՝ դեգերիլ

^դ **Երը.**՝ աչքերուդ լաւ ըլլայ

ՀԱԳԱՐ ԵՒ ԻՍՍԱՅԷԼ ԿԸ ՀԵՌԱՅՈՒԻՆ

9 Սառա տեսաւ թէ Եգիպտացի Հագարի որդին, որ **Հազար** Աբրահամի ծնած էր, կը խնդայ. **10** ուստի Աբրահամի ըսաւ. «Վոնտէ՛ այս աղախինը եւ անոր որդին. որովհետեւ այս աղախինին որդին իմ որդիիս՝ Իսահակի հետ ժառանգորդ պիտի չըլլայ»: **11** Այս բանը Աբրահամի շատ անհաճոյ եղաւ՝ իր որդիին պատճառով: **12** Իսկ Աստուած Աբրահամի ըսաւ. «Տղային համար ու աղախինիդ համար՝ **այդ բանը** թող բանհաճոյ չըլլայ քեզի: Սառայի քեզի ըսած բոլոր խօսքերը մտի՛կ ըրէ, քանի որ Իսահակով պիտի կոչուի քու զարմդ: **13** Աղախինին որդին ալ ազգ մը պիտի ընեմ, որովհետեւ ան ալ քու զարմդ է»: **14** Եւ Աբրահամ առտուն՝ կանուխ ելաւ, հաց ու տիկ մը ջուր առաւ եւ Հագարի տուալ՝ անոր ուսին վրայ դնելով. զաւակն ալ **տուալ**, եւ ուղարկեց զայն: Ան ալ գնաց, ու Բերսարէի անապատին մէջ կը դեգերէր: **15** Երբ տիկին ջուրը հատաւ, մացառներէն մէկուն տակ ծգեց զաւակը, **16** նետընկէցի մը չափ հեռու գնաց ու դիմացը նստաւ, քանի որ ըսաւ. «Զաւակին մեռնիլը չտեսնե՛մ». եւ դիմացը նստելով՝ իր ձայնը բարձրացուց ու լացաւ: **17** Աստուած տղային ձայնը լսեց, եւ Աստուծոյ հրեշտակը երկինքէն Հագարը կանչեց ու անոր ըսաւ. «Հագա՛ր, քեզի ի՞նչ եղաւ: Մի՛ վախնար, որովհետեւ Աստուած լսեց տղային ձայնը՝ անոր եղած տեղէն: **18** Կանգնէ՛, վերցո՛ր տղան ու բռնէ՛ զայն ծեռքովդ, քանի որ մեծ ազգ մը պիտի ընեմ զայն»: **19** Եւ Աստուած **Հագարի** աչքերը բացաւ ու ջրհոր մը տեսաւ. գնաց, տիկը ջուրով լեցուց եւ տղային խմցուց: **20** Աստուած տղային հետ էր. ան մեծցաւ, անապատը բնակեցաւ ու աղեղնաւոր եղաւ: **21** Փառանի անապատը բնակեցաւ, եւ մայրը անոր կին մը առաւ Եգիպտոսի երկրէն:

ԱԲՐԱՀԱՄԻ ԵՒ ԱԲԻՄԵԼՔԻ ՀԱՄԱՉՆՈՒԹԻՒՆԸ

22 Այն ատեն Աբիմելէք, ու իր սպարապետը՝ Փիքող, Աբրահամի խօսելով՝ ըսին. «Աստուած քեզի հետ է ամէն բանի մէջ՝ ի՞նչ որ ընես: **23** Եւ հիմա, հոս, ինծի երդում ըրէ Աստուծմով, թէ ինծի, զաւակներուս եւ թոռներուս հետ կեղծիքով պիտի չվարուիս. հապա քեզի ցոյց տուած՝ կարեկցութեանս համեմատ պիտի ընես ինծի եւ այս երկրին՝ որուն մէջ պանդիտացած ես»: **24** Աբրահամ ըսաւ. «Երդում կ'ընե՛մ»: **25** Ու Աբրահամ կշտամբեց Աբիմելէքը՝ ջրհորի մը համար, որ Աբիմելէքի ծառաները բռնագրաւած էին: **26** Աբիմելէք ըսաւ. «Չեմ գիտեր թէ ո՛վ ըրաւ այդ բանը, եւ դո՛ւն ալ ինծի չիմացուցիր. ես ալ լսած չէի, բայց միայն այսօ՛ր **լսեցի**»: **27** Աբրահամ ոչխարներ ու արջառներ առաւ եւ Աբիմելէքի տուաւ, ու երկուքն ալ ուխտ մը կնքեցին: **28** Աբրահամ ոչխարներէն եօթը գառնուկ զատ դրաւ, **29** եւ Աբիմելէք Աբրահամի ըսաւ. «Ի՞նչ են այդ եօթը գառնուկները, որ զատ դրիր»: **30** Ան ալ ըսաւ. «Այս եօթը գառնուկները ծեռքէս ա՛ն, որպէսզի անոնք վկայ ըլլան թէ այս հորը ե՛ս փորեր եմ»: **31** Ասոր համար այդ տեղին անունը՝ Բերսարէ կոչեց, քանի որ երկուքն ալ հոն երդում ըրին: **32** Եւ Բերսարէի մէջ ուխտ մը կնքեցին. այն ատեն Աբիմելէք

^ա **Եբր.**՝ աչքերուն գէշ

^բ **Եբր.**՝ աչքերուդ գէշ

^գ **Եբր.**՝ ըրած

^դ **ԱյսիհըՇ**՝ էգ գառ

^ե **ԱյսիհըՇ**՝ երդումի ջրհոր

ու իր սպարապետը՝ Փիքող կանգնեցան եւ Փղշտացիներուն երկիրը վերադարձան:

33 Աբրահամ ծառեր տնկեց Բերսաբէի մէջ, ու հոն յաւիտենական Աստուծոյ՝ Եհովայի անունը կանչեց: **34** Եւ Աբրահամ երկար ժամանակ պանդիստացաւ Փղշտացիներուն երկրին մէջ:

ԱՍՏՈՒԱԾ ԿԸ ՓՈՐՁԵ ԱԲՐԱՀԱՄԸ

22

Այս բաներէն ետք Աստուած Աբրահամը փորձարկեց եւ անոր ըսաւ. «Աբրահամ»: Ան ալ ըսաւ. «Ահա՝ **հոս եմ**»: **2** Աստուած ըսաւ. «Այժմ ա՛ն քու որդիիդ, քու սիրած մէկ հատիկ զաւակդ՝ հսահակը, գնա՞ Մորիայի երկիրը, ու հոն զայն մատուցանէ՝ իբր ողջակէզ լեռներէն մէկուն վրայ՝ որ քեզի պիտի ըսեմ»: **3** Աբրահամ առտուն՝ կանուխ ելաւ, իր էշը համետեց, իրեն հետ երկու երիտասարդ եւ իր հսահակ որդին առաւ, ողջակէզի համար փայտ ճեղքեց, եւ ելաւ գնաց այն տեղը՝ որ Աստուած իրեն ըսաւ: **4** Երրորդ օրը Աբրահամ իր աչքերը վերցուց, ու հեռուէն տեսաւ **այդ** տեղը: **5** Աբրահամ իր երիտասարդներուն ըսաւ. «Դուք իշուն հետ հո՞ս կեցէք. ես եւ տղան մինչեւ հոն երթանք, երկրպագենք ու ձեզի վերադառնանք»: **6** Աբրահամ ողջակէզին փայտերը առաւ եւ իր որդիին՝ հսահակի վրայ դրաւ, ինք իր ձեռքը առաւ կրակն ու դանակը, եւ երկուքը միասին գացին: **7** հսահակ իր հօր՝ Աբրահամի խօսելով ըսաւ. «Իմ հայրս»: Ան ալ ըսաւ. «Ահա՝ **հոս եմ, որդիս**»: **հսահակ** ըսաւ. «Ահա՝ կրակն ու փայտը, բայց ո՞ւր է ողջակէզ ըլլալիք գառը»: **8** Աբրահամ ըսաւ. «Աստուած ի՞նք պիտի պատրաստէ ողջակէզ ըլլալիք գառը, որդեակս»: Այսպէս՝ երկուքը միասին գացին, **9** եւ հասան այն տեղը՝ որ Աստուած անոր ըսեր էր: Աբրահամ հոն զոհասեղան մը կառուցանեց, փայտերը զետեղեց, իր որդին՝ հսահակը կապեց, ու զայն զոհասեղանին փայտերուն վրայ դրաւ: **10** Աբրահամ իր ձեռքը երկարեց եւ դանակը առաւ՝ որպէսզի իր որդին մորթէ: **11** Բայց **Տէրոջ հրեշտակը երկինքէն** զինք կանչեց ու ըսաւ. «Աբրահամ, Աբրահամ»: Ան ալ ըսաւ. «Ահա՝ **հոս եմ**»: **12 Հրեշտակը** ըսաւ. «Տղային վրայ ձեռքդ մի՛ դներ եւ անոր ոչի՛նչ ըրէ, քանի որ հիմա գիտցայ թէ Աստուծմէ կը վախնաս, որովհետեւ քու մէկ հատիկ որդիիդ չխնայեցիր ինձմէ»: **13** Աբրահամ իր աչքերը վերցուց ու նայեցաւ, եւ ահա՝ **իր ետեւը՝ թաւուտին մէջ՝ եղջիւրներէն** բռնուած խոյ մը կար: Աբրահամ գնաց, խոյը բերաւ, ու զայն իբր ողջակէզ մատուցանեց՝ իր որդիին տեղը: **14** Աբրահամ այդ տեղին անունը **Եհովա-Ցիրէ կոչեց**, որ մինչեւ այսօր կ'ըսուի. «**Տէրը լերան վրայ պիտի երեւնայ**»: **15** **Տէրոջ հրեշտակը երկրորդ անգամ երկինքէն** Աբրահամը կանչեց **16** եւ ըսաւ. «Իմ վրաս երդում ըրի, – կը պատգամէ Տէրը – որովհետեւ այս բանը ըրիր ու քու որդիիդ, քու մէկ հատիկ զաւակդ իհածմէ չխնայեցիր, **17** քեզ մեծապէս պիտի օրհնեմ: Քու զարմդ մեծապէս պիտի բազմացնեմ՝ երկինքի աստղերուն եւ ծովեզերքը եղող աւազին պէս. քու զարմդ իր թշնամիներուն գքաղաքներուն պիտի տիրանայ, **18** ու երկրի բոլոր ազգերը քու զարմովդ պիտի օրհնուին, որովհետեւ իմ խօսքս մտիկ ըրիր»: **19** Երբ Աբրահամ իր երիտասարդներուն վերադարձաւ, կանգնեցան ու միասին Բերսաբէ գացին. եւ Աբրահամ Բերսաբէ կը բնակէր:

ՆԱՅՈՎՐԻ ԶԱՐՍԸ

^ա **Եբր.**՝ տեսնէ

^բ **Այսիցը**՝ **Տէրը** պիտի տեսնէ. **կամ**՝ **Տէրը** պիտի նախախնամէ

^գ **Եբր.**՝ դրան

20 Այս բաներէն ետք, Աբրահամի պատմուեցաւ՝ ըսելով. «Ահա՛ Մեղքա՛ ի՞նք ալ որդիներ ծնաւ քու եղբօրդ Նաքովրի. **21** անդրանիկ որդին՝ Հուսը, անոր եղբայրը՝ Բուզը, Արամի հայրը՝ Կամուէլը, **22** Քաջադը, Ասաւը, Փաղդասը, Յեղվափը եւ Բաթուէլը. **23** Բաթուէլ ծնաւ Ռեթեկան: Այս ուշը **որդիները** Մեղքա ծնաւ Աբրահամի եղբօր՝ Նաքովրի: **24** Իսկ անոր հարճը, որուն անունը Ռէումա էր, ան ալ **Տէքաքը**, Գահամը, Թաքասը եւ Մաքան ծնաւ:

ՍԱՌԱ ԿԸ ՄԵՌՆԻ, ԱԲՐԱՀԱՄ ԿԸ ԳՆԷ ԳԵՐԵԶՄԱՆ ՄԸ

23

Սառա հարիւր քսանեօթը տարի ապրեցաւ. **այսքան եղան** Սառայի կեանքին տարիները: **2** Սառա մեռաւ Կարիաթ-Արբայի մէջ, որ քերրոնն է՝ քանանի երկրին մէջ: Աբրահամ Սառայի համար հեծեծելու եւ լալու եկաւ. **3** ապա Աբրահամ իր մեռելին քովէն կանգնեցաւ, ու քետի որդիներուն հետ խօսեցաւ՝ ըսելով. **4** «Ես պանդուխտ եւ հիւր եմ ձեր մէջ. ինծի գերեզմանի համար կալուած մը տուէք ձեր մէջ, որպէսզի “իմ առջեւս” թաղեմ մեռելս»: **5** Քետի որդիները Աբրահամի պատասխանեցին. **6** «Իմ տէ՛րս, մտի՛կ ըրէ մեզի. դուն մեր մէջ Աստուծոյ իշխանն ես: Մեր ամենէն ընտիր գերեզմանին մէջ թաղէ քու մեռելդ: Քու մեռելդ թաղելու համար՝ մեզմէ ո՛չ մէկը իր գերեզմանը բկը մերժէ՝ քեզի տալ»: **7** Աբրահամ կանգնեցաւ ու երկրպագեց **այդ երկրի ժողովուրդին՝ Քետի որդիներուն,** **8** եւ անոնց ըսաւ. «Եթէ համամիտ էք՝ որ իմ առջեւս թաղեմ մեռելս, մտի՛կ ըրէք ինծի, ու Սահառի որդիին՝ Եփրոնի՝ բարեխօսեցէք ինծի համար, **9** որ իր արտին ծայրը եղող ԴՄաքիւլայի քարայրը ինծի տայ: Զայն լման գինով թող տայ ինծի՝ իբր գերեզմանի կալուած ձեր մէջ»: **10** Եփրոն՝ Քետի որդիներուն մէջ կը բնակէր: Քետացի Եփրոն Աբրահամի պատասխանեց Քետի որդիներուն առջեւ, **այսինքն՝** իր քաղաքին դռնէն մտնող բոլորին առջեւ. **11** «Ո՛չ, իմ տէ՛րս, մտի՛կ ըրէ ինծի: Արտը քեզի կու տամ, ու հոն եղող քարայրն ալ քեզի կու տամ: Իմ ժողովուրդիս որդիներուն առջեւ զայն քեզի տուի, թաղէ՝ քու մեռելդ»: **12** Աբրահամ **այդ երկրին ժողովուրդին** առջեւ երկրպագեց, **13** ու Եփրոնի խօսեցաւ՝ **այդ երկրին ժողովուրդին առջեւ, եւ ըսաւ.** «Բայց Եթէ զայն ինծի պիտի տաս, կ'աղերսեմ, մտի՛կ ըրէ ինծի. Ես արտին դրամը տամ, ա՛ն ինձմէ՝ որ մեռելս հոն թաղեմ»: **14** Եփրոն Աբրահամի պատասխանեց՝ անոր ըսելով. **15** «Իմ տէ՛րս, մտի՛կ ըրէ ինծի. գետինը չորս հարիւր սիկող արծաթ կ'արժէ. իմ ու քու միջեւ ի՞նչ է ատիկա. ուրեմն թաղէ՝ քու մեռելդ»: **16** Աբրահամ Եփրոնի մտիկ ըրաւ. Աբրահամ արծաթը կշռեց եւ տուաւ

^ա **Եբր.**՝ Երեսիս առջեւէն

^բ **Եբր.**՝ կ'արգիլէ

^գ **Եբր.**՝ ձեր անձին փափաքն է

^դ **Այսինքն՝** կրկնութեան

^ե **Եբր.**՝ ականջներուն

^գ **Եբր.**՝ աչքերուն առջեւ

^է **Եբր.**՝ ականջներուն

Եփրոնի, ինչպէս ան քետի որդիներուն բառքեւ խօսեր էր, **այսինքն** չորս հարիւր սիկող արծաթ՝ վաճառականներուն ընթացիկ գինով: **17** Ու Եփրոնի արտը, որ Մաքփելայի մէջ՝ Մամբրէի առջեւ է – արտը, հոն եղող քարայրը, եւ արտին մէջի բոլոր ծառերը՝ անոր շրջակայ սահմաններուն մէջ – **18** իբր Աբրահամի գոյք հաստատուեցան քետի որդիներուն բառքեւ, անոր քաղաքին դռնէն բոլոր մտնողներուն բառքեւ: **19** Անկէ ետք, Աբրահամ իր կինը՝ Սառան թաղեց Մամբրէի դիմաց եղող Մաքփելայի արտին քարայրին մէջ, որ քերբոնն է՝ քանանի երկրին մէջ: **20** Արտն ու հոն եղող քարայրը քետի որդիներէն Աբրահամի իբր գերեզմանի կալուած հաստատուեցան:

ԿԻՆ ՄԸ՝ ԻՍԱՀԱԿԻ ՀԱՄԱՐ

24

Աբրահամ “տարիքով յառաջացած” **ու** ծերացած էր: **Տէրը** ամէն բանի մէջ օրհնած էր Աբրահամը: **2** Աբրահամ ըսաւ իր տան երէց ծառային, որ իր ամբողջ ունեցածը կը կառավարէր. «Կ’աղերսե՞մ, ծեռքդ երանքիս տակ դիր. **3** քեզ կ’երդմնեցնեմ **Տէրոջմով**, որ երկինքի Աստուածն ու երկրի Աստուածն է, որ որդիիս կին չառնես Քանանացիներուն աղջիկներէն, որոնց մէջ կը բնակիմ. **4** հապա իմ երկի’րս եւ ազգականներուն գնա, ու որդիիս՝ իսահակի **անկէ՛** կին առ»: **5** Ծառան անոր ըսաւ. «Թերեւս կինը չուզէ ինձի հետեւիլ դէպի այս երկիրը. պէ՞տք է որ քու որդիդ այն երկիրը վերադարձնեմ՝ ուրկէ դուն ելար»: **6** Աբրահամ անոր ըսաւ. «Զգուշացի՛ր՝ որ որդիս հոն չվերադարձնես: **7** **Տէ’րը՝** երկինքի Աստուածը, որ զիս հօրս տունէն եւ ազգականներուս երկրէն հանեց, որ ինձի խօսեցաւ ու ինձի երդում ըրաւ՝ ըսելով. “Այս երկիրը քու զարմիդ պիտի տամ՝, ի’նք իր հրեշտակը քու առջեւէդ պիտի դրկէ, եւ դուն անկէ որդիիս կին պիտի առնես: **8** Եթէ կինը չուզէ քեզի հետեւիլ, այս երդումէս դուն անպարտ կ’ըլլաս. միայն թէ որդիս հոն մի՛ վերադարձներ»: **9** Ծառան իր տիրոջ՝ Աբրահամի երանքին տակ դրաւ իր ձեռքը, ու այս բանին համար երդում ըրաւ անոր:

10 Ծառան իր տիրոջ ուղտերէն տասը ուղտ առաւ եւ գնաց, քանի իր տիրոջ բոլոր բարիքները իր ձեռքն էին. կանգնեցաւ ու դէպի **Միջագետք՝ Նաքովրի քաղաքը** գնաց: **11** Ուղտերը քաղաքէն դուրս՝ ջրհորի մը քով ծնրադրել տուաւ, իրիկուան դէմ կիներուն դուրս ելած ատենը՝ ջուր քաշելու համար, **12** եւ ըսաւ. «Ո՛վ **Տէր**, իմ տիրոջս՝ Աբրահամի Աստուածը, կ’աղերսե՞մ, **յաջողցո՛ւր** իմ հանդիպումս այսօր, ու տիրոջս՝ Աբրահամի հետ կարեկցութեամբ վարուէ: **13** Ահա՝ ես ջուրի աղբիւրին քով կը կայնիմ, եւ այս քաղաքին մարդոց աղջիկները դուրս կ’ելլեն՝ ջուր քաշելու: **14** Երբ երիտասարդուհիի մը ըսեմ. “Կ’աղերսե՞մ, սափորդի իշեցուր՝ որպէսզի խմեմ՝, ու ան ըսէ. “Խմէ՛, եւ քու ուղտերո՛ւդ ալ խմցնեմ՝, ամիկա՛ թող ըլլայ քու իսահակ ծառայիդ համար սահմանածդ, ու ասո՛վ գիտնամ թէ իմ տիրոջս հետ կարեկցութեամբ վարուեցար»:

15 Տակաւին իր խօսքը չաւարտած, ահա՛ Աբրահամի եղբօր Նաքովրի կնոց՝ **Մեղքայի** որդիին Բաթուէլի ծնած Ոեբեկան եկաւ, իր ուսին վրայ սափորը ունենալով: **16**

^բ **Եբր.**՝ ականջներուն

^բ **Եբր.**՝ աչքերուն **առջեւ**

^Ժ **Եբր.**՝ երեսին **առջեւ**

^ա **Եբր.**՝ օրերը գացած

^բ **Եբր.**՝ Աբրամ-Նահարայիմ

Երիտասարդուհին շատ վայելուց տեսքով կոյս մըն էր, եւ ո՛չ մէկ **այր** մարդ զայն գիտցած էր: Ան իջաւ աղբիւրը, իր սափորը լեցուց ու բարձրացաւ: **17** Ծառան վագեց զայն դիմաւորելու, եւ ըսաւ. «Կ'աղերսե՛մ, քու սափորէդ ինծի քիչ մը ջուր խմցուր»: **18** Ան ալ ըսաւ. «Խմէ՛, իմ տէ՛րս», ու շտապելով սափորը իր ձեռքին վրայ իշեցուց եւ անոր խմցուց: **19** Երբ անոր խմցնելը աւարտեց՝ ըսաւ. «Ուղտերո՛ւդ ալ ջուր քաշեմ, մինչեւ որ անոնք խմելը աւարտեն»: **20** Շտապելով սափորը ջրարբին մէջ պարպեց, դարձեալ հորը վագեց ջուր քաշելու, եւ անոր բոլոր ուղտերուն համար ջուր քաշեց: **21** Մարդը զարմանալով անոր վրայ՝ կը լոէր, գիտնալու համար թէ արդեօք Տէրը իր ճամբորդութիւնը յաջողցո՛ւց՝ թէ ոչ: **22** Երբ ուղտերը խմելը աւարտեցին, մարդը կէս սիկող կշռող ոսկի օղակ մը, ու անոր ձեռքերուն համար՝ տասը սիկող կշռող ոսկի երկու ապարանջան հանեց, **անոր տուաւ,** **23** եւ ըսաւ. «Դուն որո՞ւն աղջիկն ես. կ'աղերսե՛մ, իմացո՛ւր ինծի, քու հօրդ տունը՝ մեզի համար գիշերելու տեղ կա՞յ»: **24** Ան ալ անոր ըսաւ. «Ես Մեղքայի որդիին՝ Բաթուէկի աղջիկն եմ, որ **Մեղքա** Նաքովրի ծնաւ»: **25** Նաեւ անոր ըսաւ. «Մենք շատ յարդ ու ճարակ ունինք, եւ գիշերելու տեղ **ալ**»: **26** Մարդը խոնարհեցաւ ու Տէրոց երկրպագեց, **27** եւ ըսաւ. «Օրհնեալ ըլլայ Տէրը, տիրոցս՝ Աբրահամի Աստուածը, որ իմ տէրս չգրկեց իր կարեկցութենէն ու իր ճշմարտութենէն: Մինչ ես ճամբան էի, Տէրը զիս տիրոցս եղբայրներուն տունը առաջնորդեց»: **28** Երիտասարդուհին վագեց, եւ այս բաները իր մօր տունը պատմեց:

29 Ոեբեկա եղբայր մը ունէր՝ Լաբան անունով: Լաբան դուրս **ելաւ,** ու վագեց դէսի աղբիւրը՝ մարդուն քով. **30** Երբ տեսաւ օղակը եւ իր քրոջ ձեռքերուն վրայի ապարանջանները, ու լսեց իր քրոջ՝ Ոեբեկայի խօսքերը, որ կ'ըսէր թէ “այն մարդը այսպէս խօսեցաւ ինծի[□], մարդուն գնաց – եւ ահա՝ ան ուղտերուն քով՝ աղբիւրին մօտ կայնած էր – **31** ու **անոր** ըսաւ. «Եկո՛ւր, Տէրոց օրհնեալը, ինչո՞ւ դուրսը կայնած ես, քանի տունը պատրաստեցի, եւ տեղ մը՝ ուղտերուն համար»: **32** Ու մարդը տունը եկաւ. **Լաբան** ուղտերը քակեց, յարդ ու ճարակ տուաւ ուղտերուն, եւ ջուր՝ անոր ոտքերն ու անոր հետ եղող մարդոց ոտքերը լուալու: **33** Ապա անոր առջեւ կերակուր դրուեցաւ, բայց ան ըսաւ. «Մինչեւ որ իմ խօսքս չհաղորդեմ՝ չեմ ուտեր»: **34** **Լաբան** ըսաւ. «Խօսէ՛»: Ան ալ ըսաւ. **35** «Ես Աբրահամի ծառան եմ: Տէրը յոյժ օրհնեց իմ տէրս, ու մեծ **մարդ մը** եղաւ: Անոր ոչխարներ եւ արջառներ, արծաթ ու ոսկի, ստրուկներ եւ ստրկուհիներ, ուղտեր ու էշեր տուաւ: **36** Եւ տիրոցս կինը՝ Սառա, իր ծերութեան ատեն որդի մը ծնաւ տիրոցս, որ անոր տուաւ իր ամբողջ ունեցածը: **37** Իմ տէրս ինծի երդում ընել տուաւ՝ ըսելով. “Որդիիս կին մի՛ առներ քանանացիներուն աղջիկներէն, որոնց երկրին մէջ կը բնակիմ. **38** Հապա իմ հօ՛րս տունը ու գերդաստանին գնա, եւ որդիիս կի՞ն առ[□]: **39** Ես տիրոցս ըսի. “Թերեւս կինը ինծի չհետեւի[□]: **40** Ան ալ ինծի ըսաւ. “Տէրը՝ որուն առջեւ կ'ընթանամ, իր հրեշտակը քեզի հետ պիտի դրէւ ու ճամբադ պիտի յաջողցնէ, եւ որդիիս՝ իմ գերդաստանէն ու հօրս տունէն կին պիտի առնես: **41** **Իսկ** դուն այն ատեն **գերդումէս** անպարտ պիտի ըլլաս, երբ իմ գերդաստանիս երթաս. եթէ քեզի **մէկը** չտան, **այն ատեն** երդումէս անպարտ պիտի ըլլաս[□]: **42** Երբ այսօր աղբիւրը հասայ՝ ըսի. “Ո՛վ Տէր, իմ տիրոցս Աբրահամի՝ Աստուածը. այժմ, եթէ այս գացած ճամբաս յաջողցնես, **43** ահա՝ ես ջուրի աղբիւրին քով կը կայնիմ. Երբ օրիորդը դուրս ելլէ ջուր քաշելու, ու ես անոր ըսեմ. “Կ'աղերսե՛մ, ինծի քու սափորէդ քիչ մը ջուր խմցուր”, **44** եւ ան ինծի ըսէ. “Դուն ալ խմէ՛, եւ ուղտերո՛ւդ համար ալ ջուր քաշեմ”, անիկա՛ թող ըլլայ Տէրոց սահմանած կինը՝ տիրոցս որդիին համար[□]: **45** Իմ սիրտիս մէջ տակալին խօսիլը չաւարտած՝ ահա՝ Ոեբեկա դուրս ելաւ, սափորը իր ուսին վրայ, աղբիւրը իշաւ ու ջուր քաշեց: Երբ ըսի անոր. “Կ'աղերսե՛մ, ինծի **ջուր** խմցուր[□], **46**

^գ **Երբ.**՝ անէծքով **երդումէս**

ան ալ շտապելով սափորը իր ուսէն իջեցուց ու ըսաւ. “Խմէ՛, եւ ուղտերո՛ւդ ալ խմցնեմ՛: Ուստի ես խմեցի, եւ ուղտերուն ալ խմցուց: **47** Այն ատեն անոր հարցուցի. “Դուն որո՞ւն աղջիկն ես՛: Ան ալ ըսաւ. “Նաքովիհն՝ Մեղքայի ծնած որդիիհն՝ Բաթուէլի աղջիկն եմ՛: Ես ալ օղակը անոր քիթը դրի, եւ ապարանցաները՝ անոր ձեռքերուն վրայ: **48** Ապա խոնարհեցայ, Տէրոց երկրպագեցի, ու Տէրը օրհնաբանեցի, տիրոցս՝ Աբրահամի Աստուածը, որ զիս ուղիղ ճամբայէն առաջնորդեց՝ տիրոցս եղբօր աղջիկը իր որդիիհն առնելու համար: **49** Եւ այժմ, եթէ տիրոցս հետ կարեկցութեամբ ու ճշմարտութեամբ պիտի վարուիք, իմացուցէ՛ք ինծի. իսկ եթէ ոչ՝ **դարձեալ** իմացուցէք ինծի, որ ես աջ կողմ կամ ձախ կողմ դառնամ»: **50** Լաբան եւ Բաթուէլ պատասխանեցին. «Այս բանը Տէրոցմէ՛ն ունկած է. մենք քեզի գէշ կամ լաւ չենք կրնար ըսել: **51** Ահա՛ Ուերեկա քու առջեւդ է, ա՛ն ու գնա՛, եւ Տէրոց ըսածին համաձայն՝ քու տիրոցդ որդիիհն կին թող ըլլայ»: **52** Երբ Աբրահամի ծառան անոնց խօսքերը լսեց, մինչեւ գետին **ծոելով** երկրպագեց Տէրոց: **53** Ապա ծառան արծաթէ իրեր, ոսկիէ իրեր ու հագուստներ հանեց եւ Ուերեկայի տուաւ. անոր եղբօրն ու մօրն ալ թանկագին **պարգեւներ** տուաւ: **54** Եւ ինք ու իրեն հետ եղող մարդիկը կերան, խմեցին ու **հո՛՛ գիշերեցին**: Երբ առտուն ելան, ինք ըսաւ. «Զիս տիրո՛ցս դրկեցէք»: **55** **Երիտասարդուհիհն** եղբայրն ու մայրը ըսին. «Երիտասարդուհին քանի մը օր, գոնէ՛ տասը **օր**, թող կենայ մեր քով, յետոյ երթայ»: **56** Բայց ինք անոնց ըսաւ. «Զիս մի՛ ուշացնէք, քանի Տէրը ճամբաս յաջողցուց. ուղարկեցէ՛ք զիս՝ որ տիրոցս երթամ»: **57** Անոնք ըսին. «Երիտասարդուհին կանչենք եւ անոր բերանը հարցուփորձենք»: **58** Ուերեկան կանչեցին ու անոր ըսին. «Այս մարդուն հետ կ'երթա՞ս»: Ան ալ ըսաւ. «Կ'երթա՞մ»: **59** Ուստի իրենց քոյրը՝ Ուերեկան ու անոր սնուցիչը, նաեւ Աբրահամի ծառան ու անոր մարդիկը ուղարկեցին: **60** Եւ օրհնեցին Ուերեկան ու ըսին անոր. «Դուն մեր քոյրն ես. հազարաւոր բիւրերու **մայր** եղիր, եւ քու զարմդ էիր ոսխներուն քաղաքներուն” թող տիրանայ»: **61** Ուերեկա ու իր աղախիները կանգնեցան, ուղտերուն վրայ հեծան եւ **այդ** մարդուն հետեւեցան: Ծառան առաւ Ուերեկան ու գնաց:

62 Իսահակ Լահայրոյի ջրհորէն վերադարձած էր, որովհետեւ ան հարաւային երկրին մէջ կը բնակէր: **63** Եւ իսահակ իրիկուան դէմ դուրս ելած էր՝ դաշտին մէջ գիտկալու համար: Երբ իր աչքերը վերցուց ու նայեցաւ, ահա՛ ուղտեր կու գային: **64** Իսկ երբ Ուերեկա իր աչքերը վերցուց եւ իսահակը տեսաւ, ուղտէն իջաւ **65** ու ծառային ըսաւ. «Դաշտին մէջ՝ մեզ դիմաւորելու եկող այդ մարդը ո՞վ է»: Ծառան ըսաւ. «Իմ տէրս է»: Եւ ինք քոյր առաւ ու ծածկուեցաւ: **66** Ծառան իր բոլոր ըրած բաները պատմեց իսահակի: **67** Իսահակ զայն իր մօր՝ Սառայի վրանը տարաւ, եւ առաւ Ուերեկան՝ որ իր կինը եղաւ, ու սիրեց զայն: Եւ իսահակ մխիթարուեցաւ իր մօր էհանդէպ:

ԱԲՐԱՀԱՄԻ ՄԻՒՍ ԶԱՐՄԸ

(Ա. Մնաց. 1. 32-33)

25

Աբրահամ վերստին կին մը առաւ, որուն անունը քետուրա էր. **2** Եւ ան Զեմրանը,

^Դ **Երը.**՝ Ելած

^Ե **Երը.**՝ զինք ատող ներուն դրան

^Գ **Կամ**՝ աղօթելու

^Դ **Կամ**՝ մահէն ետք

ԾՆՈՒՆԴՆԵՐՈՒ ԳԻՐՅԸ

Յեկանը, Մադանը, Մադիանը, Յեսրոկը եւ Սովէն ծնաւ անոր: **3** Յեկան ծնաւ Շաբան ու Դեղանը. Դեղանի որդիներն էին՝ Ասուրիմ, Լատուսիմ եւ Լովովմիմ: **4** Մադիանի որդիներն էին՝ Գեփիա, Ափեր, Ենովք, Արիդա ու Ելդագա: Ասոնք բոլորը Թետուրայի որդիներն էին:

5 Աբրահամ իր ամբողջ ունեցածը հսահակի տուաւ. **6** բայց Աբրահամի հարճերուն որդիներուն՝ Աբրահամ պարգեւներ տուաւ. ու մինչ տակաւին ողջ էր, զանոնք իր որդիին՝ հսահակի քովէն դէպի արեւելք դրկեց, արեւելեան երկիրը:

ԱԲՐԱՀԱՄԻ ՄԱՀՆ ՈՒ ԹԱՂՈՒՄԸ

7 Ահա՛ւասիկ Աբրահամի ապրած կեանքին տարիներուն օրերը.— հարիւր եօթանասունհինգ տարի: **8** Աբրահամ՝ լա՛ ալեւորութեան մէջ, ծերացած եւ **իր օրերէց** կշտացած, շունչը տալով՝ մեռաւ ու իր ժողովուրդին մէջ ամփոփուեցաւ: **9** Իր որդիները՝ հսահակ եւ հսմայէլ՝ թաղեցին զայն Մաքփելայի քարայրին մէջ, որ Թետացի Սահառի որդիին Եփրոնի արտին մէջ է՝ Մամբրէի դիմաց. **10** այն արտը, որ Աբրահամ Թետի որդիներէն գնած էր: Հոն թաղուեցան Աբրահամ ու իր կինը՝ Սառա:

11 Աբրահամի մեռնելէն ետք, Աստուած օրհնեց անոր որդին՝ հսահակը, եւ հսահակ Լահայրոյի ջրհորին քով բնակեցաւ:

ԻՍՍԱՅԵԼԻ ԶԱՐՄԸ

12 Ահա՛ւասիկ Աբրահամի որդիին՝ հսմայէլի ծնունդները, որ Սառայի եգիպտացի ստրկուհին՝ Հագար ծնաւ Աբրահամի: **13** Ահա՛ւասիկ հսմայէլի որդիներուն անունները՝ իրենց անուններով եւ իրենց ծնունդներուն համեմատ. հսմայէլի անդրանիկը՝ Նաբէոթ, յետոյ՝ Կեդար, Աղբեկլ, Մաքսամ, **14** Մասմա, Դումա, Մասսէ, Ջոդադ, **15** Թեմա, Յետուր, Նափէս ու Կեդմա: **16** Ասո՞նք են հսմայէլի որդիները. իրենց աւաններով՝ գիւղակներով՝ իրենց անունները ասո՞նք են. իրենց ազգերուն համեմատ՝ տասներկու իշխան էին: **17** հսմայէլի կեանքին օրերը հարիւր երեսունեօթը տարի եղան, ու շունչը տալով՝ մեռաւ եւ իր ժողովուրդին մէջ ամփոփուեցաւ: **18** Իսմայէլացիները բնակեցան Եփլայէ մինչեւ Սուլ, որ Եգիպտոսի դիմաց՝ Ասորեստան երթալու ճամբայրին վրայ է. իր բոլոր եղբայրներուն ներկայութեան մէջ ՚բնակեցաւ:

ԵՍԱԻԻ ՈՒ ՅԱԿՈԲԻ ԾՆՈՒՆԴԸ

19 Ահա՛ւասիկ Աբրահամի որդիին՝ հսահակի ծնունդները: Աբրահամ ծնաւ հսահակը. **20** հսահակ քառասուն տարեկան էր, երբ ^բՄիջագետքէն՝ ^գասորի Բաթուէլի աղջիկը, ասորի Լաբանի քոյրը՝ Ռեբեկան իրեն առաւ իբր կին: **21** հսահակ թախանձեց Տէրոց իր կնոջ համար՝ անոր ամուլ ըլլալուն պատճառով: Տէրը անոր թախանձանքը ընդունեց, եւ անոր կինը՝ Ռեբեկա յղացաւ: **22** Որդիները անոր ՚արգանդին մէջ՝ կը կռուէին. ուստի ըսաւ. «Եթէ այսպէս է, ինչո՞ւ ասիկա ինծի եղաւ», ու Տէրոց խորհուրդ հարցնելու գնաց: **23**

^ա Եբր.՝ ինկաւ

^բ Եբր.՝ Փատան-Արամէն

^գ Եբր.՝ արամացի, այսինքն՝ սուրիացի (ո՛չ թէ՝ ասորեստանցի)

^դ Եբր.՝ Աերսը

ԾՆՈՒՆԴՆԵՐՈՒ ԳԻՐՅԸ

Տէրը անոր ըսաւ. «Երկու ազգ կայ՝ արգանդիդ մէջ, եւ որովայնէդ երկու ժողովուրդ պիտի զատուի: Մէկ ժողովուրդը միւսէն հզօր պիտի ըլլայ, ու մեծը պիտի հպատակի փոքրին»: **24** Երբ անոր ծնանելու օրերը լրացան, ահա՝ երկուորեակ էին անոր արգանդին մէջ: **25** Առաջինը դուրս ելաւ՝ շէկ, ամբողջ **մարմինը** մազոտ վերարկուի պէս. անոր անունը եսաւ կոչեցին: **26** Անկէ ետք՝ անոր եղբայրը դուրս ելաւ, եւ անոր ծեռքը՝ եսակի կրունկը բռնած էր. անոր անունն ալ՝ **թակոր կոչեցին**: Անոնց ծնած ատենը՝ իսահակ վաթուն տարեկան էր: **27** Տղաները մեծցան. եսաւ դաշտի մարդ՝ ճարտար որսորդ եղաւ. իսկ թակոր՝ հանդարտաբարոյ մարդ էր, ու վրաններու մէջ կը բնակէր: **28** Իսահակ եսաւը կը սիրէր, որովհետեւ անոր որսէն կ'ուտէր. իսկ Ռեբեկա թակո՞քը կը սիրէր:

ԵՍԱԻ ԿԸ ԾԱԽԵ ԱՆ ԴՐԱՆԿՈՒԹԵԱՆ ԻՐԱՀՈՒՆՔԸ

29 Օր մը երբ թակոր ապուր կ'եփէր, եսաւ դաշտէն եկաւ եւ պարտասած էր: **30** Եսաւ թակորի ըսաւ. «Կ'աղերսե՞մ, տո՞ւր այդ շիկաթանէն՝ որ ուտեմ, քանի որ պարտասած եմ»: Ատոր համար անոր անունը՝ **Եղովմ կոչուեցաւ**: **31** Թակոր ըսաւ. «Ծախէ՛ ինծի այսօր քու անդրանկութեանդ իրաւունքը»: **32** Եսաւ ըսաւ. «Ահա՝ մեռնելու կը մօտենամ», եւ անդրանկութենէն ինծի ի՞նչ օգուտ կայ»: **33** Թակոր ըսաւ. «Այսօր ինծի երդում ըրէ »: Ան ալ երդում ըրաւ անոր, ու իր անդրանկութեան իրաւունքը թակորի ծախեց: **34** Այն ատեն թակոր հաց եւ ոսպէ ապուր տուաւ եսաւի. ան ալ կերաւ ու խմեց, ապա կանգնեցաւ եւ գնաց: Այսպէս՝ եսաւ **իր** անդրանկութիւնը արհամարհեց:

ԻՍԱՀԱԿ Կ'ԱՊՐԻ ԳԵՐԱՐԱՅԻ ՄԵԶ

26

Երկրին մէջ սով եղաւ, առաջուան սովէն զատ, որ Աբրահամի օրերը եղեր էր. եւ իսահակ Գերարա գնաց՝ **Փղշտացիներուն Աբիմելէք թագաւորին**: **2** Տէրը անոր երեւցաւ ու ըսաւ. «Եգիպտոս մի՛ իջներ. բնակէ՛ այն երկրին մէջ՝ որ քեզի պիտի ըսեմ: **3** Պանդխտացի՛ այս երկրին մէջ, ու ես քեզի հետ պիտի ըլլամ եւ քեզ պիտի օրհնեմ. որովհետեւ այս բոլոր երկիրները քեզի ու քու զարմիդ պիտի տամ, եւ հօրդ՝ Աբրահամի ըրած երդումս պիտի իրագործեմ: **4** Ջու զարմդ երկինքի աստղերուն չափ պիտի բազմացնեմ, այս բոլոր երկիրները քու զարմիդ պիտի տամ, ու երկրի բոլոր ազգերը քու զարմովդ պիտի օրհնուին. **5** որովհետեւ Աբրահամ իմ խօսքս մտիկ ըրաւ, եւ իմ հրահանգներս, պատուիրաններս, կանոններս ու օրէնքներս պահեց»:

6 Իսահակ բնակեցաւ Գերարայի մէջ: **7** Երբ այդ տեղին մարդիկը **անոր հարցուցին** իր

^բ **Երը.**՝ փորիդ

^գ **Երը.**՝ բնակչութիւն

^է **Երը.**՝ փորին

^լ **Այսինքն**՝ մազոտ

^թ **Այսինքն**՝ գարշապար բռնող, **եւս**՝ խաբող

^ժ **Այսինքն**՝ շէկ

^ի **Երը.**՝ կ'երթամ

ԾՆՈՒՆԴՆԵՐՈՒ ԳԻՐՅԸ

կնոց մասին, ինք ալ ըսաւ. «**Զոյրս է**», քանի որ վախցաւ ըսելու. «Կինս է», ու **Մտածեց**. «Այս տեղին մարդիկը զիս չսպաննեն Ռեբեկայի համար», որովհետեւ ան վայելուչ տեսք ունէր: **8** Երբ հոն երկար ժամանակ կեցաւ, **Փղշտացիներուն** թագաւորը՝ Աբիմելէք՝ պատուհանէն նայեցաւ, եւ ահա՝ տեսաւ թէ իսահակ իր կնոց՝ Ռեբեկայի հետ կը զբունէր: **9** Աբիմելէք իսահակը կանչեց ու ըսաւ. «Ահա՝ անտարակոյս ասիկա կինդ է. ի՞նչպէս ըսիր. «Ասիկա քոյրս է»»: իսահակ անոր ըսաւ. «**Զանի** որ ըսի թէ “անոր պատճառով չմեռնիմ»»: **10** Աբիմելէք ըսաւ. «ի՞նչ է այս ըրածդ մեզի: Թիշ մնաց որ ժողովուրդէն մէկը քու կնոջդ հետ պառկէր, ու մեր վրայ յանցանք պիտի բերէիր»: **11** Եւ Աբիմելէք **իր** ամբողջ ժողովուրդին պատուիրեց. «Ո՞վ որ այս մարդուն կամ անոր կնոց դպչի՝ **անշուշտ** պիտի մեռցուի»:

12 Իսահակ այդ երկրին մէջ սերմանեց, ու այդ տարին հարիւրապատիկ “արդիւնք ստացաւ”, քանի որ **Տէրը օրհնեց զայն**: **13** Մարդը մեծցաւ եւ **յառաջ գնաց, մինչեւ որ շատ մեծ եղաւ**: **14** **«Ոչխարներ, արջառներ,** ու շատ ծառաներ ունեցաւ. ուստի **Փղշտացիները** անոր նախանձեցան: **15** Իր հօր Աբրահամի օրերը՝ իր հօր ծառաներուն փորած բոլոր ջրհորները **Փղշտացիները** խցեցին, ու զանոնք հողով լեցուցին: **16** Եւ Աբիմելէք իսահակի ըսաւ. «Գնա՝ մեր քովէն, որովհետեւ մեզմէ շատ աւելի զօրաւոր եղար»: **17** Իսահակ անկէ գնաց, Գերարայի ծորին մէջ **բացաւ իր վրանը**, ու հոն բնակեցաւ:

18 Իսահակ դարձեալ փորեց այն ջրհորները, որ իր հօր Աբրահամի օրերը փորուեր էին, բայց Աբրահամի մեռնելէն ետք **Փղշտացիները** խցեր էին, եւ իր կոչած անուններուն համեմատ կոչեց անոնց անունները: **19** Իսահակի ծառաները **այդ ծորին մէջ փորեցին**, ու հոն **ցայտող ջուրի** հոր մը գտան: **20** Բայց Գերարայի հովիւները կը կռուէին իսահակի հովիւներուն հետ՝ ըսելով. «**Զուրը մերն է**»: Ասոր համար **այդ** հորին անունը **Էսէք կոչեց**, քանի որ անոր համար կռուեցան: **21** Ուրիշ հոր մը փորեցին, եւ անոր համար ալ կռուեցան. ուստի անոր անունը **Սիդնա կոչեց**: **22** Ապա անկէ փոխադրուեցաւ եւ ուրիշ հոր մը փորեց, որուն համար չկռուեցան: Անոր անունը **Ռոռովթ կոչեց՝ ըսելով**. «Որովհետեւ հիմա **Տէրը մեզ ընդարձակեց**, ու երկրին մէջ պիտի աճինք»»:

23 Անկէ բարձրացաւ **դէպի Բերսարէ**: **24** Այդ գիշերը՝ **Տէրը** անոր երեւցաւ եւ ըսաւ. «Ես քու հօրդ՝ Աբրահամի Աստուածն եմ: Մի՛ վախնար, որովհետեւ ես քեզի հետ եմ. իմ ծառայիս՝ Աբրահամի **սիրոյն** համար քեզ պիտի օրհնեմ, ու քու զարմդ պիտի

^ա **Եբր.**՝ գտաւ

^բ **Եբր.**՝ երթալով

^գ **Եբր.**՝ **Ոչխարի խաշինք**

^դ **Եբր.**՝ արջառի խաշինք

^ե **Եբր.**՝ բանակեցաւ

^ա **Եբր.**՝ կենսաւէտ

^բ **Այսինքն**՝ կռիւ

^գ **Այսինքն**՝ թշնամութիւն

^դ **Այսինքն**՝ ընդարձակութիւն

ԾՆՈՒՆԴՆԵՐՈՒ ԳԻՐՅԸ

բազմացնեմ»: **25** Եւ հոն զոհասեղան մը կառուցանեց ու Տէրոց անունը կանչեց. Եւ հոն իր վրանը լարեց: Իսահակի ծառաները հոն ալ հոր մը փորեցին:

ՀԱՍՏԱՑՆՈՒԹԻՒՆ ԻՍԱՀԱԿԻ ԵՒ ԱԲԻՄԵԼԵՔԻ ՄԻՋԵՒ

26 Աբիմելէք, իր բարեկամը՝ Ոքազաթ, ու իր սպարապետը՝ Փիքոդ Գերարայէն անոր գացին: **27** Իսահակ անոնց ըսաւ. «Ի՞նչ պատճառով ինձի եկաք, քանի զիս ատեցիք ու զիս ծեզմէ վտարեցիք»: **28** Անոնք ըսին. «Ստուգապէս տեսանք թէ Տէրը քեզի հետ է. ուստի ըսինք. «Այժմ մեր մէջ, **այսինքն** մեր ու քու միջեւ, երդում մը ըլլայ, եւ քեզի հետ ուխտ մը կնքենք, **29** որպէսզի մեզի շարիք չընես, ինչպէս մենք քեզի ո՛չ մէկ բան ըրինք, հապա միայն քեզի բարիք ըրինք, ու քեզ խաղաղութեամբ ուղարկեցինք□: Դուն հիմա Տէրոց օրհնեալն ես»: **30** Եւ ինք անոնց խնճոյք սարքեց: Անոնք կերան ու խմեցին, **31** եւ առտուն՝ կանուխ ելան ու իրարու երդում ըրին, եւ իսահակ ուղարկեց զանոնք. անոնք ալ խաղաղութեամբ իրմէ գացին: **32** Նոյն օրը՝ իսահակի ծառաները եկան ու անոր պատմեցին իրենց փորած հորին մասին, եւ անոր ըսին. «Զո՞ւր գտանք»: **33** Ինք ալ անոր անունը ^ծՍաբէ կոչեց. ատոր համար **այդ** քաղաքին անունը մինչեւ այսօր ^հԲերսաբէ է:

ԵՍԱԻԻ ՕՏԱՐ ԿԻՆԵՐԸ

34 Եսաւ քառասուն տարեկան էր, երբ իրեն կին առաւ քետացի Բէերիի աղջիկը՝ Յուդիթը, ու քետացի Ելոնի աղջիկը՝ Բասեմաթը: **35** Ասոնք իսահակի եւ Ոեբեկայի հոգիի դառնութիւն եղան:

ԻՍԱՀԱԿ Կ'ՕՐՀՆԵԼ ՅԱԿՈԲԸ

27

Երբ իսահակ ծերացաւ ու իր աչքերուն տեսողութիւնը մթագնեցաւ, իր մեծ որդին՝ Եսաւը կանչեց եւ անոր ըսաւ. «Որդեակս»: Ան ալ ըսաւ. «Ահա՝ հոս եմ»: **2 Իսահակ** ըսաւ. «Ահա՝ այժմ ես ծերացած եմ, **ու** մեռնելուս օրը չեմ գիտեր: **3** Հիմա կ'աղերսեմ, ա՛ն զէնքերդ՝ կապարճդ եւ աղեղդ, դո՛ւրս ելիր՝ դաշտը, ինձի անձի մը որսա, **4** եւ իմ սիրածիս պէս՝ ինձի խորտիկներ՝ պատրաստէ ու ինձի բեր որ ուտեմ, որպէսզի մեռնելէս առաջ իմ անձս քեզ օրհնէ»: **5** Ոեբեկա լսեց, երբ իսահակ իր որդիին՝ Եսաւի կը խօսէր: Եսաւ դաշտը գնաց՝ երէ մը որսալու եւ բերելու:

6 Իսկ Ոեբեկա իր որդիին՝ Յակոբի ըսաւ. «Ահա՝ ես լսեցի, երբ քու հայրդ՝ եղբօրդ Եսաւի խօսեցաւ՝ ըսելով. **7** «Ինձի ո՛րս բեր եւ ինձի համար խորտիկներ՝ պատրաստէ, որպէսզի ուտեմ ու մեռնելէս առաջ քեզ Տէրոց առցեւ օրհնեմ□: **8** Հիմա, որդեակս, մտիկ ըրէ խօսքս, ինչ որ քեզի կը պատուիրեմ: **9** Կ'աղերսեմ, դէպի հօտը գնա՛, անկէ ինձի երկու լաւ ուկ բեր այծերէն, անոնցմէ քու հօրդ համար խորտիկներ պատրաստեմ՝ իր սիրածին պէս, **10** ու հօրդ տար՝ որ ուտէ, որպէսզի իր մեռնելէն առաջ քեզ օրհնէ»: **11** Յակոբ իր մօր՝ Ոեբեկայի ըսաւ. «Ահա՝ եղբայրս՝ Եսաւ մազոտ մարդ մըն է, իսկ ես լերկ

^ծ **Այսինքն**՝ երդում

^հ **Այսինքն**՝ երդումի ջրհոր

^ս **Այսինքն**՝ վայրի ո՛րս

ԾՆՈՒՆԴՆԵՐՈՒ ԳԻՐՅԸ

մարդ մըն եմ: **12** Թերեւս հայրս զիս շօշափէ, եւ խարդախող մը թուիմ իրեն¹, ու իմ վրաս անէ՛ծք բերեմ եւ ո՛չ թէ օրհնութիւն»: **13** Իր մայրը անոր ըսաւ. «Որդեակս, քեզի գալիք անէծքը ի՛մ վրաս թող ըլլայ. միայն թէ մտիկ ըրէ խօսքս, ու գնա՛ ինձի բեր զանոնց»: **14** Ան ալ գնաց, առաւ եւ իր մօր բերաւ. ու մայրը անոր հօր սիրածին պէս խորտիկներ պատրաստեց: **15** Ոերեկա իր մեծ որդիին՝ Եսաւի ազնիւ հագուստները առաւ, որ տան մեջ իր քով էին, ու իր պատիկ որդիին՝ Յակոբի հագցուց: **16** Այծի ուկերուն մորթերն ալ անոր ծեռքերուն եւ անոր լերկ վիզին վրայ դրաւ. **17** ապա իր պատրաստած խորտիկներն ու հացը իր որդիին՝ Յակոբի ծեռքը տուաւ:

18 Ան ալ իր հօր գնաց եւ ըսաւ. «Իմ հայրս»: Անիկա ըսաւ. «Ահա՛ հոս եմ. դուն ո՞վ ես, որդեակս»: **19** Յակոբ իր հօր ըսաւ. «Ես քու անդրանիկ որդիի՛ Եսաւն եմ. ինձի ըսածիդի համաձայն ըրի: Կ'աղերսե՛մ, կանգնէ՛, ճստէ՛ ու կե՛ր իմ երէէս, որպէսզի քու անձդ զիս օրհնէ»: **20** Իսահակ իր որդիին ըսաւ. «Ի՞նչպէս այդշափ շուտով գտար, որդեակս»: Ան ալ ըսաւ. «Քանի որ Տէրը՝ քու Աստուածդ՝ իմ առջեւս բերաւ»: **21** Իսահակ Յակոբի ըսաւ. «Կ'աղերսե՛մ, մօտեցի՛ր, որպէսզի քեզ շօշափեմ, որդեակս, եւ գիտնամ թէ արդեօք դո՛ւն ես իմ որդիս՝ Եսաւը, թէ ոչ»: **22** Յակոբ իր հօր՝ Իսահակի մօտեցաւ. ան ալ զայն շօշափեց ու ըսաւ. «Զայնը Յակոբի ձայնն է, բայց ծեռքերը՝ Եսաւի ծեռքերն են»: **23** Այսպէս զայն չճանչցաւ, քանի որ անոր ծեռքերը իր եղբօր՝ Եսաւի ծեռքերուն պէս մազուտ էին, եւ զայն օրհնեց. **24** ու ըսաւ. «Դուն ես իմ որդիս՝ Եսաւը»: **25** Ան ալ ըսաւ. «Ե՞ս եմ»: Եւ ինք ըսաւ. «Մօտեցո՛ւր ինձի, ու որդիիս երէէն ուտեմ, որպէսզի իմ անձն քեզ օրհնէ»: Մօտեցուց անոր, եւ կերաւ. գինի բերաւ անոր, ու խմեց: **26** Եւ անոր հայրը՝ Իսահակ անոր ըսաւ. «Կ'աղերսե՛մ, մօտեցի՛ր ու համբուրէ՛ զիս, որդեակս»: **27** Ան ալ մօտեցաւ եւ համբուրեց զայն: Անոր հագուստին հոտը առաւ, զայն օրհնեց ու ըսաւ. «Ահա՛ իմ որդիիս հոտը՝ Տէրոց օրհնած արտին հոտին պէս է: **28** Ուստի Աստուած տա՛յ քեզի երկինքի ցողէն ու երկրի պարարտութենէն, եւ ցորենի ու քաղցուի առատութիւն: **29** Ժողովուրդներ քեզի թող հպատակին, եւ Պազգեր քեզի երկրպագեն: Քու եղբայրներուդ տէրը եղիր, ու մօրդ որդիները քեզի երկրպագեն: Քեզ անիծողը անիծեալ ըլլայ, եւ քեզ օրհնողը՝ օրհնեալ»:

ԵՍԱԻ ԿԸ ԽՆԴՐԷ ԻՍԱՀԱԿԻ ՕՐՀՆՈՒԹԻՒՆԸ

30 Երբ Իսահակ աւարտեց Յակոբը օրհնելը, հազիւ թէ Յակոբ իր հօր՝ Իսահակի առջեւէն ելած էր, անոր եղբայրը՝ Եսաւ որսորդութենէն եկաւ: **31** Ան ալ խորտիկներ պատրաստեց, իր հօր բերաւ եւ իր հօր ըսաւ. «Իմ հայրս թող կանգնի ու իր որդիին երէէն ուտէ, որպէսզի քու անձդ զիս օրհնէ»: **32** Անոր հայրը՝ Իսահակ անոր ըսաւ. «Դուն ո՞վ ես»: Ան ալ ըսաւ. «Ես քու որդիի, քու անդրանիկդ, Եսաւն եմ»: **33** Իսահակ Եյոյժ շատ սարսափեցաւ² եւ ըսաւ. «Այն երէն բռնողն ու ինձի բերողը ո՞վ էր. Ես քու գալէդ առաջ բռլորէն կերայ եւ օրհնեցի զայն: Ա՛լ անշուշտ անիկա օրհնեալ պիտի ըլլայ»: **34** Երբ Եսաւ իր հօր խօսքերը լսեց, մեծ ու շատ դառն աղաղակ մը բարձրացուց եւ իր հօր ըսաւ. «Զի՞ս, զի՞ս ալ օրհնէ, ո՞վ իմ հայրս»: **35** Ան ալ ըսաւ. «Քու եղբայրդ խաբէութեամբ եկաւ ու քու օրհնութիւնդ առաւ»: **36** Ինք ըսաւ. «Անոր անունը Յակոբ կոչուելո՞ւն համար է՝ որ

¹ **Երբ.**՝ ըլլամ իր աչքերուն

² **Երբ.**՝ հոտոտեց

³ **Երբ.**՝ բնակչութիւններ

⁴ **Երբ.**՝ սարսուալով սարսուաց

«Երկու անգամ զիս խաբեց. անդրանկութեան իրաւունքս առաւ, եւ ահա՝ հիմա օրհնութի՛ւնս ալ առաւ»: Նաեւ ըսաւ. «Ինծի համար օրհնութիւն մը չվերապահեցի՞ր»: **37** Իսահակ Եսաւի պատասխանեց. «Ահա՝ զայն քեզի տէր ըրի, անոր բոլոր եղբայրները իրեն տոսի՝ ծառաներ ըլլալու, եւ ցորենով ու քաղցուով անոր նեցուկ եղայ. ալ հիմա քեզի ի՞նչ ընեմ, որդեա՛կս»: **38** Եսաւ իր հօր ըսաւ. «Իմ հայրս, քու օրհնութիւնդ միայն մէկ է. զի՞ս, զի՞ս ալ օրհնէ, ո՞վ իմ հայրս»: ու Եսաւ իր ձայնը բարձրացուց եւ լացաւ: **39** Իր հայրը՝ Իսահակ անոր պատասխանեց. «Ահա՝ քու բնակութիւնդ երկրի պարարտութենէն, ու վերէն՝ երկինքի ցոյէն պիտի ըլլայ: **40** Քու սուրովդ պիտի ապրիս, եւ եղբօրդ պիտի հպատակիս. ու երբ անոր տիրապետես՝ անոր լուծը քու վիզէդ պիտի կոտրես»:

41 Եսաւ ատեց Յակոբը այն օրհնութեան համար՝ որով իր հայրը օրհնեց զայն. ու Եսաւ իր սիրտին մէջ ըսաւ. «Իմ հօրս սուգին օրերը մօտ են. յետոյ եղբայրս՝ Յակոբը պիտի սպաննեմ»: **42** Ոերեկայի պատմուեցան իր մեծ որդիին՝ Եսաւի խօսքերը: Ուստի իր պզտիկ որդիին՝ Յակոբը կանչել տուաւ եւ անոր ըսաւ. «Ահա՝ եղբայրդ Եսաւ՝ քեզի հանդէա ինքզինք կը մխիթարէ, քեզ սպաննել **ծրագրելով**: **43** Հիմա, որդեա՛կս, մտի՛կ ըրէ խօսքս. կանգնէ՛, փախի՛ր դէպի Խառան՝ իմ Լաբան եղբօրս մօտ, **44** ու կեցի՛ր հատեն մը՝ անոր քով, մինչեւ որ եղբօրդ ցասումը հեռանայ. **45** մինչեւ որ եղբօրդ բարկութիւնը քեզմէ հեռանայ, եւ իրեն ըրածդ մոռնայ: Յետոյ քեզ անկէ բերել կու տամ. ինչո՞ւ ձեր երկուքէն ալ զրկուիմ մէկ օրուան մէջ»:

ԻՍԱՀԱԿ ԿԸ ԴՐԿԵ ՅԱԿՈԲԸ ԼԱԲԱՆԻ

46 Ոերեկա Իսահակի ըսաւ. «Քետի աղջիկներուն պատճառով կեանքէս զզուած եմ. եթէ Յակոբ այս երկրին աղջիկներէն, ասոնց պէս՝ Քետի աղջիկներէն կին առնէ, ալ այս կեանքս ի՞նչ պէտք է ինծի»:

28

Իսահակ կանչեց Յակոբը, օրհնեց զայն ու պատուիրեց անոր. «Քանանի աղջիկներէն կին մի՛ առներ: **2** Կանգնէ՛, դէպի Միջագետք գնա, քու մօրդ հօր՝ Բաթուէլի տունը, եւ անկէ մօրդ եղբօր՝ Լաբանի աղջիկներէն քեզի կին առ: **3** Ամենակարող Աստուածը քեզ օրհնէ, քեզ աճեցնէ եւ քեզ բազմացնէ, որ ժողովուրդներու համախմբում մը ըլլաս: **4** Քեզի Աբրահամի օրհնութիւնը տայ, քեզի ու քեզի հետ՝ քու զարմիդ, որպէսզի տիրանաս այն երկրին՝ որուն մէջ դուն գաղթական ես, որ Աստուած Աբրահամի տուաւ»: **5** Իսահակ դրկեց Յակոբը. ան ալ դէպի Միջագետք գնաց, ասորի Բաթուէլի որդիին՝ Լաբանի մօտ, որ Յակոբի ու Եսաւի մօր՝ Ոերեկայի եղբայրն էր:

ԵՍԱԻ Կ'ԱՌՆԷ ՈՒՐԻՇ ԿԻՆ ՄԸ

6 Եսաւ տեսաւ թէ Իսահակ օրհնեց Յակոբը, եւ դրկեց զայն դէպի Միջագետք՝ անկէ իրեն կին առնելու համար, ու զայն օրհնած ատեն անոր պատուիրեց. «Քանանի աղջիկներէն քեզի կին մի՛ առներ», **7** եւ թէ Յակոբ հնագանդեցաւ իր հօր ու իր մօր, եւ Միջագետք գնաց: **8** Նաեւ Եսաւ տեսաւ թէ Քանանի աղջիկները իր հօր՝ Իսահակի

^գ **Երը.**՝ այս երկու

^հ **Երը.**՝ քանի մը օր

ԾՆՈՒՆԴՆԵՐՈՒ ԳԻՐՅԸ

“անհաճոյ են: **9** Այն ատեն Եսաւ Իսմայէլի գնաց, եւ իր **առաջուան** կիներէն զատ՝ Աբրահամի որդիին Իսմայէլի աղջիկը, Նաբէոթի քոյրը՝ Մայելէթը իրեն կին առաւ:

ՅԱԿՈԲԻ ԵՐԱՋԸ ԲԵԹԷԼԻ ՄԷՋ

10 Յակոբ Բերսաբէէն ելաւ ու դէպի Խառան գնաց: **11** Տեղ մը հասաւ եւ հո՞ն գիշերեց, որովհետեւ արեւը մայր մտած էր: Այդ տեղի քարերէն առաւ, իր **գլուխին տակ** դրաւ իբր սնար, այդ տեղը պառկեցաւ, **12** ու երազ մը տեսաւ: Ահա՛ սանդուխ մը դրուած էր երկրի վրայ, որուն գագաթը երկինք կը հասնէր. եւ ահա՛ Աստուծոյ հրեշտակները անոր վրայէն կ'ելլէին ու կ'իջնէին: **13** Եւ ահա՛ Տէրը անոր վրայ կայնեցաւ ու ըսաւ. «Ե՞ս եմ Եհովան, քու հօրդ՝ Աբրահամի Աստուածը, եւ Իսահակի Աստուածը: Այն երկիրը, որուն վրայ դուն կը պառկիս, քեզի ու քու զարմիդ պիտի տամ: **14** Քու զարմդ երկրի հհողին չափ շատ պիտի ըլլայ, դէպի արեւմուտք եւ արեւելք, ու դէպի հիւսիս եւ հարաւ պիտի տարածուի, ու երկրագունդի բոլոր գերդաստանները քեզմն՛վ ու քո՞ւ զարմովդ պիտի օրհնուին: **15** Ահա՛ ես քեզի հետ եմ, եւ ամէն **տեղ՝** ուր որ երթաս, քեզ պիտի պահեմ ու քեզ այս գերկիրը պիտի վերադարձնեմ. որովհետեւ քեզ պիտի չքողում, մինչեւ որ քեզի ըսածս չընեմ»: **16** Յակոբ քունէն արթնցաւ ու ըսաւ. «Ի՞րապէս Տէրը այստեղ է, բայց ես չէի գիտեր»: **17** Ուստի վախցաւ եւ ըսաւ. «Ի՞նչ ահաւոր է այս տեղը. ա՛յս ուրիշ բան չէ՝ այլ միայն Աստուծոյ տունը. ա՛յս է երկինքի դուռը»: **18** Յակոբ առտուն՝ կանուխ ելաւ, իբր սնար իր **գլուխին տակ** դրած քարը առաւ, զայն իբր արձան կանգնեցուց ու անոր գագաթին վրայ իւղ թափեց, **19** եւ այդ տեղին անունը **Բեթէլ** կոչեց. բայց առաջ այդ քաղաքին անունը Լուգ էր: **20** Յակոբ ուխտ ըրաւ՝ ըսելով. «Եթէ Աստուած ինծի հետ ըլլայ, այս գացած ճամբայիս մէջ զիս պահէ, ինծի ուտելու հաց ու հագնելու հագուստ տայ, **21** եւ իմ հօրս տունը խաղաղութեամբ վերադառնամ, Տէրը ինծի Աստուած պիտի ըլլայ. **22** ու այս քարը, որ ես իբր արձան կանգնեցուցի, Աստուծոյ տունը պիտի ըլլայ, եւ այն բոլորէն որ ինծի պիտի տաս՝ քեզի տասանորդ պիտի տամ»:

ՅԱԿՈԲ ԿԸ ՀԱՍՆԻ ԼԱԲԱՆԻ ՏՈՒՆԸ

29

Յակոբ **մեկնեցաւ** եւ **արեւելքցիներուն** երկիրը գնաց: **2** Նայեցաւ, ու ահա՛ դաշտին մէջ հոր մը կար, եւ ահա՛ հո՞ն՝ անոր քով ոչխարներու երեք հօտ պառկած էր, քանի որ այդ հորէն կը խմցնէին հօտերուն, ու հորին բացուածքը մեծ քար մը կար: **3** Բոլոր հօտերը հո՞ն կը հաւաքուէին. **հովիմերը** հորին բացուածքէն քարը **մէկդի** կը գլորէին, ոչխարներուն կը խմցնէին, ապա քարը դարձեալ իր տեղը՝ հորին բացուածքը կը դմէին: **4** Յակոբ անոնց ըսաւ. «Եղբայրնե՞րս, ուրկէ՞ էք դուք»: Անոնք ըսին. «Մենք Խառանէն ենք»: **5** Անոնց

^ա **Երը.**՝ աչքերուն գէշ

^բ **Կամ՝** փոշիին

^գ **Երը.**՝ հողը

^դ **Այսինքն՝** Աստուծոյ տունը

^ե **Երը.**՝ ոտքերը վերցուց

^բ **Երը.**՝ արեւելքի որդիներուն

ԾՆՈՒՆԴՆԵՐՈՒ ԳԻՐՅԸ

ըսաւ. «Նաքովի որդին՝ Լաբանը կը ճանչնա՞ք»: Անոնք ըսին. «Կը ճանչնանք»: **6** Անոնց ըսաւ. «Ողջ առո՞ղջ է»: Անոնք ըսին. «Ողջ է, եւ ահա՝ անոր աղջիկը՝ Ռաքէլ ոչխարներուն հետ կու գայ»: **7** Ան ալ ըսաւ. «Ահա՝ տակաւին ՚իրիկուն ըլլալու շատ ժամանակ կայ», ու խաշինքին հաւաքուելու ատենք չէ. խմցուցէ՛ք ոչխարներուն, եւ գացէ՛ք արածեցէ՛ք»: **8** Անոնք ըսին. «Մենք չենք կրնար, մինչեւ որ բոլոր հօտերը չհաւաքուին. **Երբ** հորին բացուածքի քարը **մէկոյի** գլորեն, այն ատեն ոչխարներուն կը խմցնենք»: **9** Երբ տակաւին անոնց հետ կը խօսէր, Ռաքէլ իր հօր ոչխարներուն հետ եկաւ, որովհետեւ ինք էր անոնց հովիւը: **10** Երբ Յակոբ տեսաւ իր մօրեղբօր՝ Լաբանի աղջիկը՝ Ռաքէլը, նաեւ իր մօրեղբօր՝ Լաբանի ոչխարները, Յակոբ մօտեցաւ, քարը հորին բացուածքէն գլորեց, ու իր մօրեղբօր՝ Լաբանի ոչխարներուն խմցուց: **11** Եւ Յակոբ համբուրեց Ռաքէլը, ու ձայնը բարձրացնելով լացաւ: **12** Յակոբ Ռաքէլի իմացուց թէ ինք անոր հօր ՚ազգականը եւ Ռեբեկայի որդին է. ան ալ վազեց ու իր հօր պատմեց: **13** Երբ Լաբան լսեց իր քրոջ որդիին՝ Յակոբի մասին, վազեց զայն դիմաւորելու. զայն գրկեց ու համբուրեց, եւ իր տունը տարաւ. ան ալ Լաբանի պատմեց այս բոլոր քաները: **14** Լաբան անոր ըսաւ. «Ի՞րապէս դուն իմ ոսկորս ու միսս ես». եւ անոր հետ լման ամիս մը կեցաւ:

ՅԱԿՈԲ ԿԸ ԾԱՌԱՅԵԼ ԼԱԲԱՆԻ ՌԱՔԷԼԻ ԵՒ ԼԻԱՅԻ ՀԱՄԱՐ

15 Լաբան Յակոբի ըսաւ. «Դուն իմ եղբայրս ըլլալուդ համար՝ ինծի ծրի՞ պիտի ծառայես: Իմացո՞ւր ինծի, ի՞նչ պիտի ըլլայ քու վարձքդ»: **16** Լաբան երկու աղջիկ ունէր, մեծին անունը՝ Լիա էր, ու պզտիկին անունը՝ Ռաքէլ: **17** Լիայի աչքերը փափուկ էին, բայց Ռաքէլ՝ գեղեցիկ կազմ ու գեղեցիկ տեսք ունէր: **18** Յակոբ Ռաքէլը սիրեց եւ ըսաւ. «Քու պզտիկ աղջիկիդ՝ Ռաքէլի համար եօթը տարի քեզի կը ծառայեմ»: **19** Լաբան ըսաւ. «Զայն քեզի՝ տալը՝ ուրիշ մարդու մը տալէն լաւ է. բնակէ՛ ինծի հետ»: **20** Յակոբ Ռաքէլի համար եօթը տարի ծառայեց, ու զայն սիրելուն պատճառով՝ իրեն քանի մը օրուան չափ թուեցաւ:

21 Եւ Յակոբ Լաբանի ըսաւ. «Իմ կի՞նս տուր, քանի օրերս լրացած են, որպէսզի անոր մտնեմ»: **22** Լաբան **այդ** տեղին բոլոր մարդիկը հաւաքեց ու խնճոյք սարքեց: **23** Սակայն իրիկունը իր աղջիկը՝ Լիան առաւ եւ անոր բերաւ. ան ալ անոր մտաւ: **24** Լաբան իր ստրկուհին՝ Զեղիան իբր ստրկուհի տուաւ իր աղջիկին՝ Լիայի: **25** Առտուն՝ ահա՝ անիկա Լիան էր: **Յակոբ** Լաբանի ըսաւ. «Ի՞նչ է այս ինծի քրածդ. ես քեզի Ռաքէլի համար չծառայեցի՞ ուստի ինչո՞ւ գիս խարեցիր»: **26** Լաբան ըսաւ. «Մեր երկրին մէջ այսպիսի բան չըլլար՝ կրտսերը անդրանիկէն առաջ տալ: **27** Լրացո՞ւր ասոր **հարսանիքին** շաբաթը, ու զայն ալ քեզի պիտի տանք այն ծառայութեան համար՝ որ դարձեալ իմ քովս պիտի ընես ուրիշ եօթը տարի»: **28** Յակոբ այնպէս ըրաւ, **Լիայի** շաբաթը լրացուց, եւ **Լաբան** իր աղջիկը՝ Ռաքէլը անոր տուաւ իբր կին: **29** Լաբան իր Բաղդա ստրկուհին իր աղջիկին՝ Ռաքէլի տուաւ իբր ստրկուհի: **30** **Յակոբ** Ռաքէլի ալ մտաւ, ու Ռաքէլը Լիայէն աւելի սիրեց. եւ դարձեալ ուրիշ եօթը տարի ծառայեց **Լաբանի**:

ՅԱԿՈԲԻ ԶԱԻԱԿՆԵՐ ԿԸ ԾՆԻՆ

⁴ **Երբ.**՝ օրը մեծ է

⁵ **Երբ.**՝ եղբայրը

⁶ **Երբ.**՝ աչքերուն եղաւ

31 Երբ *Sէրը* տեսաւ *Lիայի* ատելի ըլլալը, անոր արգանդը բացաւ. բայց Ռաքէլ ամով էր: **32** *Lիա* յղացաւ ու որդի մը ծնաւ, եւ անոր անունը՝ Ռուբէն կոչեց, քանի որ ըսաւ. «Անպատճառ *Sէրը* իմ տառապանքս տեսաւ. հիմա անշուշտ ամուսինս զիս պիտի սիրէ»: **33** Դարձեալ յղացաւ ու որդի մը ծնաւ, եւ ըսաւ. «Որովհետեւ *Sէրը* իմ ատելի ըլլալս լսեց, ատոր համար ինծի այս *որդի՛ց* ալ տուաւ»: Անոր անունը՝ Շմաւոն կոչեց: **34** Դարձեալ յղացաւ ու որդի մը ծնաւ, եւ ըսաւ. «*Հիմա*¹ այս անգամ՝ ամուսինս ինծի պիտի յարի, քանի որ երեք որդի ծնայ իրեն»: Ատոր համար անոր անունը՝ Շեւի կոչեց: **35** Դարձեալ յղացաւ ու որդի մը ծնաւ, եւ ըսաւ. «Այս անգամ շնորհակալ պիտի ըլլամ *Sէրոջմէն*»: Ատոր համար անոր անունը՝ Թուուա կոչեց, ու ծնանելէ դադրեցաւ:

30

Ռաքէլ տեսաւ թէ ինք Յակոբի *զաւակներ* չծնաւ: Ուստի Ռաքէլ իր քրոջ նախանձեցաւ ու Յակոբի ըսաւ. «Ինծի որդիներ՝ տուր, թէ ոչ՝ կը մեռնիմ»: **2** Յակոբի բարկութիւնը բորբոքեցաւ Ռաքէլի դէմ, եւ ըսաւ. «Միթէ ես Աստուծոյ տեղն եմ, որ արգանդի պտուղը մերժեց քեզի *տալ*»: **3** Ան ալ ըսաւ. «Ահա՝ իմ աղախինս՝ Բաղդա, անո՞ր մտիր. ան իմ ծունկերուս վրայ պիտի ծնանի, ու ես ալ բանկէ՛ որդի պիտի ստանամ»»: **4** Իր Բաղդա ստրկուհին անոր տուաւ իբր կին, եւ Յակոբ անոր մտաւ: **5** Բաղդա յղացաւ ու Յակոբի որդի մը ծնաւ: **6** Ռաքէլ ըսաւ. «Աստուած դատս պաշտպանեց. իմ ծայնս ալ լսեց եւ ինծի որդի մը տուաւ»: Ատոր համար անոր անունը՝ Շան կոչեց: **7** Ռաքէլի ստրկուհին՝ Բաղդա դարձեալ յղացաւ ու Յակոբի երկրորդ որդի մը ծնաւ: **8** Ռաքէլ ըսաւ. «Իմ քրոջս հետ ոհզօր ըմբշամարտութեամբ մարտնչեցայ եւ յաղթեցի»: Ուստի անոր անունը՝ Նեփաղիմ կոչեց:

9 Երբ *Lիա* տեսաւ թէ ինք ծնանելէ դադրեցաւ, իր ստրկուհին՝ Զեղփան առաւ, ու զայն Յակոբի տուաւ՝ իբր կին: **10** *Lիայի* ստրկուհին՝ Զեղփան Յակոբի որդի մը ծնաւ: **11** *Lիա* ըսաւ. «Բախտս յաջողեցաւ», եւ անոր անունը՝ Գաղ կոչեց: **12** *Lիայի* ստրկուհին՝ Զեղփան երկրորդ որդի մը ծնաւ Յակոբի: **13** *Lիա* ըսաւ. «Երանելի՛ եմ, քանի որ աղջիկները երանելի պիտի կոչեն զիս»: ու անոր անունը՝ Ասեր կոչեց:

¹ *Այսի՛ց*՝ տեսէ՛ք, որդի մը

² *Այսի՛ց*՝ լսելը

³ *Այսի՛ց*՝ միացում

⁴ *Այսի՛ց*՝ գոհութիւն

⁵ *Եբր.*՝ փորի

⁶ *Եբր.*՝ անո՞վ տուց պիտի կառուցանեմ

⁷ *Այսի՛ց*՝ դատող

⁸ *Եբր.*՝ Աստուծոյ

⁹ *Այսի՛ց*՝ ըմբշամարտութիւնս

¹⁰ *Այսի՛ց*՝ բախտ

¹¹ *Այսի՛ց*՝ երանելի

14 Ոուբէն գնաց ցորենի հունձքի օրերը, արտին մէջ մանրագորներ գտաւ եւ իր մօր՝ Լիայի բերաւ: Ռաքէլ Լիայի ըսաւ. «Կ'աղերսե՞մ, տո՛ւր ինծի որդիիդ մանրագորներէն»: **15** Ան ալ անոր ըսաւ. «Իմ ամուսինս առնելո քի՞չ քան է, որ որդիիս մանրագորներն ալ պիտի առնես»: Ռաքէլ ըսաւ. «Ուստի՝ որդիիդ մանրագորներուն համար՝ այս գիշեր քեզի հետ պիտի պառկի»: **16** Իրիկունը, երբ Յակոբ դաշտէն կու գար, Լիա դուրս ելաւ՝ զայն դիմաւրելու, եւ ըսաւ. «Ինծի՝ պիտի մտնես, քանի որ ի՞րապէս վարձեցի քեզ՝ իմ որդիիս մանրագորներով»: Այդ գիշերը անոր հետ պառկեցաւ: **17** Աստուած Լիայի մտիկ ըրաւ. ան ալ յղացաւ եւ Յակոբի հինգերորդ որդի մը ծնաւ: **18** Լիա ըսաւ. «Աստուած զիս վարձատրեց», որովհետեւ ստրկուհիս իմ ամուսինիս տուի»: ու անոր անունը ՚Իսաքար կոչեց: **19** Լիա դարձեալ յղացաւ եւ Յակոբի վեցերորդ որդի մը ծնաւ: **20** Լիա ըսաւ. «Աստուած ինծի լաւ պարգև մը շնորհեց. այս անգամ ամուսինս ինծի հետ պիտի բնակի, որովհետեւ իրեն վեց որդի ծնայ»: ու անոր անունը ՚Զաքուլոն կոչեց: **21** Անկէ ետք աղջիկ մը ծնաւ, եւ անոր անունը ՚Դինա կոչեց:

22 Աստուած յիշեց Ռաքէլը. Աստուած անոր մտիկ ըրաւ ու անոր արգանդը բացաւ. **23** Ուստի յղացաւ եւ որդի մը ծնաւ, ու ըսաւ. «Աստուած իմ նախատինքս ՚Վերցուց»: **24** Անոր անունը ՚Յովսէփի կոչեց եւ ըսաւ. «Տէրը ինծի ուրիշ որդի մըն ալ պիտի աւելցնէ»:

ՅԱԿՈԲ ԿԸ ՍԱԿԱՐԿԵ ԼԱԲԱՆԻ ՀԵՏ

25 Երբ Ռաքէլ Յովսէփը ծնաւ, Յակոբ Լաբանի ըսաւ. «Ուղարկէ՛ զիս՝ որ իմ տեղս ու երկիրս երթամ: **26** Տո՛ւր ինծի իմ կիներս՝ որոնց համար քեզի ծառայեցի, եւ զաւակներս, որպէսզի երթամ. քանի որ քեզի ըրած ծառայութիւնս դո՛ւն գիտես»: **27** Լաբան անոր ըսաւ. «Եթէ քու ՚առջեւու շնորհը գտայ, կ'աղերսե՞մ, կեցի՛ր. քանի ՚Ակատեցի թէ Տէրը քու պատճառով զիս օրհնեց»: **28** Եւ ըսաւ. «Իմացո՛ւր ինծի քու վարձքդ, ու պիտի վճարեմ»: **29** Ան ալ անոր ըսաւ. «Դուն գիտես թէ ի՞նչպէս ծառայեցի քեզի, եւ քու խաշինքդ ի՞նչպէս էր իմ քովս. **30** Որովհետեւ իմ գալէս առաջ քիչ էր քու ունեցածդ, ու յոյժ շատցաւ եւ Տէրը քեզ օրհնեց իմ գալովս: Հիմա ես ալ ի՞մ տանս համար ե՞րբ պիտի աշխատիմ»: **31** Ան ալ ըսաւ. «Զեզի ի՞նչ տամ»: Յակոբ ըսաւ. «Ինծի ոչի՞նչ տուր: Եթէ սա՛ բանը ինծի ընես, դարձեալ քու հօտերդ կ'արածեմ ու կը պահեմ: **32** Այսօր քու բոլոր հօտերուդ մէջէն անցնիմ, անկէ բոլոր պիսակաւոր ու խայտաբղէտ ոչխարները, բոլոր սեւ ոչխարները, եւ խայտաբղէտ ու պիսակաւոր այծերը զատեմ. իմ վարձս անո՞նք ըլլան: **33** Եւ իմ

^Հ **Եբր.**՝ ինծի վարձքս տուաւ

^Պ **Այսիհըց**՝ վարձք

^Ժ **Այսիհըց**՝ բնակութիւն

^Ի **Այսիհըց**՝ դատաստան

^Լ **Եբր.**՝ հաւաքեց

^Խ **Այսիհըց**՝ պիտի աւելցնէ

^Ճ **Եբր.**՝ աչքերուդ

^Կ **Եբր.**՝ հմայեցի

ԾՆՈՒՆԴՆԵՐՈՒ ԳԻՐՅԸ

արդարութիւնս քու առջեւդ սա՛պէս պիտի "յայտնուի ճասկէ ետք", երբ վարձքս ստուգես: Իմ քովս գտնուող ամէն պիսակաւոր ու խայտաբղէտ չեղող այծ, եւ սեւ չեղող ոչխար՝ թող գողցուած սեպուի»: **34** Լաբան ըսաւ. «Թու ըսածիդ համաձայն թող ըլլայ»: **35** Եւ այդ օրը Պատեց բոլորախայտ ու խայտաբղէտ նոխազները, բոլոր պիսակաւոր եւ խայտաբղէտ այծերը, ամէն ճերմակ ունեցողը, ու բոլոր սեւ ոչխարները, եւ իր որդիներուն ձեռքը տուաւ. **36** ու երեք օրուան ճամբայի միջոց մը դրաւ իր եւ Յակոբի միջեւ: Յակոբ Լաբանի մնացեալ հօտերը կ'արածէր:

37 Յակոբ իրեն կաղամախիի, նշենիի ու սօսիի դալար ճպոտներ առաւ, եւ անոնց կեղեւները տեղ-տեղ հանեց, այնպէս որ ճպոտներուն մէջ եղած ճերմակը կ'երեւնար: **38** Իր կեղուած ճպոտները գուռերուն՝ **այսինքն** "ջրարբներուն մէջ դրաւ, խմելու եկող հօտերուն առջեւ. որպէսզի ոչխարները տաքնան, երբ խմելու գան: **39** Ոչխարները ճպոտներուն առջեւ կը տաքնային, ու բոլորախայտ, պիսակաւոր եւ խայտաբղէտ Պառներ կը ծնանէին: **40** Յակոբ կը զատէր գառները, ու հօտերուն երեսը կը 'դարձնէր դէպի Լաբանի հօտերուն մէջ եղած բոլորախայտ եւ բոլոր սեւ **ոչխարներուն**. իր հօտերը զատ դրաւ, ու զանոնք Լաբանի ոչխարներուն քով չդրաւ: **41** Երբ զօրաւոր ոչխարները կը տաքնային, Յակոբ **այդ** ճպոտները ոչխարներուն աչքերուն առջեւ՝ գուռերուն մէջ կը դնէր, որպէսզի ճպոտներուն առջեւ տաքնան. **42** բայց թալկացած ոչխարներուն **համար** չէր դներ: Այսպէս՝ թալկացածները Լաբանի, ու զօրաւորները՝ Յակոբի կ'ըլլային: **43** Եւ մարդը չափազանց բարգաւաճեցաւ, ու շատ ոչխարներ, ստրկուհիներ եւ ստրուկներ, ուղտեր ու էշեր ունեցաւ:

ՅԱԿՈԲ ԿԸ ՓԱԽԶԻ ԼԱԲԱՆԸ

31

Յակոբ լսեց Լաբանի որդիներուն խօսածները, որոնք կ'ըսէին. «Յակոբ մեր հօր ամբողջ ունեցածը առաւ, ու այս ամբողջ փառքը մեր հօր ստացուածքն վաստկեցաւ»: **2** Յակոբ Լաբանի երեսին նայեցաւ, եւ ահա՝ իրեն **հանդէպ** բառացուան պէս չէր: **3** Տէրը Յակոբի ըսաւ. «Վերադարձի՛ր հայրերուդ երկիրը եւ ազգականներուդ, ու ես քեզի հետ պիտի ըլլամ»:

4 Յակոբ **մէկը** դրկեց, Ռաքէլն ու Լիան դաշտը՝ իր ոչխարներուն քով կանչել տուաւ, **5** եւ անոնց ըսաւ. «Ես կը տեսնեմ թէ ձեր հօր երեսը առաջուան պէս չէ ինծի **հանդէպ**. բայց իմ հօրս Աստուածը ինծի հետ եղաւ: **6** Դուք գիտէ՛ք թէ իմ ամբողջ ոյժովս ձեր հօր

⁶ **Երբ.**՝ պատասխանուի

⁸ **Երբ.**՝ վաղը

⁹ **Երբ.**՝ վերցուց

⁶ **Երբ.**՝ ջուրի ջրարբներուն

⁵ **Երբ.**՝ ոչխարներ

¹ **Երբ.**՝ դնէր

⁹ **Երբ.**՝ ունեցածէն

⁸ **Երբ.**՝ երէկուան ու նախորդ օրուան

ԾՆՈՒՆԴՆԵՐՈՒ ԳԻՐՅԸ

ծառայեցի. **7** իսկ ձեր հայրը զիս խաբեց, եւ վարձքս տա՛սը անգամ փոխեց. բայց Աստուած իրեն չթոյլատրեց՝ որ ինծի չարիք ընէ: **8** **Որովհետեւ** եթէ ան սա՛ ըսէր. “Չու վարձքդ պիսակաւրնե՛րը պիտի ըլլան□, բոլոր ոչխարները պիսակաւոր կը ծնանէին, ու եթէ սա՛ ըսէր. “Չու վարձքդ բոլորախայտնե՛րը պիտի ըլլան□, բոլոր ոչխարները բոլորախայտ կը ծնանէին: **9** **Ա'յսպէս՝** Աստուած ձեր հօր խաշինքը կորզեց եւ ինծի տուաւ: **10** **Ոչխարներուն** տաքցած ատենը՝ աչքերս վերցուցի ու երազի մէջ տեսայ, եւ ահա՛ ոչխարներուն հետ զուգաւորող նոխազներն **ու խոյերը՝** բոլորն ալ բոլորախայտ, պիսակաւոր եւ գորշախայտ էին: **11** Աստուածոյ հրեշտակը երազի մէջ ինծի ըսաւ. “Յակո՞ր□, ու ես ըսի. “Ահա՛ **հոս ես**□: **12** եւ ըսաւ. “Այժմ աչքերդ վերցո՞ւր, ու նայէ՛ ոչխարներուն հետ զուգաւորող նոխազներուն. բոլորը բոլորախայտ, պիսակաւոր եւ գորշախայտ են, քանի որ Լաբանի բոլոր քեզի ըրածները տեսայ: **13** Ես եմ Բեթէլի Աստուածը, ուր արձան օծեցիր ու հոն ինծի ուխտ ըրիր: Հիմա կանգնէ՛, գնա՛ այս երկրէն եւ ազգականներուդ երկիրը վերադարձիր□»:

14 Ուաքէլ ու Լիա անոր պատասխանեցին. «Տակաւին մեր հօր տունը՝ մեզի համար բաժին եւ ժառանգութիւն կա՞յ: **15** Մենք օտարազգիներ չսեպուեցա՞նք անոր, քանի որ մեզ ծախեց ու մեր դրամն ալ **ամբո՞ղջովիհա** կերաւ: **16** Որովհետեւ ամբողջ հարստութիւնը՝ որ Աստուած մեր հօրմէն կորզեց, մե՛րն է եւ մեր որդիներունն է. ու հիմա՛ ի՞նչ որ Աստուած քեզի ըսաւ, ըրէ՛»:

17 Ուստի Յակոր կանգնեցաւ, իր որդիներն ու կիները ուղտերու վրայ հեծցուց, **18** եւ իր ամբողջ խաշինքն ու իր ամբողջ ինչքը՝ որ վաստկած էր – իր ստացած խաշինքը՝ որ վաստկած էր Միջագետքի մէջ – տարաւ դէպի քանանի երկիրը, իր հօր՝ հսահակի երթալու համար: **19** Լաբան իր ոչխարները խուզելու գացած էր, եւ Ուաքէլ իր հօր “ընտանեկան կուռքերը” գողցաւ: **20** Յակոր ասորի “Լաբանէն գաղտնի փախաւ”, քանի իր փախչիլը չիմացուց անոր: **21** **Ա'յսպէս՝** ան իր ամբողջ ունեցածով փախաւ. կանգնեցաւ, **Եփրատ** գետէն անցաւ, եւ իր երեսը դէպի Գաղաադ լեռը ուղղեց:

22 Երրորդ օրը՝ Յակորի փախչիլը Լաբանի պատմուեցաւ: **23** Ուստի ինք՝ իր եղբայրները հետը առնելով՝ զայն հետապնդեց եօթը օրուան ճամբայ, ու անոր **Ետեւէն** հասաւ Գաղաադ լեռը: **24** Գիշերը՝ երազի մէջ՝ Աստուած ասորի Լաբանի եկաւ, եւ անոր ըսաւ. «Զգուշացի՞ր՝ որ Յակորի լաւ կամ գէշ չխօսիս»: **25** Յետոյ Լաբան հասաւ Յակորի: Յակոր իր վրանը լեռը ելարած էր. Լաբան ալ իր եղբայրներուն հետ Գաղաադ լեռը լարեց **իր վրանը**:

26 Լաբան Յակորի ըսաւ. «Ի՞նչ է այս ըրածդ, որ “ինձմէ գաղտնի փախար”, եւ իմ աղջիկներս՝ սուրով առնուած գերիներու պէս վարեցիր: **27** Ինչո՞ւ փախչիլդ գաղտնի պահեցիր եւ ինձմէ էփախար առանց ինծի իմացնելու, որ քեզ ուրախութեամբ, երգերով, թմբուկներով եւ քնարներով ուղարկէի: **28** Զծգեցիր ինծի՝ որ որդիներս ու աղջիկներս համբուրէի. հիմա այս բանը անմտութեամբ ըրիր: **29** Զեզի չարիք ընելու զօրութիւնը ունիմ ձեռքիս մէջ. բայց ձեր հօր Աստուածը՝ երէկ գիշեր ինծի խօսեցաւ՝ ըսելով.

⁴ **Եփր.**՝ թերափիմները

⁵ **Եփր.**՝ Լաբանի սիրտը գողցաւ

⁶ **Եփր.**՝ զարկած

⁷ **Եփր.**՝ սիրտս գողցար

⁸ **Եփր.**՝ գողցուեցար

ԾՆՈՒՆԴՆԵՐՈՒ ԳԻՐՅԸ

“Զգուշացի՛ր՝ որ Յակոբի լաւ կամ գէշ չխօսիս□: **30** Հիմա որ գացեր ես՝ քու հօրդ տունը շատ կարօտցած ըլլալուդ համար, ինչո՞ւ իմ աստուածներս գողցած ես»: **31** Յակոբ Լաբանի պատասխանեց. «**Գաղտնի երթալուս պատճառը այն էր՝** որ վախցայ, քանի որ ըսի. “Թերեւս քու աղջիկներդ ինձմէ առեւանգես□: **32 Բայց** քու աստուածներդ որո՛ւն քով որ գտնես, անիկա թող ողջ շմնայ: Մեր եղբայրներուն առջեւ ճանչցի՛ր ինչ որ քուկդ է իմ քովս, եւ ա՛ն»: քանի Յակոբ չէր գիտեր թէ Ռաքէլ զանոնք գողցեր էր: **33** Լաբան մտաւ Յակոբի վրանը, Լիայի վրանը, ու երկու աղախիններուն վրանը, բայց չգտաւ. յետոյ Լիայի վրանէն ելաւ եւ Ռաքէլի վրանը մտաւ: **34** Ռաքէլ առաւ ընտանեկան կուռքերը, զանոնք ուղտի պատատին մէջ դրաւ, ու վրան նստաւ: Լաբան ամբողջ վրանը զննեց, բայց չգտաւ: **35** Ան ալ իր հօր ըսաւ. «Իմ տիրոջս աշքերուն ծանր չերեւնայ՝ որ քու առջեւդ չեմ կրնար ոտքի ելլել, քանի որ կիներու սովորութեան մէջ եմ»: Այսպէս խուզարկեց, բայց ընտանեկան կուռքերը չգտաւ:

36 Յակոբ բորբոքցաւ, եւ Լաբանի հետ կը վիճէր: Յակոբ Լաբանի պատասխանեց. «Ի՞նչ է յանցանքս, ի՞նչ է մեղքս, որ խանդով զիս հալածեցիր: **37** Քանի իմ բոլոր առարկաներս խառնեցիր, քու տանդ բոլոր առարկաներէն ի՞նչ որ գտար՝ հո՛ս դիր, իմ եղբայրներուն ու քու եղբայրներուդ առջեւ, որպէսզի երկուքիս միջեւ վճիռ տան: **38** Լման քսան տարի է որ քեզի հետ եմ. մաքիներդ եւ այծերդ չվիժեցան, ու հօտիդ խոյերը չկերայ: **39** **Գաղաններէ՛ց** բզբտուածը չբերի քեզի, վնասը ե՞ս կը կրէի. ցերեկը գողցուածը եւ գիշերը գողցուածը ի՞մ ծեռքէս կը պահանջէիր: **40** **Ա'յսպէս** էի. ցերեկը՝ ստաքութիւնը զիս կը սպառէր, ու գիշերը՝ սառնամանիքը. աշքերէս քունս կը փախչէր: **41** Ա'յսպէս եղայ քսան տարի՝ քու տանդ մէջ. երկու աղջիկներուդ համար՝ տասնչորս տարի ծառայեցի քեզի, իսկ ոչխարներուդ համար՝ վեց տարի ծառայեցի. եւ վարձս տա՛սը անգամ փոխեցիր: **42** Եթէ իմ հօրս Աստուածը, Աբրահամի Աստուածն ու հսահակի երկիւղը ինձի հետ չըլլար, ի՛րապէս զիս հիմա պարապ ծեռքով կ'ուղարկէիր: Աստուած իմ տառապանքս եւ ծեռքիս յոգնութիւնը տեսաւ, ու երէկ գիշեր քեզ կշտամբեց»:

ՀԱՍԱՅԱՅՆՈՒԹԻՒՆ ՅԱԿՈԲԻ ԵՒ ԼԱԲԱՆԻ ՄԻՋԵՒ

43 Լաբան Յակոբի պատասխանեց. «Այս աղջիկները ի՞մ աղջիկներս են, այս որդիները ի՞մ որդիներս են, այս ոչխարները ի՞մ ոչխարներս են, եւ ամէն ինչ որ կը տեսնես՝ ի՞մս են: Ի՞նչ ընեմ այսօր՝ այս աղջիկներուս, կամ իրենց ծնած որդիներուն: **44** Ուստի հիմա եկո՛ւր, ես ու դրւն ուխտ մը կնքենք, որ իմ եւ քու միջեւ վկայութեան համար ըլլայ»: **45** Յակոբ քար մը առաւ, ու զայն իբր արձան կանգնեցուց: **46** Յակոբ իր եղբայրներուն ըսաւ. «Քարե՛ր ժողվեցէք»: Անոնք ալ քարեր առին եւ կուտակեցին, ու հոն՝ կոյտին վրայ՝ **հաց կերան:**

47 Լաբան զայն թեկար-Սահատութա կոչեց, բայց Յակոբ զայն **Գաղաադ կոչեց:** **48** Լաբան ըսաւ. «Այս կոյտը իմ ու քու միջեւ վկայ մըն է այսօր». ատոր համար անոր անունը **Գաղաադ կոչուեցաւ:** **49** **Իմասփա** ալ **կոչուեցաւ,** քանի որ ըսաւ. «Երբ իրարմէ

^բ **Երբ.**՝ չորութիւնը

^բ **Այսինքն՝** վկայութեան կոյտ (**քաղէկարէ՛ց**)

^ծ **Այսինքն՝** վկայութեան կոյտ (**երրայերէ՛ց**)

^հ **Այսինքն՝** դիտանոց

‘զատուած ըլլանք՝ ՏԷ՛րը թող հսկէ’ իմ ու քու միջեւ: **50** Եթէ աղջիկներս տառապեցնես, կամ եթէ աղջիկներէս զատ **ուրիշ** կիներ առնես, մեզի հետ ո՛չ մէկ մարդ կայ, **բայց** ահա՛ իմ ու քու միջեւ Աստուած վկայ է»: **51** Նաեւ Լաբան Յակոբի ըսաւ. «Ահա՛ այս կոյտը, եւ ահա՛ իմ ու քու միջեւ իմ կանգնեցուցած արձանս: **52** Այս կոյտը վկայ **ըլլայ**, եւ այս արձանը վկայ **ըլլայ**, որ այս կոյտէն պիտի չանցնիմ քեզի **գալու**, ու դուն այս կոյտէն եւ այս արձանէն պիտի չանցնիս ինծի **գալու**, չարիք **ընելու** համար: **53** Աբրահամի Աստուածը ու Նաքովի Աստուածը, անոնց հօր Աստուածը թող դատէ մեր միջեւ»: Յակոբ իր հօր՝ հսահակի Երկիւղով երդում ըրաւ:

54 Յակոբ գոհեր մատուցանեց լերան վրայ, եւ իր Եղբայրները հաց ուտելու հրաւիրեց. հաց կերան ու լեռը գիշերեցին: **55** Լաբան առտուն՝ կանուխ ելաւ, իր որդիները եւ իր աղջիկները համբուրեց, ու օրհնեց զանոնք: Ապա Լաբան գնաց եւ իր տեղը վերադարձաւ:

ՅԱԿՈԲ ԿԸ ՊԱՏՐԱՍՏՈՒԻ ԵՍԱԻԻ ՀԱՆԴԻՊԵԼՈՒ

32

Յակոբ իր ճամբան գնաց, ու Աստուծոյ հրեշտակները անոր հանդիպեցան: **2** Երբ Յակոբ զանոնք տեսաւ՝ ըսաւ. «Ասիկա Աստուծոյ բանակն է», եւ այդ տեղին անունը՝ “Մանայիմ կոչեց:

3 Յակոբ իր առջեւէն պատգամաւորներ դրկեց իր Եղբօր Եսաւի՝ դէպի Սէիրի Երկիրը, Եղովմի դաշտավայրը, **4** եւ անոնց պատուիրեց. «Իմ տիրոջս՝ Եսաւի սա՛ ըսէք. “Քու ծառադ Յակոբ սա՛ կ'ըսէ. “Լաբանի քով պանդխտացայ ու մինչեւ հիմա հոն կեցայ: **5** Ես ունիմ եզներ, էշեր, ոչխարներ, ստրուկներ եւ ստրկուհիներ, ու դրկեցի իմ տիրոջս իմացնելու, որպէսզի քու առջեւդ շնորհը գտնեմ”[□]: **6** Պատգամաւորները վերադարձան Յակոբի եւ ըսին. «Քու Եղբօրդ Եսաւի գացինք, ան ալ չորս հարիւր մարդով կու գայ քեզ դիմաւորելու»:

7 Յակոբ չափազանց վախցաւ ու տագնապեցաւ: Իրեն հետ եղող ժողովուրդը, ոչխարները, արջառները եւ ուղտերը Երկու խումբի բաժնեց, **8** ու ըսաւ. «Եթէ Եսաւ մէկ խումբին հասնի եւ զայն զարնէ, մնացեալ խումբը կ'ազատի»: **9** Ու Յակոբ ըսաւ. «Ո՛վ իմ հօրս՝ Աբրահամի Աստուածը, եւ իմ հօրս՝ հսահակի Աստուածը, ՏԷ՛ր, որ ըսիր ինծի. “Վերադարձի՛ր Երկիրդ ու ազգականներուդ, եւ քեզի բարիք պիտի ընեմ”[□]: **10** ^ՊԱրժանի չեմ՝ այն բոլոր կարեկցութիւններուն եւ ամբողջ ճշմարտութեան, որոնցմով դուն ծառայիդ հետ վարուեցար. քանի որ իմ գաւազանովս անցայ այս Յորդանանէն, ու հիմա Երկու խումբի **տէր** եղայ: **11** Կ'աղերսե՞մ, ազատէ՛ զիս Եղբօրս՝ Եսաւի ձեռքէն. որովհետեւ ես անկէ կը վախնամ, որ թերեւս գայ եւ զարնէ զիս, **ու** մայրը՝ որդիներով: **12** Դուն ըսիր թէ “անշունք քեզի բարիք պիտի ընեմ, եւ քու զարմդ ծովու աւազին չափ պիտի ընեմ, որ շատութենէն չի հաշուուիր”[□]:

13 Այդ գիշերը հոն իշեւանեցաւ, ու իր ձեռքը Եղածէն ընծաներ պատրաստեց իր Եղբօր՝ Եսաւի համար. **14** Երկու հարիւր այծ եւ քսան նոխազ, Երկու հարիւր մաքի ու քսան խոյ, **15** Երեսուն ծիծ տուող ուղտ՝ իրենց ծագերով, քառասուն կով եւ տասը ցուկ, քսան մատակ էշ ու տասը աւանակ: **16** Ամէն մէկ հօտը՝ զատ-զատ իր ծառաներուն ձեռքը յանձնեց, եւ

¹ **Եբր.**՝ ծածկուած ըլլանք՝ ՏԷ՛րը թող դիտէ

² **ԱյսիհըՇ**՝ Երկու բանակներ

³ **Եբր.**՝ Ծատ պզտիկ եմ

ԾՆՈՒՆԴՆԵՐՈՒ ԳԻՐՅԸ

իր ծառաներուն ըսաւ. «Առջենս անցէք, ու գհօտերը իրարմէ քի՛չ մը հեռու թողուցէք»: **17** Առջեւէն գացողին պատուիրեց. «Երբ եղբայրս՝ Եսաւ քեզի հանդիպի եւ քեզի հարցնէ. «Դուն որո՞ւնն ես, ո՞ւ կ'երթաս, ու այս առջեւդ եղողները որո՞ւնն են», **18** ըսէ՛. «Թու ծառայիդ՝ Յակոբինն է. իմ տիրոջս՝ Եսաւի ղրկած ընծան է, եւ ահա՛ ինք ալ մեր ետեւն է»: **19** Նոյնպէս Երկրորդին, Երրորդին ու հօտերուն բոլոր հետեւողներուն պատուիրեց. «Այս խօսքին համաձայն ըսէք Եսաւի՝ Երբ զինք գտնէք, **20** նաեւ ըսէ՛ք. «Ահա՛ քու ծառադ՝ Յակոբ ալ մեր ետեւն է»: Արդարեւ ըսաւ. «Առջեւէս գացող ընծաներով զինք կը խաղաղեցնեմ, եւ անկէ ետք իր Երեսը կը տեսնեմ. թերեւս ողիս ընդունի»: **21** Այսպէս՝ ընծաները անոր առջեւէն գացին, իսկ ինք այդ գիշերը **հո6** իշեւանեցաւ՝ բանակավայրին մէք: **22** Այդ գիշերը ելաւ, իր Երկու կիները, իր Երկու ստրկուհիներն ու իր տասնմէկ զաւակները առաւ, եւ Յարոկի անցքէն անցաւ: **23** Զանոնք առաւ ու վտակէն անցուց. իր **ամբողջ** ունեցածն ալ անցուց:

ՅԱԿՈԲ ԿԸ ԳՈՏԵՄԱՐՏԻ ՓԱԼՈՒԵԼԻ ՄԷԶ

24 Յակոբ մինակ մնաց, եւ մարդ մը կը գօտեմարտէր իրեն հետ՝ մինչեւ արշալոյսին ծագիլը: **25** Երբ **մարդը** տեսաւ թէ անոր չյաղթեց, անոր զիստին ամոլաջիղին դպաւ, ու Յակոբի զիստին ամոլաջիղը **յխախտեցաւ**՝ անոր հետ գօտեմարտած ատեն: **26** Եւ անիկա ըսաւ. «Արծակէ՛ զիս, քանի որ արշալոյսը ծագեցաւ»: **Յակոբ** ըսաւ. «Չեմ արծակեր քեզ՝ մինչեւ որ զիս չօրինես»: **27** Անիկա իրեն ըսաւ. «Ի՞նչ է անունդ»: **Ա6** ալ ըսաւ. «Յակոբ է»: **28** Անիկա ըսաւ. «Ա՛լ քու անունդ Յակոբ՝ չկոչուի, հապա՛ ոհյուրայէլ. որովհետեւ Աստուծոյ հետ ու մարդոց հետ բգօտեմարտեցար, եւ յաղթեցիր»: **29** Յակոբ հարցուց. «Կ'աղերսե՛մ, անո՛նդ իմացուր **ինծի**»: Անիկա ըսաւ. «Ինչո՞ւ անունս կը հարցնես», եւ հոն օրինեց զինք: **30** Յակոբ **այդ** տեղին անունը՝ **Փանուէլ** կոչեց, քանի որ **ըսաւ**. «Աստուած Երես առ Երես տեսայ, բայց իմ անձս ողջ մնաց»:

31 Երբ Փանուէլէն անցաւ, արեւը անոր վրայ ծագեցաւ, ու իր զիստին վրայ կը կաղար: **32** Ասոր համար հարայէլի որդիները՝ զիստին վրայի **թմրած զիդը**՝ չեն ուտեր մինչեւ այսօր, որովհետեւ Յակոբի զիստին՝ **թմրած զիդին**՝ դպաւ:

^գ **Երբ.**՝ միջո՛ց դրէք հօտի եւ հօտի միջեւ

^դ **Երբ.**՝ **Երեսս** բարձրացնէ

^ե **Երբ.**՝ **Ելլելը**

^գ **Կամ**՝ թմրեցաւ

^է **Երբ.**՝ չըսուի

^ը **Այսինքն**՝ Աստուծոյ հետ մարտնչող

^թ **Երբ.**՝ իշխեցիր

^ժ **Այսինքն**՝ Աստուծոյ Երեսը

^ի **Կամ**՝ ամոլաջիղը

^լ **Կամ**՝ ամոլաջիղին

33

Յակոբ իր աչքերը վերցուց ու նայեցաւ, եւ ահա՛ եսաւ կու գար, ու անոր հետ՛ չորս հարիւր մարդ: Ուստի **իր** զաւակները Լիայի, Ռաքէլի եւ երկու ստրկուհիներուն բաժնեց: **2** Ստրկուհիները առջեւը դրաւ՝ իրենց զաւակներով, Լիան իր զաւակներով՝ ետեւը, ու Ռաքէլը եւ Յովսէփը՝ **բոլորից** ետեւը: **3** Իսկ ինք անոնց առջեւ անցաւ, ու եօթը անգամ մինչեւ գետին **խոճարհելով** երկրպագեց՝ մինչեւ որ իր եղբօր մօտեցաւ: **4** Եսաւ վազեց զայն դիմաւորելու. զայն գրկեց, անոր վիզին վրայ ինկաւ, զայն համբուրեց, եւ լացին: **5** **Եսաւ** իր աչքերը վերցուց, կիներն ու զաւակները տեսաւ, եւ ըսաւ. «Ասոնք քու ի՞նչէր են»: **6** Այն ատեն ստրկուհիներն ու անոնց զաւակները մօտեցան եւ երկրպագեցին: **7** Լիա ալ մօտեցաւ իր զաւակներով, ու երկրպագեցին: Յետոյ Յովսէփ եւ Ռաքէլ մօտեցան ու երկրպագեցին: **8** **Եսաւ** ըսաւ. «Ի՞նչ է այս ամբողջ խումբդ, որուն հանդիպեցայ». **Յակոբ** ըսաւ. «Իմ տիրոջս բառքեւ շնորհը գտնելու համար է»: **9** Եսաւ ըսաւ. «Ես շատ ունիմ, եղբայրս. քուկդ՝ քեզի՝ ըլլայ»: **10** Յակոբ ըսաւ. «Ո՛չ, կ'աղերսե՛մ: Եթէ այժմ առջեւդ շնորհը գտայ, իմ ձեռքէս ընդունէ՛ ընծաս. քանի որ քու երեսդ՝ Աստուծոյ երեսը տեսնելու պէս տեսայ, եւ ինծի հաճեցար: **11** Կ'աղերսե՛մ, ա՛ն քեզի բերուած ՝ընծաս. որովհետեւ Աստուծած ողորմեցաւ ինծի, ու ես ամէն բան ունիմ»: Եւ ստիպեց զայն. ան ալ ընդունեց: **12** Ապա ըսաւ. «Մեկնինք, երթանք, ու ես քու առջեւէդ կը քալեմ»: **13** Յակոբ անոր ըսաւ. «Իմ տէրս գիտէ թէ զաւակները փափուկ են, եւ ինծի հետ եղող ոչխարներն ու արջառները կաթնտու են. Եթէ մէ՛կ օր ՝բոնութեամբ վարեն զանոնք», բոլոր ոչխարները պիտի մեռնին: **14** Կ'աղերսե՛մ, իմ տէրս թող անցնի իր ծառային առջեւ. ու ես՝ կամաց-կամաց երթամ, առջես եղող ՝անասուններուն ոտքով եւ զաւակներուն ոտքով, մինչեւ որ տիրոջս՝ Սէիր հասնիմ»: **15** Եսաւ ըսաւ. «Կ'աղերսե՛մ, ինծի հետ եղող ժողովուրդէն **մաս մը** քու քովդ ձգեմ»: Ան ալ ըսաւ. «Ի՞նչ պէտք կայ. թող շնորհը գտնեմ տիրոջս առջեւ»: **16** Այսպէս Եսաւ այդ օրը իր ճամբան վերադարձաւ՝ դէպի Սէիր:

17 Յակոբ Սոլքովթ մեկնեցաւ, ու իրեն տուն մը կառուցանեց, եւ իր խաշինքին տաղաւարներ շինեց. ատոր համար այդ տեղին անունը՝ Սոլքովթ կոչուեցաւ:

18 Յակոբ՝ Միջագետքէն եկած ատեն՝ Սիլեմացիներուն Սաղէմ քաղաքը հասաւ, որ Քանանի երկրին մէջ է, ու քաղաքին առջեւ բանակեցաւ: **19** Արտին բաժինը, ուր իր վրանը լարած էր, Սիլեմի հօր՝ Եմովրի որդիներէն գնեց հարիւր կտոր բարձաթի: **20** Եւ հոն

^ա **Եբր.**՝ ողորմած

^բ **Եբր.**՝ աչքերուն

^գ **Եբր.**՝ օրհնութիւնս

^դ **Եբր.**՝ ճնշուին

^ե **Եբր.**՝ տանիմ

^գ **Եբր.**՝ ստացուածքին

^է **Այսինքն**՝ տաղաւարներ

^զ **Կամ** ոսկիի

գոհասեղան մը կանգնեցուց, ու անունը ՞Էլէօհի-հսրայէլ “ կոչեց:

ԴԻՆԱ ԿԸ ԲՈՆԱԲԱՐՈՒԻ

34

Դինա, Լիայի թակորի ծնած աղջիկը, դուրս ելաւ՝ **այդ** երկրին աղջիկները տեսնելու: **2** **Այդ** երկրին իշխանը՝ Խեւացի Եմովրի որդին Սիւքէմ, տեսաւ զայն, եւ առաւ ու պառկեցաւ անոր հետ, եւ լլկեց զայն: **3** Անոր անձը թակորի Դինա աղջիկին յարեցաւ. սիրեց երիտասարդուհին, ու երիտասարդուհին աղջորութեամբ խօսեցաւ: **4** Սիւքէմ իր հօր՝ Եմովրի ըսաւ. «Այս աղջիկը կի՞ն առ ինծի»: **5** Թակոր լսեց թէ ան իր աղջիկը՝ Դինան պղծեց. բայց իր որդիները իր խաշինքին հետ դաշտն էին, եւ մինչեւ անոնց գալը՝ թակոր լռեց:

6 Սիւքէմի հայրը՝ Եմովր՝ թակորի գնաց, որպէսզի անոր հետ խօսի: **7** Թակորի որդիները դաշտէն եկան՝ երբ լսեցին: Մարդիկը վշտացած ու շատ բորբոքած էին, քանի որ թակորի աղջիկին հետ պառկելով՝ **ան** հսրայէլի մէջ անզգամութիւն գործած էր, որ այդպէս ըլլալու չէր: **8** Եմովր անոնց հետ խօսեցաւ՝ ըսելով. «Իմ Սիւքէմ որդիին անձը ծեր աղջիկին սիրահարեցաւ. կ’աղերսե՞մ, զայն տուէ՛ք անոր իբր կին, **9** եւ մեզի խնամի՛ եղէք. ծեր աղջիկները մեզի՛ տուէք, մեր աղջիկները ծեզի՛ առէք, **10** ու մեզի՛ հետ բնակեցէք, եւ այս երկիրը ծեր առցեւ պիտի ըլլայ. անոր մէջ բնակեցէ՛ք, առուտու՞ր ըրէք, ու անոր մէջ կալուածնե՞ր ստացէք»: **11** Սիւքէմ աղջիկին հօր եւ անոր եղբայրներուն ըսաւ. «Թող շնորհք գտնեմ ծեր բառեւ, ու ի՞նչ որ ինծի ըսէք՝ կու տամ: **12** Խնդրեցէ՛ք ինձմէ յոյժ շատ օժիտ եւ պարգեւ, ու պիտի տամ ի՞նչպէս որ ինծի ըսէք. միայն թէ երիտասարդուհին ինծի տուէք՝ իբր կին»: **13** Թակորի որդիները խաբէութեամբ պատասխանեցին Սիւքէմի եւ անոր հօր՝ Եմովրի, (քանի որ ան իրենց Դինա քոյրը պղծած էր,) **14** ու անոնց ըսին. «Մենք այս բանը չենք կրնար ընել, **այսինքն** մեր քոյրը անթլիատ մարդու մը տալ, որովհետեւ ատիկա մեզի նախատինք է: **15** Միայն սա՛ պայմանով կը համաձայնինք ծեզի հետ, եթէ ծեզմէ ամէն արու թլիատուելով՝ մեզի պէս ըլլաք: **16** Այն ատեն մեր աղջիկները ծեզի կու տանք եւ ծեր աղջիկները մեզի կ’առնենք, ծեզի հետ կը բնակինք ու ծեզի հետ մէկ ժողովուրդ կ’ըլլանք: **17** Բայց եթէ մեզի մտիկ չընելով՝ չթլիատուիք, մենք մեր աղջիկը կ’առնենք եւ կ’երթանք: **18** Անոնց խօսքը Եմովրի ու Եմովրի որդիին՝ Սիւքէմի հաճելի եղաւ: **19** **Այդ** երիտասարդը չուշացուց այս բանը ընելը, որովհետեւ թակորի աղջիկէն կ’ախորժէր», եւ իր հօր տան մէջ եղողներուն ամենէն պատուաւորն էր:

20 Եմովր ու անոր որդին՝ Սիւքէմ իրենց քաղաքին դուռը գացին, եւ իրենց քաղաքին մարդոց հետ խօսելով՝ ըսին. **21** «Այս մարդիկը խաղաղութեամբ կը վարուին մեզի հետ. ուստի **այս** երկրին մէջ թող բնակին ու անոր մէջ առուտուր ընեն, քանի ահա՛ երկիրը ընդարձակ է անոնց առցեւ: **Եկէք**, անոնց աղջիկները մեզի առնենք իբր կին, եւ մեր աղջիկները անոնց տանք: **22** Բայց **այդ** մարդիկը՝ մեզի հետ բնակելու, մէկ ժողովուրդ

^բ **Այսինքն**՝ Աստուած՝ հսրայէլի Աստուածը

^ս **Եբր.**՝ սիրտին

^բ **Եբր.**՝ աչքերուն

^գ **Եբր.**՝ աչքերուն լաւ

^դ **Կամ**՝ աղջիկին կը բաղձար

ըլլալու համար՝ միայն սա՝ պայմանով կը համաձայնին մեզի հետ, եթէ իրենց թլիատուելուն պէս՝ մեր մէջէն ամէն արու թլիատով: **23** Անոնց խաշինքը, ինչքն ու բոլոր անասունները մերը չե՞ն ըլլար. միայն թէ համաձայնինք անոնց հետ՝ որ մեզի հետ բնակին»: **24** Եմովրի եւ անոր որդիին՝ Սիւքէմի մտիկ ըրին բոլոր անոնք՝ որ անոր քաղաքին դռնէն դուրս կ'ելլէին. ու ամէն արու՝ որ անոր քաղաքին դռնէն դուրս կ'ելլէր, թլիատուեցաւ:

25 Երրորդ օրը, երբ անոնք կոտտանքի մէջ էին, Յակոբի երկու որդիները՝ Շմատոն եւ Ղետի, Դինայի եղբայրները, իւրաքանչիւրը իր սուրը առաւ, համարծակ քաղաքը մտան ու բոլոր արուները սպաննեցին: **26** Եմովրը եւ անոր որդին՝ Սիւքէմը սուրի բերանէ անցուցին, Սիւքէմի տունէն Դինան առին ու դուրս ելան: **27** Յակոբի որդիները սպաննուածներուն վրայ գացին եւ քաղաքը կողոպտեցին, քանի որ իրենց քոյրը պղծուած էր: **28** Անոնց ոչխարները, արջաններն ու էշերը, քաղաքին մէջ եղածը եւ դաշտին մէջ եղածը, **29** ու անոնց ամբողջ գոյքերը առին: Բոլոր մանուկներն ու կիները գերեվարեցին, եւ տուններուն մէջ եղած ամէն ինչ կողոպտեցին: **30** Յակոբ Շմատոնի ու Ղետի ըսաւ. «Զիս այս Երկրին բնակիչներուն, քանանացիներուն եւ Փերեզացիներուն մէջ ՚ատելի ընելով՝ զիս դժբախտացուցիք. իմ ՚մարդիկս սակաւաթիւ ըլլալով՝ անոնք ինծի դէմ պիտի հաւաքուին, զիս պիտի զարնեն, ու ես եւ իմ տունս պիտի բնացնջուինք»: **31** Իսկ անոնք ըսին. «Հապա ան պոնիկի՞ պէս վարուելու էր մեր քրոջ հետ»:

ԱՍՏՈՒԱԾ Կ'ՕՐՀՆԵԼ ՅԱԿՈԲԸ

35

Աստուած Յակոբի ըսաւ. «Կանգնէ՛, բարձրացի՛ր դէպի Բեթէլ, հո՞ն բնակէ ու հո՞ն գոհասեղան մը շինէ Աստուծոյ, որ քեզի երեւցաւ երբ կը փախչէիր եղբօրդ՝ Եսաւի առջեւէն»: **2** Յակոբ իր ընտանիքին եւ բոլոր իրեն հետ եղողներուն ըսաւ. «Զեր մէջ եղող ՚օտար աստուածները հանեցէ՛ք, մաքրուեցէ՛ք ու ձեր հանդերձները փոխեցէ՛ք: **3** Կանգնի՛նք, դէպի Բեթէ՛լ բարձրանանք, եւ հոն գոհասեղան մը պիտի շինեմ Աստուծոյ, որ իմ տագնապիս օրը զիս լսեց, ու գացած ճամբայիս մէջ ինծի հետ էր»: **4** Անոնք ալ իրենց ձեռքը եղած բոլոր օտար աստուածները, եւ իրենց ականջները եղած օղերը Յակոբի տուին: Յակոբ զանոնք թաղեց Սիւքէմի մօտ եղող բեւեկնիին տակ. **5** ապա մեկնեցան: Իրենց շրջակայ քաղաքներուն վրայ Աստուծոյ Երկիւղը ինկաւ, ուստի Յակոբի որդիները չհետապնդեցին: **6** Յակոբ քանանի Երկրին մէջ եղող Լուգ՝ այսինքն Բեթէլ հասաւ, ինք ու իրեն հետ եղող ամբողջ ժողովուրդը: **7** Հոն գոհասեղան մը կառուցանեց, եւ **այդ** տեղին անունը **ԲԵԼ-ԲԵԹԷԼ** կոչեց, քանի որ իր եղբօր առջեւէն փախած ատեն՝ Աստուած հո՞ն երեւցեր էր իրեն:

8 Ոեթեկայի սնուցիչը՝ Դեբորա մեռաւ, ու Բեթէլի ներքեւը՝ կաղնիի մը տակ թաղուեցաւ: Անոր անունը **ԱԼՈՆ-ՊԱԽՈՎ** կոչուեցաւ:

9 Աստուած դարձեալ երեւցաւ Յակոբի, երբ ան Միջագետքէն եկած էր, եւ օրհնեց

^ե Երը՝ գարշահոտ

^գ Երը՝ այր մարդիկս

^ա Կամ՝ օտարազգիներու

^բ Այսինքն՝ Բեթէլի Աստուածը

^գ Այսինքն՝ սուգի կաղնի

ԾՆՈՒՆԴՆԵՐՈՒ ԳԻՐՅԸ

զայն: **10** Աստուած անոր ըսաւ. «Քու անունդ Յակոր է. ա՛լ անունդ Յակոր պիտի չկոչուի, հապա հսրայէլ պիտի ըլլայ անունդ». ու անոր անունը հսրայէլ կոչեց: **11** Աստուած անոր ըսաւ. «Ես Ամենակարող Աստուածն եմ. աճէ՛ ու բազմացի՛ր. ազգ մը, եւ ազգերու համախմբում մը պիտի ելլեն քեզմէ, ու մէջքէդ թագաւորներ պիտի ելլեն: **12** Այն երկիրը՝ որ Աբրահամի եւ հսահակի տուի, քեզի՛ պիտի տամ. ու քեզմէ ետք՝ քու զարմի՛դ պիտի տամ **այդ երկիրը»: **13** Եւ Աստուած անոր քովէն բարձրացաւ, այն տեղէն՝ ուր անոր հետ խօսեցաւ: **14** Յակոր քարէ արձան մը կանգնեցուց այն տեղը՝ ուր **Աստուած** իրեն հետ խօսեցաւ. անոր վրայ թափելիք նուէր եղնծայեց, ու անոր վրայ իւղ թափեց: **15** Եւ Յակոր Բեթէլ կոչեց **այդ տեղին** անունը, ուր Աստուած իրեն հետ խօսեցաւ:**

ՌԱԶԷԼԻ ՄԱՀԸ

16 Բեթէլէն մեկնեցան, ու տակաւին քիչ մը ճամբայ մնացած էր Եփրաթա հասնելու՝ երբ Ռաքէլ ծնաւ, բայց տաժանելի ծննդաբերութիւն մը ունեցաւ: **17** Մինչ ծննդաբերութեան տաժանքին մէջ էր, մանկաբարձր իրեն ըսաւ. «Մի՛ վախնար, որովհետեւ ա՛յս ալ քու որդիդ է»: **18** Երբ իր հոգին կ'ելլէր, (քանի որ մեռաւ,) անոր անունը բենոնի կոչեց. բայց անոր հայրը ^բբենիամին կոչեց զայն: **19** Ռաքէլ մեռաւ, ու թաղուեցաւ Եփրաթայի ճամբան, որ Բեթէհէմն է: **20** Յակոր անոր գերեզմանին վրայ արձան մը կանգնեցուց, որ մինչեւ այսօր Ռաքէլի գերեզմանին արձանն է:

21 Հսրայէլ մեկնեցաւ, եւ իր վրանը ^բՄիկտալ-Եդերէ անդին լարեց: **22** Երբ հսրայէլ այդ երկրին մէջ կը բնակէր, Ռուբէն գնաց ու իր հօր Բաղդա հարճին հետ պառկեցաւ. եւ հսրայէլ լսեց **ասիկա:**

ՅԱԿՈԲԻ ԶԱԻԱԿՆԵՐԸ

(Ա. Մնաց. 2. 1-2)

Յակոբի որդիները տասներկու էին... **23** Լիայի որդիները՝ Յակոբի անդրանիկը Ռուբէն, Շմաւոն, Ղեւի, Ցուլա, հսաքար ու Զաքուլոն. **24** Ռաքէլի որդիները՝ Ցովսէփի եւ Բենիամին. **25** Ռաքէլի Բաղդա ստրկուհիին որդիները՝ Դան ու Նեփիթաղիմ. **26** Եւ Լիայի Զեղփա ստրկուհիին որդիները՝ Գաղ ու Ասեր: Ասոնք են Յակոբի որդիները, որ Միջագետքի մէջ ծնան անոր:

ԻՍԱՀԱԿԻ ՄԱՀԸ

27 Յակոբ հասաւ իր հօր՝ հսահակի քով, Մամբրէ՛ Արբայի քաղաքը, այսինքն Ջեբրոն, ուր Աբրահամ ու հսահակ պանդխտացան: **28** Հսահակի օրերը հարիւր ութսուն տարի եղան: **29** Հսահակ, ծերացած եւ **իր** օրերէն կշտացած, շունչը տալով՝ մեռաւ ու իր

^բ **Եբր.**՝ տեղը

^բ **Եբր.**՝ թափեց

^բ **Այսինքն**՝ նեղութեանս որդիին

^բ **Այսինքն**՝ աջ ծեռքիս որդիին

^բ **Այսինքն**՝ հօտի աշտարակ

ժողովուրդին մէջ ամփոփուեցաւ. անոր որդիները՝ Եսաւ եւ Յակոբ՝ թաղեցին զայն:

ԵՍԱԻԻ ԶԱՐՄԸ
(Ա. ՄԱԿ. 1. 34-37)

36

Ահա՛ասիկ Եսաւի ծնունդները, որ Եղովմն է: **2** Եսաւ իրեն կիներ առաւ Քանանի աղջիկներէն.— Քետացի Ելոնի աղջիկը՝ Աղդան, Խեւացի Սեբեգոնի աղջիկին Անայի աղջիկը՝ Ողիբաման, **3** եւ իսմայէլի աղջիկը՝ Նաբէորի քոյրը՝ Բասեմաթը: **4** Աղդա Եսաւի ծնաւ Եղիփազը, ու Բասեմաթ ծնաւ Ռագուէլը: **5** Ողիբամա ծնաւ Յեռուը, Յեգումը եւ Կորիսը: Ասոնք են Եսաւի որդիները, որ ծնան իրեն Քանանի Երկրին մէջ:

6 Եսաւ առաւ իր կիները, որդիներն ու աղջիկները եւ իր տան բոլոր անձերը, իր խաշինքը, իր բոլոր անասուններն ու իր ամբողջ ինչքը՝ որ վաստկած էր Քանանի Երկրին մէջ, եւ իր Եղբօր՝ Յակոբի առցեւէն **հեռաւոր** Երկիր մը գնաց. **7** արդարեւ՝ իրենց ինչքին շատ ըլլալուն համար՝ չէին կրնար միասին բնակիլ, ու իրենց խաշինքին պատճառով այն Երկիրը՝ որուն մէջ գաղթական էին՝ “բաւական չէր իրենց”: **8** Ուստի Եսաւ Սէիրի լեռը բնակեցաւ: Եսաւ Եղովմն է:

9 Ահա՛ասիկ Սէիրի լեռը Եղող Եղովմայեցիներու հօր՝ Եսաւի ծնունդները: **10** Ահա՛ասիկ Եսաւի որդիներուն անունները.— Եսաւի կնոց՝ Աղդայի որդին՝ Եղիփազ, **ու** Եսաւի կնոց՝ Բասեմաթի որդին՝ Ռագուէլ. **11** Եղիփազի որդիներն էին՝ Թեման, Օմար, Սեփոյ, Գոթամ ու Կենեզ: **12** Թամնա՝ Եսաւի որդին՝ Եղիփազի հարճն էր, որ Եղիփազի ծնաւ Ամաղէկը. Եսաւի կնոց՝ Աղդայի որդիները ասոնք էին: **13** Ահա՛ասիկ Ռագուէլի որդիները.— Նահաթ, Զարա, Սամմա ու Մեզա: Ասոնք էին Եսաւի կնոց՝ Բասեմաթի որդիները: **14** Ահա՛ասիկ Եսաւի կնոց՝ Սեբեգոնի աղջիկին Անայի աղջիկը՝ Ողիբամայի որդիները. Եսաւի ծնաւ՝ Յեռուը, Յեգումը եւ Կորիսը:

15 Ահա՛ասիկ Եսաւի որդիներէն Եղող պետերը.— Եսաւի անդրանիկին՝ Եղիփազի որդիները՝ Թեման պետ, Օմար պետ, Սեփով պետ, Կենեզ պետ, **16** Կորիս պետ, Գոթամ պետ, Ամաղէկ պետ: Եղովմի Երկրին մէջ՝ Եղիփազէ Եղող պետերը ասոնք են. ասոնք Աղդայի որդիներն էին: **17** Ահա՛ասիկ Եսաւի որդին՝ Ռագուէլի որդիները.— Նահաթ պետ, Զարա պետ, Սամմա պետ, Մեզա պետ: Եղովմի Երկրին մէջ՝ Ռագուէլէ Եղող պետերը ասոնք են: Եսաւի կնոց՝ Բասեմաթի որդիները ասոնք էին: **18** Ահա՛ասիկ Եսաւի կնոց՝ Ողիբամայի որդիները.— Յեռու պետ, Յեգում պետ, Կորիս պետ: Եսաւի կնոց՝ Անայի աղջիկը Եղող Ողիբամայէ **ծնած** պետերը ասոնք էին: **19** Ասոնք են Եսաւի՝ այսինքն Եղովմի որդիները. ասոնք են անոնց պետերը:

ՍԷԻՐԻ ԶԱՐՄԸ
(Ա. ՄԱԿ. 1. 38-42)

20 Ահա՛ասիկ **այդ** Երկրին մէջ բնակող Քոռեցի Սէիրի որդիները.— Ղոտան, Սորաղ, Սեբեգոն, Անա, **21** Դիսոն, Եսեր եւ Դիսան: Ասոնք էին Քոռեցիներուն պետերը՝ Սէիրի որդիները, Եղովմի Երկրին մէջ: **22** Ղոտանի որդիներն էին՝ Քոռի ու Հեմամ, եւ Ղոտանի քոյրը՝ Թամնա: **23** Ահա՛ասիկ Սորաղի որդիները.— Գաղուան, Մանաքաթ, Գեբաղ, Սեփով ու Օնամ: **24** Ահա՛ասիկ Սեբեգոնի որդիները.— Այիս եւ Անա: Ասիկա այն Անան է, որ իր հօր՝ Սեբեգոնի էշերը արածած ատեն՝ անապատին մէջ ջերմուկները գտաւ: **25** Ահա՛ասիկ Անայի որդիները.— Դիսոն, ու Անայի աղջիկը՝ Ողիբամա: **26** Ահա՛ասիկ Դիսոնի

“Երբ.” չէր կրնար կրել զիրենք

ԾՆՈՒՆԴՆԵՐՈՒ ԳԻՐՅԸ

որդիները... Ամադան, Եսքան, Յեթրան եւ Քառան: **27** Ահա՛ւասիկ Եսերի որդիները... Բաղդան, Զաւաւան ու Ական: **28** Ահա՛ւասիկ Դիսանի որդիները... Հուս եւ Առան: **29** Ահա՛ւասիկ Ջոռեցիներուն պետերը... Ղոտան պետ, Սորալ պետ, Սեբեգոն պետ, Անա պետ, **30** Դիսոն պետ, Եսեր պետ, Դիսան պետ. ասոնք են Ջոռեցիներուն պետերը Սէիրի Երկրին մէջ՝ իրենց պետերուն **գաւառներուն** համեմատ:

ԵԴՈՎՄԻ ԹԱԳԱԽՈՐՆԵՐԸ

(Ա. ՄԱՅ. 1. 43-54)

31 Ահա՛ւասիկ այն թագաւորները՝ որ Եդովմի Երկրին մէջ թագաւորեցին, Իսրայէլի որդիներուն վրայ թագաւորի մը թագաւորելէն առաջ: **32** Բէովրի որդին՝ Բաղա թագաւորեց Եդովմի մէջ. անոր քաղաքին անունը Դեննարա էր: **33** Բաղա մեռաւ, ու անոր տեղ Բոսրացի Զարայի որդին՝ Յոբաթ թագաւորեց: **34** Յոբաթ մեռաւ, եւ անոր տեղ՝ Թեմանացիներու Երկրէն Հուսամ թագաւորեց: **35** Հուսամ մեռաւ, ու անոր տեղ Բաղադի որդին՝ Աղադ թագաւորեց, որ Մովարի դաշտին մէջ Մադիանացիները զարկաւ. անոր քաղաքին անունը Ալիթ էր: **36** Աղադ մեռաւ, եւ անոր տեղ Մասրեկացի Սամադա թագաւորեց: **37** Սամադա մեռաւ, ու անոր տեղ՝ Գետին քովի Ռոբովթէն եղող Սաւուղը թագաւորեց: **38** Սաւուղ մեռաւ, եւ անոր տեղ Աքոբորի որդին՝ Բահադ-Անան թագաւորեց: **39** Աքոբորի որդին՝ Բահադ-Անան մեռաւ, ու անոր տեղ Աղադ թագաւորեց: Անոր քաղաքին անունը Փօքով էր, եւ անոր կնոջ անունը՝ Մետաքեէլ, որ Մեզահարի աղջիկին՝ Մատրէթի աղջիկն էր:

40 Ահա՛ւասիկ՝ իրենց գերդաստաններուն ու տեղերուն համեմատ, իրենց անուններով՝ Եսաւէ եղող պետերուն անունները... Թամնա պետ, Գաղուա պետ, Յեթաթ պետ, Ողիբամա պետ, **41** Էլա պետ, Փինոն պետ, Կենեզ պետ, Թեման պետ, **42** Մաբզար պետ, Մագերիէլ պետ, Իրամ պետ: **43** Ասոնք են Եդովմի պետերը՝ իրենց բնակութեան համեմատ, իրենց կալուածը եղող Երկրին մէջ. այս է Եսաւը՝ Եդովմայեցիներուն հայրը:

ՅՈՎՍԷՓ ԵՒ ԻՐ ԵՂԲԱՅՐՆԵՐԸ

37

Յակոբ իր հօր գաղթական եղած Երկրին՝ Քանանի մէջ ապրեցաւ. **2** ահա՛ւասիկ Յակոբի ծնունդները: Յովսէփ տասնեօթը տարեկան էր՝ Երբ իր եղբայրներուն հետ ոչխարները կ'արածէր, ու պատանի ըլլալով՝ իր հօր կիներուն՝ Բաղդայի որդիներուն եւ Զեղփայի որդիներուն հետ էր: Յովսէփ անոնց չարախօսութիւնը իրենց հօր կը ս'հաղորդէր: **3** Իսրայէլ իր բոլոր որդիներէն աւելի կը սիրէր Յովսէփը, քանի որ իր ծերութեան որդին էր ան, ու բազմագոյն պատմուճան մը շինեց անոր: **4** Երբ անոր Եղբայրները տեսան թէ իրենց հայրը զայն իր բոլոր Եղբայրներէն աւելի կը սիրէր՝ ատեցին զայն, եւ խաղաղութեամբ չէին կրնար խօսիլ անոր հետ:

5 Յովսէփ Երազ մը տեսաւ ու իր Եղբայրներուն պատմեց. Եւ անոնք ա'լ աւելի ատեցին զայն: **6** Անոնց ըսաւ. «Կ'աղերսէ'մ, մտի'կ ըրէք այս տեսած Երազս: **7** Ահա՛ մենք դաշտին մէջ որաներ կը կապէինք, եւ ահա՛ իմ որաս ելաւ, ուղիղ կայնեցաւ, ու ձեր որաները զայն շրջապատեցին եւ իմ որայիս Երկրապագեցին»: **8** Անոր Եղբայրները ըսին անոր. «Ի՞րապէս մեր վրայ պիտի թագաւորես, կամ ի՞րապէս մէր վրայ պիտի տիրես». Եւ անոր Երազներուն ու խօսքերուն համար՝ ա'լ աւելի ատեցին զայն: **9** Ուրիշ Երազ մըն ալ տեսաւ, եւ զայն իր Եղբայրներուն պատմեց՝ ըսելով. «Ահա՛ Երազ մըն ալ տեսայ. ահա՛ արեւը,

^w Երբ.՝ բերէր

լուսինը եւ տասնմէկ աստղեր ինծի երկրպագեցին»: **10** Երբ իր հօր ու իր եղբայրներուն պատմեց, հայրը զինք սաստեց, եւ իրեն ըսաւ. «Ի՞նչ է այս տեսած երազդ. միթէ ես, մայրդ ու եղբայրներդ ի՞րապէս պիտի գանք քեզի երկրպագելու՝ մինչեւ գետին խոնարհելով»: **11** Ուստի եղբայրները անոր նախանձեցան, բայց հայրը **իր միտքը** պահեց այս խօսքը:

ՅՈՎԱԷՓ ԿԸ ԾԱԽՈՒԻ ԵՒ ԿԸ ՏԱՐՈՒԻ ԵԳԻՊՏՈՍ

12 Անոր եղբայրները գացին՝ որ իրենց հօր ոչխարները Սիւրէմի մէջ արածեն: **13** Իսրայէլ Յովսէփի ըսաւ. «Քու եղբայրներդ Սիւրէմի մէջ չե՞ն արածեր **ոչխարները**. Եկո՛ւր, քեզ անոնց դրկեմ»: Ան ալ ըսաւ. «Ահա՝ **հոս եմ**»: **14** **Հայրը** անոր ըսաւ. «Կ'աղերսե՛մ, գնա՛, նայէ՛ թէ քու եղբայրներդ ողջ առո՛ղջ են, եւ ոչխարները ողջ են, ու ինծի լո՛ւր մը բեր»: Այսպէս դրկեց զայն քերրոնի հովիտէն. ան ալ Սիւրէմ գնաց: **15** Մարդ մը գտաւ զայն, որ դաշտին մէջ կը դեգերէր. եւ **այդ** մարդը հարցուց անոր. «Ի՞նչ կը փնտռես»: **16** Ան ալ ըսաւ. «Իմ եղբայրներս կը փնտռեմ. կ'աղերսե՛մ, իմացո՛ւր ինծի, անոնք ո՞ւր կ'արածեն»: **17** **Այդ** մարդը ըսաւ. «Ասկէ մեկնեցան, քանի որ լսեցի թէ կ'ըսէին. “Դոթայիմ երթանք”»: Ուստի Յովսէփի իր եղբայրներուն ետեւէն գնաց, ու Դոթայիմի մէջ գտաւ զանոնք: **18** Երբ զայն հեռուէն տեսան, դեռ ինք անոնց չմօտեցած՝ անոր դաւաճանեցին, որպէսզի զայն մեռցմեն: **19** Իրարու ըսին. «Ահա՝ այդ ^բերազ տեսնողը» կու գայ. **20** Ուստի հիմա եկէ՛ք, սպաննենք զայն, գուրի մը մէջ նետենք, ու ըսենք թէ “չար գազան մը լափեց զայն” ։ Եւ տեսնենք թէ անոր երազները ի՞նչ պիտի ըլլան»: **21** Երբ Ռուրէն լսեց, անոնց ձեռքէն զայն ազատեց՝ ըսելով. «^գՉսպաննե՞նք զինք»: **22** Ու Ռուրէն անոնց ըսաւ. «Արիւն մի՛ թափէք, **բայց** զինք այս գո՛ւրը նետեցէք՝ որ անապատին մէջ է, եւ անոր վրայ ձեռք մի՛ դնէք»: **Ասիկա կ'ըսէք**, որպէսզի կարենայ ազատել զայն անոնց ձեռքէն՝ իր հօր վերադարձնելու համար:

23 Երբ Յովսէփի իր եղբայրներուն քով հասաւ, մերկացուցին Յովսէփը իր պատմուճանմէն, **այսինքն** իր վրայի բազմագոյն պատմուճանմէն, **24** առին զայն ու գուրը նետեցին. գուրը պարապ էր, մէջը ջուր չկար: **25** Յետոյ նստան՝ հաց ուտելու: Երբ իրենց աչքերը վերցուցին ու նայեցան, ահա՝ հսմայելացիներու կարաւան մը կու գար Գաղաադէն. իրենց ուղտերը համեմներ, բալասան եւ զմուռս կը կրէին, ու կ'երթային **զանոնք** Եգիպտոս իշեցնելու: **26** Յուդա իր եղբայրներուն ըսաւ. «Ի՞նչ շահ պիտի ունենանք, եթէ մեր եղբայրը սպաննենք եւ անոր արիւնը ծածկենք: **27** Եկէ՛ք զինք հսմայելացիներուն ծախենք եւ մեր ձեռքը անոր չդպչի, քանի որ ան մեր եղբայրն ու միսն է»: Անոր եղբայրները հաւանեցան: **28** Երբ մադիանացի վաճառականները կ'անցնէին, **իր եղբայրները** Յովսէփը գուրէն վեր քաշեցին, դուրս հանեցին, եւ հսմայելացիներուն ծախեցին Յովսէփը՝ քսան **կտոր** արծաթի. անոնք ալ Յովսէփը Եգիպտոս տարին: **29** Ռուրէն դէպի գուրը վերադարձաւ, ու ահա՝ Յովսէփի գուրին մէջ չէր: Ուստի իր հագուստները պատռեց, **30** իր եղբայրներուն վերադարձաւ եւ ըսաւ. «Զաւակը չկայ, ու ես ո՞ւր երթամ»:

31 **Եղբայրները** առին Յովսէփի պատմուճանը, այծերէն նոխազ մը մորթեցին եւ պատմուճանը **անոր** արիւնին մէջ թաթիւցին: **32** Ապա բազմագոյն պատմուճանը դրկեցին, իրենց հօր հասցուցին ու ըսին. «Ասիկա՝ գտանք. այժմ ճանչցի՛ր թէ ասիկա քու որդիիդ պատմուճանն է՝ թէ ոչ»: **33** Ինք ալ զայն ճանչցաւ եւ ըսաւ. «Իմ որդիին

^բ **Երբ.**՝ Երազներու տէրը

^գ **Երբ.**՝ Չզարնե՞նք

պատմուճանն է, չար գազան մը զայն լափած է: Յովսէփի անշուշտ բզբսուեցաւ»: **34** Յակոր պատոեց իր հանդերձները, քոլոր ՚հագաւ մէջքին վրայ, եւ որդիին համար երկար ժամանակ սգաց: **35** Իր բոլոր որդիներն ու բոլոր աղջիկները կանգնեցան՝ որ զինք մխիթարեն. բայց ինք մերժեց մխիթարուիլ եւ ըսաւ. «Ես սուգով ՚դժոխք պիտի իշնեմ՝ իմ որդիիս քով»: Այսպէս անոր հայրը լացաւ անոր համար: **36** Մադիանացիները ծախեցին զայն Եգիպտոսի մէջ, Փարաւոնի պալատականին՝ Պետափրէս թիկնապահապետին:

ՅՈՒՂԱ ԵՒ ԹԱՄԱՐ

38

Այն ատեն Յուղա իր Եղբայրներուն քովէն իշաւ ու Ոդողոմացիի մը քով ՚գնաց, որուն անունը իրաս էր: **2** Յուղա Շաւա անունով Քանանացիի մը աղջիկը տեսաւ, առաւ զայն եւ անոր մտաւ: **3** Ան ալ յηացաւ, որդի մը ծնաւ ու անոր անունը էր կոչեց: **4** Դարձեալ յηացաւ, որդի մը ծնաւ եւ անոր անունը Օնան կոչեց: **5** Վերստին որդի մըն ալ ծնաւ, ու անոր անունը Սելոմ կոչեց: Երբ զայն ծնաւ՝ **ՅՈՒՂԱ ՔԵզիրի մէջ** էր:

6 Յուղա իր անդրանիկ որդիին՝ Էրի կին մը առաւ, որուն անունը Թամար էր: **7** Յուղայի անդրանիկը՝ Էր չար էր Տէրոց ՚առօցեւ. ուստի Տէրը մեռցուց զայն: **8** Յուղա Օնանի ըսաւ. «Մտի՛ր քու Եղբօրդ կնոջ, տագրութեան իրաւունքը գործադրէ՝ անոր, եւ Եղբօրդ զա՞րմ հանէ»: **9** Օնան գիտցաւ թէ զարմը իրը պիտի չըլլար. ատոր համար երբ իր Եղբօր կնոջ կը մտնէր՝ **սերմը** գետին կը թափէր, որպէսզի իր Եղբօր զարմ չտայ: **10** Այս ըրած բանը Տէրոց ՚անհաճոյ եղաւ. ուստի զինք ալ մեռցուց: **11** Յուղա իր Թամար հարսին ըսաւ. «Այրի՛ կեցիր քու հօրդ տունը, մինչեւ որ իմ Սելոմ որդիս մեծնայ»: որովհետեւ ըսաւ. «Ասիկա ալ թող չմեռնի իր Եղբայրներուն պէս»: Թամար գնաց եւ իր հօր տունը բնակեցաւ:

12 Ժամանակէ մը ետք, Շաւայի աղջիկը՝ Յուղայի կինը մեռաւ: Երբ Յուղա մխիթարուեցաւ, Թամանա բարձրացաւ՝ իր հօտերը խուզողներուն քով, ինք ու իր բարեկամը՝ Ոդողոմացի իրաս: **13** Թամարի պատմուեցաւ՝ ըսելով. «Ահա՛ քու կեսրայրդ Թամանա կը բարձրանայ՝ իր ոչխարները խուզելու»: **14** Ան ալ իր այրիութեան հագուստները հանեց իր վրայէն, քօղով մը ծածկուեցաւ ու փաթթուեցաւ, եւ Թամանայի ճամբային մէջ Եղող Ենայիմի մուտքը նստաւ. քանի տեսաւ թէ Սելոմ մեծցաւ, բայց ինք անոր չտրուեցաւ՝ իբր կին: **15** Երբ Յուղա տեսաւ զայն՝ պոռնիկ կարծեց, որովհետեւ իր երեսը ծածկած էր: **16** Ուստի ճամբան անոր ՚գնաց ու ըսաւ. «Կ'աղերսե՛մ, քեզի մտնեմ», քանի չէր գիտեր թէ ան իր հարսն է: Ան ալ ըսաւ. «Ինծի մտնելու համար՝ ի՞նչ կու տաս ինծի»: **17** Ինք ալ ըսաւ. «Հօտերէն այծի ուզ մը կը որկեմ **քեզի**»: **Կինը** ըսաւ. «Գրաւ մը կու տա՞ս մինչեւ որկելու»: **18** **Յուղա** ըսաւ. «Ի՞նչ գրաւ տամ քեզի»: Ան ալ ըսաւ. «Քու կնիքդ, երիզդ եւ ձեռքիդ գաւազանը **տո՛ւր**»: Ինք ալ տուաւ անոր ու մտաւ անոր. **Թամար** անկէ յηացաւ: **19**

^Դ **Երբ.**՝ դրաւ

^Ե **Այսինքն**՝ մեռած անձերու կայանը

^Ա **Երբ.**՝ շեղեցաւ

^Բ **Երբ.**՝ աչքերուն

^Գ **Երբ.**՝ աչքերուն գէշ

^Դ **Երբ.**՝ շեղեցաւ

Ան կանգնեցաւ եւ գնաց, վրայէն քողը հանեց ու իր այրիութեան հագուստները հագաւ: **20** Իսկ Յուդա իր բարեկամին՝ Ողողոմացիին ծեռքով այծի ուզը դրկեց, որպէսզի կնոց ծեռքէն գրաւը առնէ. բայց չգտաւ զայն: **21** Այդ տեղի մարդոց հարցուց. «Ճամբային վրա՝ Ենայիմի մէջ եղած՝ բոզը ո՞ւր է»: Անոնք ըսին. «Հոս բոզ չկար»: **22** **Բարեկամը** Յուդայի վերադարձաւ եւ ըսաւ. «Չգտայ զայն, եւ **այդ** տեղի մարդիկն ալ ըսին թէ «Հոս բոզ չկար»»: **23** Յուդա ըսաւ. «Իրեն թող ըլլայ, որպէսզի խայտառակ ըլլանք. ահա՛ ես այս ուզը դրկեցի, բայց դուն չգտար զայն»: **24** Մօտ երեք ամիս ետք Յուդայի պատմուեցաւ՝ ըսելով. «Ջու հարսդ՝ Թամար պոռնկեցաւ. նաեւ ահա՛ յդի մնաց պոռնկութենէն»: Յուդա ըսաւ. «Դու հանեցէք զայն, ու թող այրուի»: **25** Երբ զինք դուրս կը հանէին, **գրաւները** իր կեսրայրին դրկեց՝ ըսելով. «Ես այս բաներուն տիրոցմէն յդի եմ»: Նաեւ ըսաւ. «Կ'աղերսե՛մ, ճանչցի՛ր թէ այս կնիքը, երիզն ու գաւազանը որո՛ւ կը պատկանին»: **26** Յուդա ճանչցաւ եւ ըսաւ. «Ան ինձմէ արդար է, որովհետեւ զայն իմ Սելում որդիին չտուի»: Յետոյ անգամ մըն ալ չգիտցաւ զայն:

27 Անոր ծննդաբերութեան ատենը՝ ահա՛ անոր արգանդին մէջ երկուորեակ էին: **28** Երբ կը ծնանէր, **մէկը** ծեռքը երկարեց: Մանկաբարձը առաւ ու անոր ծեռքին վրայ կրկնակի կարմիր **դերձան** մը կապեց՝ ըսելով. «Առաջ ասիկա՛ ելաւ»: **29** Բայց երբ ան իր ծեռքը ետ քաշեց՝ ահա՛ անոր եղբայրը ելաւ: **Մանկաբարձը** ըսաւ. «Ինչո՞ւ **սաղմընկերը** պատուեցիր. այս պատուածքը վրա՛ն ըլլայ»: Ուստի անոր անունը՝ **Փարէս կոչուեցաւ**: **30** Յետոյ ծեռքին վրայ կրկնակի կարմիր **դերձանը** ունեցող եղբայրը ելաւ, եւ անոր անունը Զարա կոչուեցաւ:

ՅՈՎՍԵՓ ԵՒ ՊԵՏԱՓՐԵՍԻ ԿԻՆԸ

39

Յովսէփը Եգիպտոս իշեցուցին, ու Փարաւոնի պալատականը՝ Եգիպտացի Պետափրէս թիկնապահապետը գնեց զայն Իսմայելացիներուն ծեռքէն, որոնք զայն հոն իշեցուցին: **2** Տէրը Յովսէփի հետ էր, եւ ան յաջողակ մարդ մըն էր, ու իր Եգիպտացի տիրոց տունն էր: **3** Անոր տէրը տեսաւ թէ Տէրը անոր հետ էր, եւ թէ ինչ որ ընէր՝ Տէրը կը յաջողցնէր անոր ծեռքով: **4** Յովսէփ անոր առաջեւ շնորհք գտաւ ու անոր կը սպասարկէր. ան իր տան վրայ **վերատեսուչ** նշանակեց զայն եւ իր ամբողջ ունեցածը անոր ծեռքը յանձնեց: **5** Այն ժամանակէն ի վեր՝ որ զայն իր տան ու իր ամբողջ ունեցածին վրայ **վերատեսուչ** նշանակեց, Տէրը օրհնեց Եգիպտացիին տունը՝ Յովսէփի պատճառով. թէ՛ տան մէջ եւ թէ դաշտին մէջ՝ անոր ամբողջ ունեցածին վրայ Տէրոց օրհնութիւնը եղաւ: **6** Իր ամբողջ ունեցածը Յովսէփի ծեռքը թողուց, ու ինչ որ կար անոր քով՝ չէր գիտեր, իր կերած հացէն զատ: Յովսէփ գեղեցիկ դէմք եւ գեղեցիկ տեսք ունէր:

7 Այս բաներէն ետք՝ անոր տիրոց կինը աչքերը վերցուց Յովսէփի վրայ ու ըսաւ. «Պառկէ՛ ինծի հետ»: **8** Բայց ան մերժեց եւ իր տիրոց կնոց ըսաւ. «Ահա՛ իմ տէրս չի գիտեր ինչ որ կայ քովս՝ տան մէջ, ու իր ամբողջ ունեցածը ծեռքս յանձնեց: **9** Այս տան մէջ ինձմէ մեծը չկայ, եւ ինձի որեւէ բան չարգիլեց՝ քեզմէ զատ, որովհետեւ դուն իր կինն

^b **Երբ.**՝ վերապահուած կինը (այսինքն՝ կռապաշտական պոռնկութեան վերապահուած)

^a **Երբ.**՝ փորին

^c **Այսինքն**՝ պատուածք

^w **Երբ.**՝ աչքերուն

Ես: Ուրեմն ես ի՞նչպէս այս մեծ չարիքը ընեմ ու Աստուծոյ դէմ մեղանչեմ»: **10 Թէպէտ** ան ^բամէն օր՝ Յովսէփի կը խօսէր, բայց ինք անոր մտիկ չէր ըներ՝ որ հետը պառկի կամ հետը ըլլայ: **11** Օր մը՝ իր գործը կատարելու համար՝ տուն մտաւ, եւ հոն՝ տան մէջ՝ տան մարդոցմէն ո՛չ մէկը կար: **12** Ուստի **տիրուհին** իր հագուստէն բռնեց՝ ըսելով. «Պառկէ՛ ինձի հետ»: **Յովսէփի** իր հագուստը անոր ձեռքը թողուց ու փախաւ, դուրս ելաւ: **13** Երբ տեսաւ թէ ան հագուստը իր ձեռքը թողուց եւ դուրս փախաւ, **14** իր տան մարդիկը կանչեց ու անոնց ըսաւ. «Նայեցէ՛ք, մեզի երայեցի մը բերաւ՝ ^գմեզ խայտառակելու» համար: Ան ինձի եկաւ՝ ինձի հետ պառկելու համար, բայց ես բարձր ձայնով պոռացի: **15** Երբ լսեց բարձր ձայնով պոռալս, իր հագուստը քովս թողուց եւ փախաւ, դուրս ելաւ»: **16** Ու մինչեւ որ անոր տէրը տուն եկաւ, անոր հագուստը իր քով պահեց: **17** Ապա սա՛ խօսքերուն համաձայն անոր ըսաւ. «Այն երայեցի ստրուկը՝ որ դուն մեզի բերիր, զիս խայտառակելու համար ինձի եկաւ: **18** Իսկ երբ իմ ձայնս բարձրացուցի եւ պոռացի, իր հագուստը քովս թողուց ու դուրս փախաւ»:

19 Երբ անոր տէրը լսեց իր կնոջ խօսքերը որ իրեն ըսաւ. «Չու ստրուկդ ինձի սա՛ բանը ըրաւ՝, իր բարկութիւնը բորբոքեցաւ: **20** Յովսէփի տէրը զայն առաւ եւ բանտը դրաւ, այն տեղը՝ ուր թագաւորին բանտարկեալները կապուած էին. ու հո՛ն բանտին մէջ մնաց: **21** Բայց Տէրը Յովսէփի հետ էր. կարեկցեցաւ անոր, եւ բանտապետին առջեւ շնորհք գտնել տուաւ անոր: **22** Բանտապետը Յովսէփի ձեռքը յանձնեց բանտին մէջ եղած բոլոր բանտարկեալները, ու հոն ամբողջ գործը կատարողը ան էր: **23** Բանտապետը անոր ձեռքը եղած որեւէ՛ բանին չէր նայեր, որովհետեւ Տէրը անոր հետ էր. ինչ որ ընէր՝ Տէրը կը յաջողցնէր:

ՅՈՎՍԷՓ ԿԸ ՄԵԿՆԷ ԲԱՆՏԱՐԿԵԱԼՆԵՐՈՒՆ ԵՐԱԶՆԵՐԸ

40

Այս բաներէն ետք, Եգիպտոսի թագաւորին մատոռուակն ու հացագործը մեղանչեցին իրենց տիրոց՝ Եգիպտոսի թագաւորին դէմ: **2** Փարաւոն զայրացաւ իր երկու պալատականներուն՝ մատոռուակապետին եւ հացագործապետին դէմ, **3** ու զանոնք բանտարկեց թիկնապահապետին տան բանտին մէջ, այն տեղը՝ ուր Յովսէփի բանտարկուած էր: **4** Թիկնապահապետը Յովսէփի հրահանգեց անոնց համար, եւ ան կը սպասարկէր անոնց: Անոնք ժամանակ մը բանտը մնացին:

5 Եգիպտոսի թագաւորին մատոռուակն ու հացագործը, որ բանտին մէջ կապուած էին, երկուքն ալ մէկ գիշերուան մէջ մէկական երազ տեսան, իւրաքանչիւրին երազին նշանակութեան համաձայն: **6** Երբ Յովսէփի առտուն եկաւ անոնց, տեսաւ զանոնք՝ որ տխուր էին: **7** Ուստի իր տիրոց տունը իրեն հետ բանտարկուած Փարաւոնի պալատականներուն հարցուց. «Ինչո՞ւ ձեր երեսները տրտում են այսօր»: **8** Անոնք ալ իրեն պատասխանեցին. «Երազ տեսանք, ու զայն մեկնող չկայ»: Յովսէփի անոնց ըսաւ. «Միթէ մեկնութիւնները Աստուծո՞յ չե՞ն պատկանիր. կ'աղերսե՛մ, պատմեցէ՛ք ինձի»:

9 Մատոռուակապետը իր երազը Յովսէփի պատմեց եւ անոր ըսաւ. «Երազիս մէջ բտեսայ թէ՝» առջեւս որթատունկ մը կար, **10** ու որթատունկին վրայ՝ երեք ուր:

^բ **Երբ.**՝ օրէ օր

^գ **Երբ.**՝ մեր վրայ խնդալու

^ց **Երբ.**՝ գէշ

^ը **Երբ.**՝ եւ ահա՝

բողբոջելէ ետք "ծաղիկ բացաւ", ու անոր ողկոյզները խաղող հասցուցին: **11** Փարաւոնի բաժակը ձեռքս էր. խաղողները առի եւ Փարաւոնի բաժակին մէջ ճմլեցի, ու բաժակը Փարաւոնի ափը տուի»: **12** Յովսէփ անոր ըսաւ. «Ատոր մեկնութիւնը սա՛ է: Երեք ուոր՝ երեք օր է. **13** Երեք օր ետք՝ Փարաւոն գլուխսդ պիտի բարձրացնէ եւ քեզ պաշտօնիդ պիտի վերադարձնէ, ու Փարաւոնի բաժակը անոր ձեռքը պիտի յանձնես՝ նախկին սովորութեան համաձայն, երբ անոր մատոռուակն էիր: **14** Բայց երբ քեզի բարիք ըլլայ՝ յիշէ՛ զիս. կ'աղերսե՛մ, կարեկցութեա՛մբ վարուէ ինծի հետ, եւ զիս Փարաւոնի առջեւ յիշատակելով՝ զիս այս տունէն դուրս հանէ. **15** քանի որ ի՞րապէս գողցուեցայ Եբրայեցիներու երկրէն, ու հո՛ս ալ ոչինչ ըրի՝ որ զիս այս գուբը նետեն»:

16 Երբ հացագործապետը տեսաւ թէ լաւ մեկնութիւն տուաւ, Յովսէփի ըսաւ. «Ես ալ երազիս մէջ տեսայ թէ գլուխիս վրայ երեք Դերմակ սակառ ունէի: **17** Ամենէն վրայի սակառին մէջ՝ Փարաւոնի համար հացագործի շինած ամէն տեսակ ուտելիքներէն կար, եւ թռչունները կ'ուտէին զանոնք՝ գլուխիս վրայի սակառէն»: **18** Յովսէփ պատասխանեց. «Ատոր մեկնութիւնը սա՛ է: **19** Երեք սակառը՝ երեք օր է. երեք օր ետք՝ Փարաւոն վրայէդ պիտի վերցնէ գլուխսդ ու քեզ ծառէ մը պիտի կախէ, եւ թռչունները վրայէդ միսդ պիտի ուտեն»:

20 Երրորդ օրը՝ Փարաւոնի ծնունդին օրն էր. ուստի իր բոլոր ծառաներուն խնճոյք սարքեց, եւ իր ծառաներուն մէջ՝ մատոռուակապետին ու հացագործապետին գլուխները բարձրացուց: **21** Մատոռուակապետը վերադարձուց իր պաշտօնին, եւ ան բաժակը Փարաւոնի ափը տուաւ. **22** իսկ հացագործապետը կախել տուաւ, ինչպէս Յովսէփ մեկներ էր անոնց: **23** Սակայն մատոռուակապետը չյիշեց Յովսէփը, այլ մոոցաւ զայն:

ՅՈՎՍԷՓ ԿԸ ՄԵԿՆԷ ՓԱՐԱՒՈՆԻ ԵՐԱԶԸ

41

Լման երկու տարի ետք, Փարաւոն երազին մէջ տեսաւ թէ "գետին եզերքը կայնած էր: **2** Եւ ահա՝ գետէն գեղեցիկ տեսքով ու գէր մարմինով եօթը երինջներ բարձրացան, եւ բարձրագետինին վրայ՝ կ'արածէին: **3** Ահա՝ անոնց ետեւէն՝ գետէն ուրիշ եօթը երինջներ բարձրացան, վատ տեսքով ու նիհար մարմինով, եւ **միւս** երինջներուն քով՝ գետին եզերքը կայնեցան: **4** Վատ տեսքով ու նիհար մարմինով երինջները՝ լափեցին եօթը գեղեցիկ տեսքով եւ գէր երինջները: Յետոյ Փարաւոն արթնցաւ: **5** Ապա քնացաւ, ու երկրորդ անգամ երազին մէջ տեսաւ թէ մէկ ծղօտի վրայ եօթը պարարտ եւ լաւ հասկեր կը բարձրանային: **6** Ահա՝ անոնց ետեւէն եօթը նիհար ու խորշակահար հասկեր կը բուսնէին: **7** Այս նիհար հասկերը կլլեցին եօթը պարարտ եւ լեցուն հասկերը: Փարաւոն արթնցաւ, ու ահա՝ երազ էր: **8** Առոտուն անոր հոգին խոռվեցաւ, եւ կանչել տուաւ Եգիպտոսի բոլոր մոգերն ու անոր բոլոր իմաստունները. Փարաւոն պատմեց անոնց իր երազները, բայց ո՛չ մէկը կար՝ որ զանոնք Փարաւոնի մեկնէր:

9 Այն ատեն մատոռուակապետը Փարաւոնի խօսեցաւ՝ ըսելով. «Այսօր ես իմ

^Գ Եբր.՝ ընծիւղը աճեցաւ

^Դ Կամ՝ վանդակագործ, եւ կամ՝ նաշինի

^Շ Կամ՝ Նեղոսի

^Բ Եբր.՝ կնիւններուն մէջ

ԾՆՈՒՆԴՆԵՐՈՒ ԳԻՐՅԸ

յանցանքներս կը յիշեմ: **10** Փարաւոն զայրացաւ իր ծառաներուն դէմ, եւ զիս բանտարկեց թիկնապահապետին տունը, զիս ու հացագործապետը. **11** Մէկ գիշերուան մէջ՝ եւ ան երազ տեսանք. իւրաքանչիւրս իր երազին նշանակութեան համաձայն՝ երազ տեսանք: **12** Հոն մեզի հետ թիկնապահապետին ստրուկը կար, երիտասարդ երայեցի մը. անոր պատմեցինք, ու ան մեզի մեկնեց մեր երազները. իւրաքանչիւրիս՝ իր երազին համաձայն մեկնեց: **13** Եւ ինչպէս ան մեզի մեկնեց՝ այնպէս եղաւ. **Փարաւոն** զիս իմ պաշտօնիս վերադարձուց, ու զայն կախեց»:

14 Այն ատեն Փարաւոն **մարդ** դրկեց եւ Յովսէփը կանչեց: «Շուտով բանտէն հանեցին» զայն, ածիլուեցաւ, իր հանդերձները փոխեց ու Փարաւոնի եկաւ: **15** Փարաւոն Յովսէփի ըսաւ. «Երազ տեսայ, եւ զայն մեկնո՞ղ մը չկայ. լսեցի թէ կ'ըսեն քու մասիդ, **թէ կրօնա՞ն** երազ մը հասկնալ՝ զայն մեկնելու համար»: **16** Յովսէփ Փարաւոնի պատասխանեց. «Ո՞չ թէ ես, **այլ** Աստուած Փարաւոնի պիտի տայ ննպաստաւոր պատասխան մը»:

17 Փարաւոն Յովսէփի ըսաւ. «Երազիս մէջ տեսայ թէ գետին եզերքը կայնած էի: **18** Եւ ահա՝ գետէն եօթը երինջներ բարձրացան՝ գէր մարմինով ու գեղեցիկ տեսքով, եւ մարգագետինին վրայ կ'արածէին: **19** Ահա՝ անոնց ետեւէն ուրիշ եօթը երինջներ բարձրացան՝ վտիտ, շատ վատ տեսքով ու նիհար մարմինով. անոնց պէս վատ՝ բնա՛տ տեսած չեմ Եգիպտոսի ամբողջ երկրին մէջ: **20** Նիհար եւ վատ երինջները՝ լափեցին առաջին եօթը գէր երինջները: **21** Անոնց փորը մտնելէն ետք՝ չէր գիտցուեր թէ անոնք անոնց փորը մտան. հապա անոնց տեսքը նախկինին պէս վատ էր: Յետոյ արթնցայ: **22** Ու **դարձեալ** երազիս մէջ տեսայ թէ ահա՝ մէկ ծղօտի վրայ եօթը լեցուն եւ լաւ հասկեր կը բարձրանային: **23** Ահա՝ անոնց ետեւէն եօթը չոր, նիհար **ու** խորշակահար հասկեր կը բուսնէին: **24** Նիհար հասկերը կլեցին **այդ** եօթը լաւ հասկերը: Եւ պատմեցի մոգերուն, բայց ո՛չ մէկը կայ՝ որ ինծի բացատրէ»:

25 Յովսէփ Փարաւոնի ըսաւ. «Մէկ է Փարաւոնի երազը. Աստուած իր ընելիքը յայտնեց Փարաւոնի: **26** Եօթը լաւ երինջները՝ եօթը տարի են, ու եօթը լաւ հասկերը՝ եօթը տարի են. երազը մէկ է: **27** Եւ անոնց ետեւէն բարձրացած եօթը նիհար ու վատ երինջները՝ եօթը տարի են, եւ եօթը պարապա **ու** խորշակահար հասկերը՝ եօթը տարուան սով է: **28** Փարաւոնի ըսած խօսքս այս է. Աստուած իր ընելիքը Փարաւոնի ցոյց տուեր է: **29** Ահա՝ Եգիպտոսի ամբողջ երկրին մէջ եօթը տարի մեծ առատութիւն պիտի գայ, **30** իսկ անոնց ետեւէն՝ եօթը տարի սով պիտի գայ. Եգիպտոսի երկրին մէջ՝ ամբողջ առատութիւնը պիտի մոռցուի, եւ սովը պիտի սպառէ երկրիը: **31** Երկրին մէջ առատութիւնը պիտի չգիտցուի՝ այդ յետագայ սովին պատճառով, որովհետեւ յոյժ սաստիկ պիտի ըլլայ: **32** Երազը երկու անգամ Փարաւոնի կրկնուելուն պատճառը սա՛ է, որ այս բանը Աստուծմէ հաստատուեցաւ, ու Աստուած շուտով պիտի իրագործէ զայն: **33** Ուստի հիմա Փարաւոն թող գտնէ խելացի եւ իմաստուն մարդ մը, ու զայն Եգիպտոսի երկրին վրայ դնէ: **34** Փարաւոն **սա՛** թող ընէ. Երկրին վրայ վերատեսուչներ նշանակէ, եւ Եգիպտոսի երկրին **արմտիքներէն՝** առատութեան եօթը տարիներուն մէջ հինգէն մէկը առնէ: **35** Այդ գալիք լաւ տարիներուն ամբողջ պարէնը ժողվեն, Փարաւոնի ծեռքին տակ ցորեն դիզեն ու քաղաքներուն մէջ պարէն պահեն: **36** Եգիպտոսի երկրին մէջ ըլլալիք եօթը տարուան սովին դէմ՝ այս պարէնը երկրին համար թող ամբարուի, որպէսզի երկրիը սովէն չկործանի»:

* **Եբր.**՝ Գուրէն վազցուցին

† **Եբր.**՝ լաւ

‡ **Եբր.**՝ հաստատուի

ՅՈՎԱԷՓ ԿՇԼԼԱՅ ԵԳԻՊՏՈՍԻ ԿԱՌԱՎԱՐԻՉԸ

37 Այս խօսքը Փարաւոնի աչքերուն եւ անոր բոլոր ծառաներուն աչքերուն լաւ երեւցաւ:
38 Փարաւոն իր ծառաներուն ըսաւ. «Կրնա՞նք գտնել ասոր պէս մէկը, որուն մէջ Աստուծոյ Հոգին կայ»: **39** Ու Փարաւոն Յովսէփի ըսաւ. «Որովհետեւ Աստուած այս բոլորը քեզի գիտցուց, քեզի պէս խելացի եւ իմաստուն ո՛չ մէկը կայ»: **40** Իմ տանս վրայ կեցիր, ու ամբողջ ժողովուրդս քու գրամաններուդ թող հնագանդի»: Ես միայն գահով քեզմէ աւելի մեծ ըլլամ»: **41** Եւ Փարաւոն Յովսէփի ըսաւ. «Ահա՝ քեզ Եգիպտոսի ամբողջ երկրին վրայ կարգեցի»: **42** Փարաւոն իր ձեռքէն մատանին հանեց ու Յովսէփի ձեռքը դրաւ. անոր բարակ քթանէ հագուստներ հագցուց եւ անոր վիզը ոսկի մանեակ անցուց: **43** Ապա՝ զայն իր երկրորդ կառքը նատեցուց, ու կը պոռային անոր առցեւէն. «Ծնրադրեցէ՛ք»: Եգիպտոսի ամբողջ երկրին վրայ կարգեց զայն: **44** Եւ Փարաւոն Յովսէփի ըսաւ. «Ե՛ս եմ Փարաւոնը. առանց քեզի՝ ո՛չ մէկը իր ձեռքը կամ իր ոտքը պիտի վերցնէ Եգիպտոսի ամբողջ երկրին մէջ»: **45** Փարաւոն Յովսէփի անունը՝ Հասոմփիթոմփանէ կոչեց, եւ Արեգ քաղաքին՝ Պետափրա քուրմին աղջիկը՝ Ասանէթը անոր տուաւ՝ իբր կին: Յովսէփ դուրս ելաւ՝ Եգիպտոսի երկիրը շրջելու:

46 Յովսէփ Եգիպտոսի Փարաւոն թագաւորին ներկայացած ատենը երեսուն տարեկան էր: Յովսէփ Փարաւոնի առցեւէն դուրս ելաւ, ու Եգիպտոսի ամբողջ երկիրը շրջագայեցաւ:
47 Առատութեան եօթը տարիներուն մէջ՝ երկիրը յոյժ շատ^գ բերք տուաւ: **48** Եգիպտոսի երկրին մէջ եղած եօթը տարիներուն ամբողջ պարէնը ժողվեց, եւ քաղաքներու մէջ դրաւ պարէնը. ամէն քաղաքի շրջակայ արտերուն պարէնը՝ նոյն քաղաքին մէջ դրաւ: **49** Յովսէփ ծովու աւագին չափ յոյժ շատ ցորեն դիզեց. այնպէս որ հաշուելէ հրաժարեցաւ՝ անթիւ ըլլալուն համար:

50 Սովի տարիներուն գալէն առաջ՝ Յովսէփի երկու որդիներ ծնան, որ Արեգ քաղաքին Պետափրա քուրմին աղջիկը՝ Ասանէթ ծնաւ անոր: **51** Յովսէփ անդրանիկին անունը՝ Մանասէ կոչեց, քանի որ ըսաւ. «Աստուած ինձի մոոցնել տուաւ իմ ամբողջ տաժանքս ու հօրս ամբողջ տունը»: **52** Իսկ երկրորդին անունը՝ Եփրեմ կոչեց, որովհետեւ ըսաւ. «Աստուած իմ տառապանքիս երկրին մէջ անցուց զիս»:

53 Եգիպտոսի երկրին մէջ եղած առատութեան եօթը տարիները վերջացան, **54** եւ Յովսէփի ըսածին համաձայն՝ սովի եօթը տարիները սկսան գալ: Բոլոր երկիրներուն մէջ սով եղաւ, բայց Եգիպտոսի ամբողջ երկրին մէջ հաց կար: **55** Երբ Եգիպտոսի ամբողջ երկիրը անօթեցաւ, ժողովուրդը հացի համար Փարաւոնի աղաղակեց: Փարաւոն բոլոր Եգիպտացիներուն ըսաւ. «Յովսէփի՝ գացէք. ի՞նչ որ ձեզի ըսէ՛ ըրէ՛ք»: **56** Երկրի ամբողջ մակերեսին վրայ սով եղաւ. Յովսէփ բացաւ բոլոր շտեմարանները, ու Եգիպտացիներուն հացահատիկ ծախեց: Սովը սաստկացաւ Եգիպտոսի երկրին մէջ, **57** եւ բոլոր երկիրներէն

^գ Երբ.՝ բերանիդ թող նայի

^է Այսինքն՝ երկրին փրկիչը

^թ Երբ.՝ Օ՛՛ քաղաքին

^թ Երբ.՝ բուռերով

^ժ Այսինքն՝ մոոցնող

^ի Այսինքն՝ պտղաբեր

Եգիպտոս կու գային՝ Յովսէփի հացահատիկ գնելու, որովհետեւ ամէն երկրի մէջ սովը սաստկացաւ:

ՅՈՎՍԷՓԻ ԵՂԲԱՅՐՆԵՐԸ Կ'ԵՐԹԱՆ ԵԳԻՊՏՈՒ

42

Երբ Յակոբ տեսաւ թէ Եգիպտոսի մէջ հացահատիկ կար, Յակոբ իր որդիներուն ըսաւ. «Ինչո՞ւ իրարու կը նայիք»: **2** Եւ ըսաւ. «Ահա՝ լսեցի թէ Եգիպտոսի մէջ հացահատիկ կայ. հո՞ն իշէք ու անկէ մեզի համար գնեցէք, որպէսզի ողջ մնանք եւ չմեռնինք»: **3** Յովսէփի տասը եղբայրները իշան՝ Եգիպտոսէն ցորեն գնելու. **4** Բայց Յակոբ Յովսէփի եղբայրը՝ Բենիամինը՝ անոր եղբայրներուն հետ չղրկեց, քանի որ ըսաւ. «Անոր փորձանք մը թող չպատահի»:

5 Իսրայէլի որդիները հոն գացողներուն հետ հացահատիկ գնելու եկան, որովհետեւ Քանանի երկրին մէջ **ալ** սով կար: **6** Յովսէփի **այդ** երկրին կառավարիչն էր, **եւ** ի՞նք երկրին ամբողջ ժողովուրդին հացահատիկ կը ծախէր: Յովսէփի եղբայրները եկան, ու իրենց դէմքը մինչեւ գետին խոնարհեցնելով՝ անոր երկրպագեցին: **7** Երբ Յովսէփի իր եղբայրները տեսաւ՝ զանոնք ճանչցաւ, բայց ինքզինք անոնց օտար ձեւացուց, եւ անոնց հետ խստութեամբ խօսելով՝ իրենց ըսաւ. «Ուրկէ՞ եկաք»: Անոնք ըսին. «Քանանի երկրէն՝ կերակուր գնելու եկան»: **8** Յովսէփի իր եղբայրները ճանչցաւ, բայց անոնք զինք չճանչցան: **9** Յովսէփի անոնց մասին իր տեսած երազները յիշեց, ու անոնց ըսաւ. «Դուք լրտեսնե՛ր էք. երկրին ստկարութիւնը տեսնելու եկած էք»: **10** Ըսին անոր. «Ո՛չ, իմ տէ՛րս. հապա քու ծառաներդ կերակուր գնելու եկան: **11** Մենք բոլորս մէ՛կ մարդու որդիներ ենք: Մենք ուղիղ մարդիկ ենք. ծառաներդ լրտեսներ չեն»: **12** Իսկ ինք անոնց ըսաւ. «Ո՛չ, հապա երկրին ստկարութիւնը տեսնելու եկած էք»: **13** Անոնք ըսին. «Մենք՝ քու ծառաներդ, Քանանի երկրին մէկ մարդու որդիներն ըլլալով՝ տասներկու եղբայր էինք: Ահա՝ ամենէց պզտիկը այսօր մեր հօր քով է, իսկ միւսը չկայ»: **14** Յովսէփի անոնց ըսաւ. «Այդ է որ ձեզի խօսելով՝ ըսի թէ “դուք լրտեսնե՛ր էք”: **15** Սա՛պէս պիտի փորձարկուիք: Փարաւոնի կեանքին համար՝ դուք ասկէ պիտի չելլէք, եթէ ձեր պզտիկ եղբայրը հոս չգայ: **16** Զեզմէ մէկը դրկեցէք՝ ձեր եղբայրը բերելու. իսկ դուք պիտի բանտարկուիք, որպէսզի ձեր խօսքերը փորձարկուին, թէ արդեօք ձեր մէջ ճշմարտութիւն կա՛յ. թէ ոչ՝ Փարաւոնի կեանքին համար՝ դուք լրտեսնե՛ր էք»: **17** Ու երեք օր զանոնք միասին բանտարկեց:

18 Երրորդ օրը՝ Յովսէփի անոնց ըսաւ. «Սա՛ ըրէք՝ որպէսզի ողջ մնաք, որովհետեւ ես Աստուծմէ կը վախնամ: **19** Եթէ դուք ուղիղ մարդիկ էք, ձեր եղբայրներէն մէկը թող կապուի ձեր բանտարկուած տան մէջ. իսկ դուք գացէք, ձեր տան անօթութեան համար հացահատիկ տարէք: **20** Բայց ձեր պզտիկ եղբայրը ինծի՛ բերէք, որպէսզի ձեր խօսքերը հաստատուին, ու չմեռնիք»: Եւ այդպէս ըրին: **21** Իրարու ըսին. «Անկասկած մեր եղբօր հանդէա յանցաւոր ենք. որովհետեւ մենք տեսանք անոր անձին տագնապը՝ երբ ինք մեզի աղաչեց, բայց մտիկ չըրինք. ատո՛ր համար այս տագնապը մեր վրայ եկաւ:» **22** Ուուրէն անոնց պատասխանեց. «Ես ձեզի խօսելով՝ չըսի՞՝ “Զաւակին դէմ մի՛ մեղանչէք”: Բայց դուք մտիկ չըրիք, եւ ահա՝ անոր արիւնն ալ մեզմէ կը պահանջուիք»: **23** Անոնք չէին գիտեր թէ Յովսէփի կը հասկնար, որովհետեւ թարգմանով կը խօսէր իրենց հետ: **24** Ինք անոնցմէ մենկուսացաւ ու լացաւ: Ապա անոնց վերադարձաւ, խօսեցաւ անոնց հետ, եւ

^ա Երբ.՝ մերկութիւնը

^բ Երբ.՝ պահպանուած

^գ Երբ.՝ դարձաւ

իրենցմէ Շմատոնը առնելով՝ իրենց աչքերուն առջեւ կապեց զայն:

25 Յետոյ Յովսէփի պատուիրեց որ անոնց տոպրակները ցորենով լեցնեն, իւրաքանչիւրին դրամը իր քուրծին մէջ վերադարձնեն, ու անոնց ճամբայի պաշար տան:

26 Այսպէս ըրաւ անոնց: Անոնք ալ իրենց էշերուն վրայ բեղցուցին իրենց հացահատիկը, եւ անկէ գացին: **27** Անոնցմէ մէկը՝ իշեւանին մէջ իր իշուն ճարակ տալու համար իր քուրծը բացած ատեն՝ իր դրամը տեսաւ, որ ահա՛ իր պարկին բերանն էր: **28** Իր եղբայրներուն ըսաւ. «Իմ դրամս վերադառնած է, ու ահա՛ հոս՝ պարկիս մէջ է»: Անոնց սիրտերը նուաղեցան, եւ դողալով իրարու ըսին. «Ի՞նչ է այս, որ Աստուած մեզի ըրաւ»:

ՅՈՎՍԷՓԻ ԵՂԲԱՅՐՆԵՐԸ ԿԸ ՎԵՐԱԴԱՌՆԱՆ ՔԱՆԱ

29 Երբ Քանանի երկիրը հասան, իրենց հօր՝ Յակոբի **քով**, իրենց բոլոր պատահածները անոր պատմեցին՝ ըսելով. **30** «Այդ երկրին տէրը եղող մարդը՝ խստութեամբ խօսեցաւ մեզի, ու մեզ երկիրը լրտեսողներու տեղ դրաւ: **31** Անոր ըսինք. “Մենք ուղիղ **մարդիկ** ենք, լրտեսներ չենք: **32** Մենք՝ մեր հօր որդիները՝ տասներկու եղբայր ենք. մէկը չկայ, իսկ **ամենէն** պատիկը՝ Քանանի երկրին մէջ մեր հօր քով է այսօք□: **33** Այդ երկրին տէրը եղող մարդը մեզի ըսաւ. “Չեր ուղիղ **մարդիկ** ըլլալը սա՛պէս պիտի գիտնամ. ձեր եղբայրներէն մէկը իմ քովս ծգեցէք, ձեր ընտանիքին անօթութեան համար **պաշա՛ր** առէք եւ գացէք, **34** ու ձեր պատիկ եղբայրը ինծի՛ բերէք, որպէսզի գիտնամ թէ դուք լրտեսներ չէք, հապա ուղիղ **մարդիկ** էք. **այսպէս** ձեր եղբայրը ծեզի կը յանձնեմ, եւ այս երկրին մէջ առուտուր կ'ընէք□»: **35** Մինչ իրենց քուրծերը կը պարպէին, ահա՛ իւրաքանչիւրին դրամին ծրարը իր քուրծին մէջ էր: Երբ իրենք ու իրենց հայրն ալ դրամին ծրարները տեսան՝ վախցան: **36** Իրենց հայրը՝ Յակոբ անոնց ըսաւ. «Զիս **զաւակներէ** զրկեցիք: Յովսէփի չկայ, Շմատոն չկայ, Բենիամինն ալ պիտի առնէք: Այս բոլորը ինծի՛ հանդիպեցան»: **37** Ուուբէն իր հօր խօսեցաւ՝ ըսելով. «Եթէ ես զինք քեզի չբերեմ, իմ երկու որդիներս մեղոց’ր: Զինք ձե՛ռքս յանձնէ, ու ես քեզի պիտի վերադառնեմ զինք»: **38** Բայց **Յակոբ** ըսաւ. «Իմ որդիս ծեզի հետ պիտի չիշնէ, որովհետեւ անոր եղբայրը մեռած է եւ ան մինակ մնացած է: Եթէ ձեր գացած ճամբային մէջ անոր փորձանք մը պատահի, ճերմակ մազերս տրտմութեամբ ողժոխք պիտի իշեցնէք»:

ԲԵՆԻԱՄԻՆ ԿԸ ՏԱՐՈՒԻ ԵԳԻՊՏՈՒ

43

Սովը սաստկացաւ երկրին մէջ, **2** ու երբ Եգիպտոսէն իրենց բերած հացահատիկը կերան եւ հատցուցին, իրենց հայրը անոնց ըսաւ. «Վերադառնէք՝ **ու** մեզի քիչ մը կերակո՞ւր գնեցէք»: **3** Յուղա անոր պատասխանեց. «Այդ մարդը մեզ յստա՛կօրէն ազդարարեց՝ ըսելով. “Եթէ ձեր եղբայրը ծեզի հետ չըլլայ, իմ երեսս պիտի չտեսնէք□: **4** Եթէ մեր եղբայրը մեզի հետ դրկես, կ'իշնենք ու քեզի կերակուր կը գնենք: **5** Բայց եթէ չղրկես՝ չենք իշներ, որովհետեւ **այդ** մարդը մեզի ըսաւ. “Եթէ ձեր եղբայրը ծեզի հետ չըլլայ, իմ երեսս պիտի չտեսնէք□»: **6** Իսրայէլ ըսաւ. «Ինչո՞ւ չարիք ըրիք ինծի՛ **այդ** մարդուն իմացնելով թէ եղբայր մըն ալ ունիք»: **7** Անոնք պատասխանեցին. «Այդ մարդը ուղղակի հարցուց մեր մասին ու մեր ազգականներուն մասին՝ ըսելով. “Չեր հայրը տակաւին ո՞ղջ է, **ուրիշ** եղբայր ունիք□: Մենք ալ այս խօսքերուն համաձայն պատմեցինք անոր. արդեօք մենք կրնայի՞նք գիտնալ թէ ան պիտի ըսէ. “Չեր եղբայրը իշեցուցէք□»: **8**

* **Այսիհքը**՝ մեռած անձերու կայանը

Յուղա իր հօր՝ հսրայէլի ըսաւ. «Պատանին ինծի՝ հետ դրկէ, կանգնինք ու երթանք՝ որպէսզի ողջ մնանք եւ չմեռնինք, մենք ալ, դուն ալ, մեր մանուկներն ալ: **9** Ես երաշխատոր կ'ըլլամ անոր համար: Զինք իմ ձեռքէս պահանջէ. եթէ զինք քեզի չբերեմ ու քու առջեւդ չներկայացնեմ, **կեանքիս** բոլոր օրերը քեզի հանդէայ յանցաւոր ըլլամ: **10** Արդարեւ եթէ չտնտնայինք, իրապէս հիմա երկրորդ անգամ վերադարձած կ'ըլլայինք»: **11** Իրենց հայրը՝ հսրայէլ անոնց ըսաւ. «Եթէ այդպէս է, հիմա սա՛ ըրէք: Զեր անօթներուն մէջ՝ երկրիս ամենէն լաւ պտուղներէն առէք եւ մարդուն ընծայ՝ տարէք, քիչ մը բալասան ու քիչ մը մեղր, համեմներ եւ զմուռս, պիստակ ու նուշ: **12** Զեր ձեռքը կրկնապատիկ դրամ առէք, եւ ձեր պարկերուն բերանը եղած դրամն ալ՝ որ վերադուեցաւ՝ ձեր ձեռքով վերադուեցէք. թերեւս սխալ եղած էր: **13** Զեր եղբայրն ալ առէք, կանգնեցէք եւ այդ մարդուն վերադարձէք: **14** Եւ Ամենակարող Աստուածը ձեզի գթութիւն գտնել տայ այդ մարդուն առջեւ, որպէսզի ձեր միւս եղբայրն ու Բենիամինը ձեզի **հետ** ուղարկէ: Իսկ եթէ **զաւակներէ** զրկուիմ, թող զրկուիմ»:

15 Ուստի մարդիկը առին այդ ընծաները, եւ իրենց ձեռքը կրկնապատիկ դրամ առին, նաեւ Բենիամինը, ու կանգնեցան, եգիպտոս իջան, եւ Յովսէփի ներկայացան: **16** Երբ Յովսէփի Բենիամինը տեսաւ անոնց հետ, իր տան վերակացուին ըսաւ. «Տո՛ւն տար այս մարդիկը, ու ^բգէր անասուններ՝ մորթէ՛ եւ պատրաստէ՛. որովհետեւ այս մարդիկը կէսօրին ինծի հետ պիտի ճաշեն»: **17** **Այդ** մարդը Յովսէփի հրամայածին համաձայն ըրաւ, ու մարդիկը Յովսէփի տունը տարաւ: **18** Մարդիկը վախցան՝ քանի որ Յովսէփի տունը տարուեցան, եւ ըսին. «Առաջին անգամ մեր պարկերուն մէջ վերադարձած դրամին համար է որ կը տարուինք, որպէսզի մեր վրայ յարձակի, մեր վրայ իյնայ ու մեզ իբր ստրուկ առնէ, նաեւ մեր էշերը»: **19** Ուստի Յովսէփի տան վերակացուն եղող մարդուն մօսեցան, տան մուտքը խօսեցան անոր **20** եւ ըսին. «Ո՞հ, տէ՛ր, ասկէ առաջ կերակուր գնելու իջանք: **21** Երբ իջեւանը հասանք, մեր պարկերը բացինք, ու ահա իւրաքանչիւրիս դրամը իր պարկին բերանն էր, մեր դրամը՝ լման կշիռով, եւ զայն մեր ձեռքով վերադուեցինք: **22** Մեր ձեռքին մէջ ուրիշ դրամ ալ ^բբերինք՝ կերակուր գնելու համար: Զենք գիտեր թէ ո՞վ դրաւ մեր դրամը մեր պարկերուն մէջ»: **23** Ան ալ ըսաւ. «Խաղաղութիւն ձեզի, մի՛ վախնաք: Զեր Աստուածը եւ ձեր հօր Աստուածը ձեզի պահուած գանձ տուաւ ձեր պարկերուն մէջ. ^բԵ՞ս առի ձեր դրամը»: Ու Շմաւոնը դուրս հանեց անոնց:

24 **Այդ** մարդը Յովսէփի տունը տարաւ մարդիկը, ջուր տուաւ **անոնց** ու իրենց ոտքերը լուացին, եւ անոնց էշերուն ճարակ տուաւ: **25** Անոնք ալ ընծաները պատրաստեցին՝ մինչեւ Յովսէփի գալուստը կէսօրին, քանի որ լսեցին թէ իրենք հոն հաց պիտի ուտեն: **26** Երբ Յովսէփի տուն եկաւ, իրենց ձեռքը եղած ընծաները անոր մատուցանեցին՝ տան մէջ, ու մինչեւ գետին **խոճարհելով**՝ անոր երկրպագեցին: **27** **Յովսէփի** անոնց ^բորպիսութիւնը հարցուց՝ ըսելով. «Զեր ծեր հայրը, որուն մասին խօսեցաք **ինծի**, լա՞ւ է, տակաւին ո՞ղք

^ա **Եբր.**՝ իշեցուցէք

^բ **Եբր.**՝ մորթելիք

^բ **Եբր.**՝ գլորի

^բ **Եբր.**՝ իշեցուցինք

^բ **Եբր.**՝ ծեր դրամը ինծի եկաւ

^բ **Եբր.**՝ խաղաղութիւնը

Է»: **28** Անոնք ալ պատասխանեցին. «Քու ծառադ՝ մեր հայրը լաւ է, տակաւին ողջ է», եւ խոնարհեցան ու երկրպագեցին: **29 Յովսէփի** իր աչքերը վերցուց եւ իր մօր որդիին, իր եղբայրը՝ Բենիամինը տեսաւ, ու ըսաւ. «Ա՞յս է ձեր պատիկ եղբայրը, որուն մասին ինձի խօսեցաք»: Եւ **Բենիամինի** ըսաւ. «Աստուած ողորմի՛ քեզի, որդեակս»: **30 Յովսէփի** շտապեց, քանի որ իր ընդերքը բոնկեցաւ եղբօր հանդէպ, ու լալու **տեղ** կը փնտոէր. ներքին սենեակը մտաւ եւ հոն լացաւ: **31** Ապա իր երեսը լուաց, դուրս ելաւ, ինքզինք զսպեց եւ ըսաւ. «Հա՛ց դրէք»: **32** Իրեն՝ զատ, անոնց՝ զատ, ու իրեն հետ ուտող Եգիպտացիներուն՝ զատ դրին. քանի Եգիպտացիները Երայեցիներուն հետ չէին կրնար հաց ուտել, որովհետեւ Եգիպտացիներուն գարշելի էր: **33** Անոր առջեւ նստան, անդրանիկը՝ իր անդրանկութեան իրաւունքին համեմատ, իսկ կրտսերը՝ իր կրտսերութեան համեմատ. Եւ մարդիկը իրարու Յայելով կը զարմանային: **34 Յովսէփի** իր առջեւէն բաժիններ էղրկեց անոնց, բայց Բենիամինի բաժինը՝ միւսներուն բաժինին հինգ անգամն էր. ու խմեցին եւ անոր հետ զուարթացան:

ԿՈՐՍՈՒԱԾ ՍԿԱԶԱԿԸ

44

Յովսէփի իր տան վերակացուին պատուիրեց. «Այս մարդոց պարկերը կերակուրով լեցուր, այնչափ որ կրնան կրել, ու իւրաքանչիւրին դրամը իր պարկին բերանը դիր: **2 Եւ ամենէն** պատիկին պարկին բերանը՝ իմ սկահակս, արծաթէ սկահակը, ու իր հացահատիկին դրամը դիր»: Ան ալ Յովսէփի ըսած խօսքին համաձայն ըրաւ:

3 Երբ առտուն լուսցաւ՝ անմիջապէս մարդիկը դրկուեցան, իրենք եւ իրենց էշերը: **4** Անոնք քաղաքէն ելլելով դեռ հեռացած չէին՝ երբ Յովսէփի իր տան վերակացուին ըսաւ. «Կանգնէ՛, հետապնդէ՛ այդ մարդիկը, հասի՛ր անոնց եւ ըսէ՛ իրենց “Ինչո՞ւ բարիքի փոխարէն չարիք հատուցանեցիք: **5** Այս այն **սկահակը** չէ՞՝ որուն մէջէն իմ տէրս կը խմէ ու անով կը հմայէ. այսպէս ընելով՝ չարիք ըրիք[□]»: **6 Վերակացուն** անոնց հասաւ, եւ իրենց ըսաւ այդ նոյն խօսքերը: **7** Անոնք իրեն ըսին. «Ինչո՞ւ իմ տէրս այսպիսի խօսքեր կ'ըսէ. հեռո՛ւ մեզմէ, որ քու ծառաներդ այսպիսի բան մը ընեն: **8 Ահա՛** մեր պարկերուն բերանը գտած մեր դրամը՝ Թանանի երկրէն քեզի վերադարձուցինք. ուրեմն ի՞նչպէս տիրոջդ տունէն արծաթ կամ ոսկի պիտի գողնանք: **9** Քու ծառաներէդ որո՛ն քով որ գտնուի, անիկա՛ թող մեռնի, ու մենք ալ իմ տիրոջս ստրուկներ ըլլանք»: **10** Ան ալ ըսաւ. «Հիմա ճիշդ ձեր ըսածին համաձայն թող ըլլայ. որո՛ն քով որ գտնուի՛ անիկա՛ իմ ծառաս պիտի ըլլայ, եւ դուք անպարտ պիտի ըլլաք»: **11** Ուստի իւրաքանչիւրը արտորալով իր պարկը գետին իջեցուց, իւրաքանչիւրը իր պարկը բացաւ, **12** ան ալ խուզարկեց՝ մեծէն սկսելով մինչեւ պատիկը. եւ սկահակը Բենիամինի պարկին մէջ գտնուեցաւ:

13 Այն ատեն իրենց հանդերձները պատռեցին, իւրաքանչիւրը իր էշը բեռցուց, եւ քաղաքը վերադարձան: **14 Յուդա** ու անոր եղբայրները Յովսէփի տունը եկան. ան ալ տակաւին հոն էր, եւ անոր առջեւ գետին ինկան: **15 Յովսէփի** անոնց ըսաւ. «Այս ի՞նչ գործ է՛ որ կատարեցիք. չէ՞ք գիտեր թէ ինծի պէս մարդ մը անշուշտ կը հմայէ»: **16 Յուդա** պատասխանեց. «Իմ տիրոջս ի՞նչ ըսենք, ի՞նչ խօսինք, կամ ի՞նչպէս մենք արդարացնենք: Աստուած քու ծառաներուդ անօրէնութիւնը գտաւ: Ահա՛ մենք մեր տիրոջ ծառաներ ենք, մենք ալ, ա՞ն ալ՝ որուն քով սկահակը գտնուեցաւ»: **17** Ան ալ ըսաւ. «Հեռո՛ւ ինձմէ, որ այդպէս ընեմ. **հապա** այն մարդը, որուն քով սկահակը գտնուեցաւ, **միայն**

^է **Երբ.**՝ կրել տուաւ

^բ **Երբ.**՝ գինովցան

անհիկա՝ ինձի ծառայ պիտի ըլլայ, իսկ դուք խաղաղութեամբ ձեր հօր քով բարձրացէք»։

ՅՈՒԴԱԿԱՂԱՔ ԲԵՆԻԱՄԻՆԻ ՀԱՍՏՐ

18 Այն ատեն Յուդա անոր մօտեցաւ եւ ըսաւ. «Ո՞հ, իմ տէ՛րս, կ'աղերսե՛մ, քու ծառադրող խօսք մը ըսէ տիրոջս ականջներուն, ու ծառայիդ դէմ քու բարկութիւնդ չքորբոքի. որովհետեւ դուն Փարաւոնի պէս ես։ **19** Իմ տէ՛րս իր ծառաներուն հարցուց. «Հայր կամ եղբայր ունի՞ք»։ **20** Եւ մենք ըսինք մեր տիրոջ թէ «ձեր հայր մը ունինք, եւ թէ **ան իր** ծերութեան **ատեն ծնած** զաւակ մը **ունի**, **տակաւին** պատիկ. անոր եղբայրը մեռած է, ու միայն անհիկա՝ իր մօրմէն մնացած է, եւ անոր հայրը կը սիրէ զայս»։ **21** Քու ծառաներուտ ըսիր. «Ինձի՝ իշեցուցէք զայս՝ որ տեսմեն»։ **22** Իմ տիրոջս ըսինք. «Պատանին իր հայրը չի կրնար թողով. քանի որ եթէ իր հայրը թողու, ան պիտի մեռնի»։ **23** Քու ծառաներուտ ըսիր. «Եթէ ձեր պատիկ եղբայրը ձեզի հետ չիջնէ, իմ երեսս անգա՞մ մըն ալ պիտի չտեսնէք»։ **24** Ու երբ քու ծառայիդ՝ իմ հօրս քով բարձրացանք, տիրոջս խօսքերը հաղորդեցինք անոր։ **25** Երբ մեր հայրը կրկին ըսաւ. «Վերադարձէ՛ք **եւ** մեզի քիչ մը կերակո՞ւր գնեցէք»։ **26** Մենք ըսինք. «Չենք կրնար իշնել։ Եթէ մեր պատիկ եղբայրը մեզի հետ ըլլայ, այն ատեն կ'իջնենք. որովհետեւ պիտի չկարենանք տեսնել այն մարդուն երեսը՝ եթէ մեր պատիկ եղբայրը մեզի հետ չըլլայ»։ **27** Քու ծառադ՝ իմ հայրս՝ մեզի ըսաւ. «Դուք գիտէ՛ք թէ կինս երկու **որդի** ծնաւ ինձի, **28** ու մէկը քովէս ելաւ։ Ես ըսի. «Անտարակոյս գազանէ մը բգըտուած է», եւ մինչեւ հիմա զինք չտեսայ։ **29** Եթէ ասիկա՝ ալ քովէս առնէք ու անոր փորձանք մը պատահի, իմ ճերմակ մազերս չարիքով բդժոխք պիտի իշեցնէք»։ **30** Ուստի հիմա, երբ քու ծառայիդ՝ իմ հօրս երթամ, ու պատանին մեզի հետ չըլլայ, անոր անձը՝ պատանիին անձին հետ կապուած ըլլալով, **31** Երբ տեսնէ թէ պատանին **մեզի հետ չէ**՝ պիտի մեռնի, եւ ծառաներդ քու ծառայիդ՝ մեր հօր ճերմակ մազերը տրտմութեամբ դժոխք պիտի իշեցնենք։ **32** Որովհետեւ ծառադ՝ իմ հօրս երաշխաւոր եղաւ պատանիին համար՝ ըսելով. «Եթէ ես զայն քեզի չքերեմ, իմ հօրս հանդէա կեանքիս բոլոր օրերը յանցաւոր ըլլամ»։ **33** Ուստի հիմա կ'աղերսե՛մ, պատանիին տեղը ծառադ՝ իմ տիրոջս ստրուկ թող մնայ, իսկ պատանին իր եղբայրներուն հետ թող բարձրանայ։ **34** Արդարեւ եթէ պատանին ինձի հետ չըլլայ, ի՞նչպէս պիտի բարձրանամ իմ հօրս քով. հօրս գալիք չարիքը չտեսնեմ»։

ՅՈՎԱԷՓ ԻՆՔԶԻՆՉ ԿԸ ՅԱՅՏՆԵ

45

Յովսէփի չկրցաւ ինքզինք զսպել բոլոր իր քով կայնողներուն առջեւ, ու պոռաց. «Քովէս դուրս հանեցէք բոլոր մարդիկը»։ Երբ Յովսէփի ինքզինք իր եղբայրներուն ճանչցուց, քովը ո՛չ մէկը կեցած էր։ **2** Չայնք բարձրացնելով լացաւ. Եգիպտացիները լսեցին, ու Փարաւոնի տունն ալ լսեց։ **3** Յովսէփի իր եղբայրներուն ըսաւ. «Ես Յովսէփին եմ. իմ հայրս տակաւին ո՞ղջ է»։ Եղբայրները չէին կրնար անոր պատասխանել, որովհետեւ անոր առջեւ շփոթած էին։ **4** Յովսէփի իր եղբայրներուն ըսաւ. «Կ'աղերսե՛մ, մօտեցէ՛ք ինձի»։ Անոնք ալ մօտեցան, եւ ըսաւ. «Ես ձեր եղբայրը՝ Յովսէփին եմ, որ Եգիպտոս տարուելու ծախեցիք»։ **5** Ուստի հիմա մի՛ վշտանաք ու դուք ձեզի դէմ մի՛ բորբոքիք՝ որ զիս հոս ծախեցիք, որովհետեւ Աստուած դրկեց զիս ձեր առջեւէն՝ **ձեզ** ողջ պահելու համար. **6** արդարեւ

^ա **Երբ.**՝ աչքերս անոր վրայ դնեմ

^բ **Այսինքն**՝ մեռած անձերու կայանը

ԾՆՈՒՆԴՆԵՐՈՒ ԳԻՐՅԸ

ասիկա սովին երկրորդ տարին է երկրի վրայ, եւ տակաւին հինգ տարի կայ՝ որ ո՞չ վարուցան պիտի ըլլայ, ո՞չ ալ հունձք: **7** Աստուած զիս ձեր առջեւէն ղրկեց, որպէսզի երկրի վրայ ձեզի պահեստ դնէ ու մեծ ազատումով ձեզ ողջ պահէ: **8** Ուրեմն հիմա զիս հոս ղրկողը դո՛ք չէք, հապա Աստուած է. ան զիս Փարաւոնի հայր նշանակեց, իր ամբողջ տան՝ տէր, ու Եգիպտոսի ամբողջ երկրին՝ կառավարիչ: **9** Շտապելով բարձրացէք իմ հօրս քով, եւ ըսէ՛ք անոր. “Սա՛ կ'ըսէ քու Յովսէփի որդիիդ. “Աստուած ամբողջ Եգիպտոսի տէր ըրաւ զիս: Մի՛ ուշանար, իշի՛ իմ քովս: **10** Գեսէմի երկրին մէջ պիտի բնակիս ու իմ մօսս պիտի ըլլաս, դուն, քու որդիներուդ եւ որդիներուդ որդիները, ոչխարներդ ու արցաներդ, եւ ամբողջ ունեցածդ: **11** Հոն քեզ պիտի կերակրեմ, որովհետեւ տակաւին հինգ տարի սով կայ. որպէսզի դուն, քու ընտանիքդ ու ամբողջ ունեցածդ չթշուառանաք¹: **12** Ահա՛ ձեր աչքերը, եւ իմ եղբօրս՝ Բենիամինի աչքերը կը տեսնեն թէ ձեզի խօսողը իմ բերանս է: **13** Եգիպտոսի մէջ իմ ունեցած ամբողջ փառքս, ու ձեր ամբողջ տեսածը պատմեցէք իմ հօրս, եւ շտապելով հայրս հոս իշեցուցէք»: **14** Ու իր եղբօր՝ Բենիամինի վիզին վրայ ինկաւ եւ լացաւ: Բենիամինն ալ անոր վիզին վրայ լացաւ: **15** Իր բոլոր եղբայրները համբուրեց ու անոնց վրայ լացաւ. եւ անկէ ետք՝ իր եղբայրները խօսեցան իրեն հետ:

16 Այս լուրը Փարաւոնի տան մէջ լսուեցաւ, թէ Յովսէփի եղբայրները եկած են. ու Փարաւոնի եւ անոր ծառաներուն ^ահաճելի եղաւ: **17** Փարաւոն Յովսէփի ըսաւ. «Քու եղբայրներուդ ըսէ՛: “Սա՛ ըրէք. ձեր անասունները բեռցուցէ՛ք ու գացէ՛ք, քանամի երկիրը մտէ՛ք, **18** ձեր հայրն ու ընտանիքները առէ՛ք եւ ինծի՛ եկէք. Եգիպտոսի երկրին բարիքը ձեզի պիտի տամ, ու երկրին ^բպարարտութենէն պիտի ուտէք²: **19** Քեզի պատուիրուեցաւ որ անոնց ըսես. “Սա՛ ըրէք: Զեր մանուկներուն եւ կիներուն համար՝ Եգիպտոսի երկրէն սայլե՛ր առէք ձեզի, ձեր հայրը փոխադրեցէ՛ք ու եկէ՛ք: **20** Զեր առարկաներուն ^սմի՛ նայիք”, որովհետեւ ամբողջ Եգիպտոսի երկրին բարիքը ձե՛րն է³»:

21 Իսրայէլի որդիները ա՛յդպէս ըրին: Յովսէփի անոնց սայլեր տուալ՝ Փարաւոնի հրամանին համաձայն, եւ ճամբորդութեան համար անոնց պաշար տուալ: **22** Անոնցմէ իւրաքանչիւրին՝ զատ-զատ փոխելիք հանդերձներ տուալ, բայց Բենիամինի՝ երեք հարիւր կտոր արծաթ ու հինգ փոխելիք հանդերձ տուալ: **23** Իսկ իր հօր հետեւեալը ղրկեց.՝ տասը էշ՝ Եգիպտոսի բարիքներով բեռցուած, ու տասը մատակ էշ՝ ցորենով, հացով եւ ուտելիքներով բեռցուած, իր հօր ճամբորդութեան համար: **24** Ա՛յսպէս ուղարկեց իր եղբայրները, ու գացին. եւ անոնց ըսաւ. «Ճամբան մի՛ կոռուիք»:

25 Անոնք Եգիպտոսէն բարձրացան ու դէպի քանամի երկիրը, իրենց հօր՝ Յակոբի գացին **26** եւ անոր պատմեցին՝ ըսելով. «Յովսէփի տակաւին ողջ է, ու Եգիպտոսի ամբողջ երկրին կառավարիչը անիկա՛ է»: **Յակոբի** սիրտը նուաղեցաւ, քանի որ անոնց շհաւատաց: **27** Անոր հաղորդեցին Յովսէփի բոլոր խօսքերը՝ որ իրենց ըսեր էր: Երբ տեսաւ Յովսէփի ղրկած սայլերը՝ զինք փոխադրելու համար, անոնց հօր՝ Յակոբի հոգին վերապրեցաւ: **28** Եւ Իսրայէլ ըսաւ. «Բաւակա՛ն է. իմ որդիս՝ Յովսէփի տակաւին ողջ է: Երթա՛մ ու տեսնե՛մ զայն՝ մեռնելէս առաջ»:

ՅԱԿՈԲ ԸՆՏԱՆԻՉՈՎ ԿԵՐՊԱՅ ԵԳԻՊՏՈՍ

^ա **Երր.**՝ աչքերուն լաւ

^բ **Երր.**՝ ճարպը

^գ **Երր.**՝ ձեր աչքերը թող չխնայեն

46

Իսրայէլ իր ամբողջ ունեցածով մեկնեցաւ, Բերսաբէ հասաւ, եւ իր հօր՝ հսահակի Աստուծոյն զոհեր մատուցանեց: **2** Աստուած գիշերը՝ տեսիլքի մէջ Իսրայէլի երեւցաւ ու ըսաւ. «**Յակո՞ր, Յակո՞ր»: **3** Ան ալ ըսաւ. «Ահա՝ հոս եմ»: **Անոր** ըսաւ. «Ես Աստուած եմ, քու հօրդ Աստուածը: Եգիպտոս իշնելու մի՛ վախնար, որովհետեւ հոն մեծ ազգ մը պիտի ընեմ քեզ: **4** Ե՛ս քեզի հետ Եգիպտոս պիտի իշնեմ, նաեւ Ե՛ս քեզ **անշուշտ** պիտի հանեմ, ու Յովսէ՛փ քու աչքերուդ վրայ պիտի դնէ իր ձեռքը»: **5** Յակոր Բերսաբէկն սմեկնեցաւ. Իսրայէլի որդիները փոխադրեցին իրենց հայրը՝ Յակոր, իրենց մանուկներն ու կիները այն սայլերով՝ որ Փարաւոն դրկեց զայն փոխադրելու համար: **6** Առին իրենց խաշինքը եւ ինչքը, որ վաստկած էին Թանանի երկրին մէջ, ու Եգիպտոս եկան՝ Յակոր եւ իր ամբողջ զարմը իրեն հետ. **7** իր որդիներն ու որդիներուն որդիները իրեն հետ, իր աղջիկներն ու որդիներուն աղջիկները, եւ իր ամբողջ զարմը իրեն հետ Եգիպտոս բերաւ:**

8 Ահա՛ւասիկ անունները Իսրայէլի որդիներուն՝ որ Եգիպտոս եկան, Յակոր եւ իր որդիները: Յակորի անդրանիկը՝ Ռուբէն, **9** ու Ռուբէնի որդիները՝ Ենովք, Փաղուս, Եսրոն եւ Քարմի: **10** Շմաւոնի որդիները՝ Յամուէլ, Յամին, Ոհադ, Յաքին ու Սահառ, եւ քանանացի Կնոշ որդին՝ Սաւուդ: **11** Ղեկի որդիները՝ Գերսոն, Կահաթ ու Մերարի: **12** Յուդայի որդիները՝ Էր, Օնան, Սելոմ, Փարէս եւ Զարա. բայց Էր ու Օնան Թանանի երկրին մէջ մեռան: Փարէսի որդիները՝ Եսրոն եւ Համուկ: **13** Իսաքարի որդիները՝ Թովդա, Փուա, Քոր ու Սամրոն: **14** Զաքուղոնի որդիները՝ Սարեդ, Ելոն եւ Յաղէլ: **15** Ասոնք Լիայի որդիներն են, որ Միջագետքի մէջ ծնաւ Յակորի, ու անոր աղջիկը՝ Դինան: Անոր բոլոր որդիները եւ աղջիկները՝ Երեսուներեք անձ էին: **16** Գաղի որդիները՝ Սափոն ու Անգի, Սունի եւ Եսրոն, Էրի, Արոդի ու Արելի: **17** Ասերի որդիները՝ Յեմնա, Յեսուա, Յեսուի, Բարիա, եւ անոնց քոյրը՝ Սարա. Բարիայի որդիները՝ Քաբեր ու Մեղքիէլ: **18** Ասոնք Զեղփայի որդիներն են՝ որ Լաբան իր Լիա աղջիկին տուաւ, ու ան ծնաւ ասոնք Յակորի՝ տասնմկեց անձ: **19** Յակորի Կնոշ՝ Ռաքէլի որդիները՝ Յովսէփի եւ Բենիամին: **20** Եգիպտոսի երկրին մէջ՝ Մանասէ ու Եփրեմ ծնան Յովսէփի, որ Արեգ քաղաքի քուրմին՝ Պետափրայի աղջիկը՝ Ասանէթ ծնաւ անոր: **21** Բենիամինի որդիները՝ Բաղա, Բոքոր եւ Ասրէլ, Գերա ու Նէեման, Էհի եւ Ռովս, Մուվիիմ, Ոփիմ ու Արեդ: **22** Ասոնք Ռաքէլի որդիներն են՝ որ ծնան Յակորի, բոլորը՝ տասնչորս անձ: **23** Դանի որդին՝ Հուսիմ: **24** Նեփրաղիմի որդիները՝ Յասիէլ, Գունի, Յասեր եւ Սիլլեմ: **25** Ասոնք Բաղուայի որդիներն են՝ որ Լաբան իր Ռաքէլ աղջիկին տուաւ, ու ան ծնաւ ասոնք Յակորի. բոլորը եօթը անձ էին: **26** Յակորի հետ Եգիպտոս եկող բոլոր անձերը, որ անոր երանքէն ելած էին, Յակորի որդիներուն կիներէն զատ՝ բոլորը վաթսունվեց անձ էին: **27** Եւ Յովսէփի որդիները՝ որ Եգիպտոսի մէջ անոր ծնան, երկու անձ էին: Եգիպտոս գացող Յակորի ամբողջ տունը՝ եօթանասուն անձ էին:

ՅԱԿՈՐ ԸՆՏԱՆԻՑՈՎ ԵԳԻՊՏՈՍԻ ՄԷՋ

28 Ան իր առջեւէն Յուդան դրկեց Յովսէփի՝ որ «Գեսէմը ցուցնէ իրեն», եւ անոնք Գեսէմի երկիրը հասան: **29** Յովսէփի իր կառքը լծեց, ու իր հայրը՝ Իսրայէլը դիմաւորելու համար Գեսէմ բարձրացաւ: Երբ զայն տեսաւ, անոր վիզին վրայ ինկաւ, ու երկար ատեն

^ս **Երբ.**՝ Կանգնեցաւ

^բ **Կամ**՝ Յասուր

^գ **Երբ.**՝ իր երեսը նետէ դէպի Գեսէմ

անոր վիզին վրայ լացաւ: **30** Խսրայէլ Յովսէփի ըսաւ. «⁷Այժմ՝ քու երեսդ տեսնելէս ետք՝ թող մեռնիմ, որովհետեւ տակալին ողջ ես»: **31** Յովսէփի իր եղբայրներուն եւ հօր տան ըսաւ. «Պիտի բարձրանամ, Փարաւոնի իմացնեմ, եւ անոր ըսեմ. “Իմ եղբայրներս ու հօրս ընտանիքը, որ քանանի երկրին մէջ էին, ինծի եկան: **32** Այս մարդիկը հովիւներ են, որովհետեւ խաշինքի տէր են, եւ իրենց ոչխարները, արջառներն ու ամբողջ ունեցածը բերին: **33** Երբ Փարաւոն ձեզ կանչէ եւ ըսէ. “Ի՞նչ է ձեր արհեստը», **34** ըսէք. “Զու ծառաներդ՝ մեր մանկութենէն մինչեւ հիմա, մենք ալ, մեր հայրերն ալ, խաշնարած ենք. որպէսզի Գեսէմի երկրին մէջ բնակիք, որովհետեւ ամէն հովիւ՝ Եգիպտացիներուն **առջեւ** գարշելի է»:

47

Յովսէփի եկաւ, Փարաւոնի պատմեց եւ ըսաւ. «Իմ հայրս ու եղբայրներս, անոնց ոչխարներն ու արջառները, եւ անոնց ամբողջ ունեցածը՝ քանանի երկրէն եկան, եւ ահա՝ Գեսէմի երկրին են»: **2** Իր եղբայրներէն հինգ մարդ առաւ ու զանոնք Փարաւոնի ներկայացուց: **3** Փարաւոն անոր եղբայրներուն ըսաւ. «Ի՞նչ է ձեր արհեստը»: Անոնք Փարաւոնի ըսին. «Զու ծառաներդ՝ հովիւներ ենք, մենք ալ, մեր հայրերն ալ»: **4** Նաեւ ըսին Փարաւոնի. «Այս երկրին մէջ պանդխտանալու եկանք, որովհետեւ քանանի երկրին մէջ՝ սովին սաստկանալուն համար՝ քու ծառաներուդ ոչխարներուն արօս չկայ: Ուստի հիմա կ’աղերսենք, ծառաներդ Գեսէմի երկրին մէջ թող բնակին»: **5** Փարաւոն Յովսէփի խօսեցաւ՝ ըսելով. «Զու հայրդ ու եղբայրներդ քեզի եկան: **6** Եգիպտոսի երկիրը առջեւէ է. քու հայրդ եւ եղբայրներդ երկրին լաւագոյն տեղը բնակեցուր: Գեսէմի երկրին մէջ թող բնակին, ու եթէ գիտես թէ անոնց մէջ “ճարպիկ” մարդիկ կան, վերահսկի՛չ նշանակէ զանոնք իմ խաշինքիս վրայ»:

7 Յովսէփի իր հայրը՝ Յակոբը բերաւ, եւ Փարաւոնի ներկայացուց, ու Յակոբ օրհնեց Փարաւոնը: **8** Փարաւոն Յակոբի ըսաւ. «Զու կեանքիդ տարիներուն օրերը ո՞րչափ են»: **9** Յակոբ Փարաւոնի ըսաւ. «Իմ պանդխտութեանս տարիներուն օրերը՝ հարիւր երեսուն տարի են: Իմ կեանքիս տարիներուն օրերը՝ քիչ եւ վատ եղան, ու հայրերուս պանդխտութեան օրերուն մէջ եղած իրենց կեանքի տարիներուն օրերուն չհասան»: **10** Յակոբ օրհնեց Փարաւոնը, եւ դուրս ելաւ Փարաւոնի առջեւէն:

11 Յովսէփի Եգիպտոսի երկրին լաւագոյն **Կողմը**⁷ Ռամսէսի երկրին մէջ բնակեցուց իր հայրն ու եղբայրները, եւ անոնց կալուած տուաւ՝ ինչպէս Փարաւոն պատուիրեր էր: **12** Յովսէփի իր հայրն ու եղբայրները, եւ իր հօր ամբողջ ընտանիքը՝ **անոնց** երախաներուն համեմատ՝ հացով կը կերակրէր:

13 Ամբողջ երկրին մէջ հաց չկար, որովհետեւ սովը յոյժ սաստկացաւ. Եգիպտոսի երկիրն ու քանանի երկիրը սովին պատճառով հիւծեցան: **14** Յովսէփի հացահատիկ գնողներէն՝ Եգիպտոսի երկրին մէջ եւ քանանի երկրին մէջ գտնուած ամբողջ դրամը ժողվեց. ու Յովսէփի դրամը Փարաւոնի տունը տարաւ: **15** Երբ Եգիպտոսի երկրին եւ քանանի երկրին դրամը լմնցաւ, բոլոր Եգիպտացիները Յովսէփի եկան ու ըսին. «Մեզի հաց տուր. ինչո՞ւ մեռնինք քու առջեւդ, քանի որ դրամը հատաւ»: **16** Յովսէփի ըսաւ. «Զեր խաշինքը տուէք, եւ եթէ դրամը հատաւ՝ ձեր խաշինքին փոխարէն տամ ձեզի»: **17** Անոնք իրենց խաշինքը Յովսէփի բերին, ու Յովսէփի հաց տուաւ անոնց՝ ծիերուն փոխարէն, ոչխարներուն փոխարէն, արջառներուն փոխարէն եւ էշերուն փոխարէն: Այն տարին

⁷ **Երբ.**՝ Այս անգամ

⁸ **Երբ.**՝ ուժեղ

զանոնք հացով կերակրեց՝ իրենց ամբողջ խաշինքին փոխարէն:

ՍՈՎԸ

18 Երբ այն տարին վերջացաւ, հետեւեալ տարին անոր եկան ու ըսին. «Մեր տիրոջմէն չենք պահեր՝ թէ դրամը հատաւ, եւ **մեր** անասուններու խաշինքն ալ մեր տիրոջ եղաւ: Ա՛լ բան մը չմնաց մեր տիրոջ առջեւ, բացի մեր մարմիններէն ու հողերէն: **19** Ինչո՞ւ քու աչքերուդ առջեւ մեռնինք՝ մենք եւ մեր հողերը: Մեզ ու մեր հողերը հացով գնէ, եւ մենք մեր հողերով Փարաւոնի ծառաներ ըլլանք: Մերմ տուր **մեզի**, որպէսզի ողջ մնանք ու չմեռնինք, եւ հողը խոպան ըլլայ»: **20** Յովսէփի Եգիպտոսի բոլոր հողերը Փարաւոնի համար գնեց, որովհետեւ Եգիպտացիններէն իւրաքանչիւրը իր արտը ծախեց՝ սովին սաստկանալուն համար, ու երկիրը Փարաւոնի եղաւ: **21** Իսկ ժողովուրդը քաղաքէ քաղաք՝ փոխադրեց՝ Եգիպտոսի հողամասին մէկ ծայրէն մինչեւ միւս ծայրը: **22** Միայն քուրմերուն հողերը չգնեց. որովհետեւ քուրմերը Փարաւոնէն **յատկացուած** բաժին ունէն, եւ կ'ուտէին իրենց բաժինը՝ որ Փարաւոն անոնց կու տար. ատոր համար իրենց հողերը չծախեցին: **23** Յովսէփի ժողովուրդին ըսաւ. «Ահա՝ այսօր ձեզ ու ձեր հողերը գնեցի Փարաւոնի համար: Արդ՝ ձեզի սերմ **կու տամ**. սերմանեցէք հողը: **24 ԳԵՏԻԱՀԻ** բերքին հինգէն մէկը Փարաւոնի՝ պիտի տաք, ու չորս մասը ձե՛րը պիտի ըլլայ, որպէսզի արտին՝ սերմ, եւ ձեզի, ձեր ընտանիքին մէջ եղողներուն ու ձեր մանուկներուն՝ կերակուր ըլլայ»: **25** Անոնք ըսին. «Մեզ ողջ պահեցիր. թող շնորհք գտնենք մեր տիրոջ առջեւ եւ Փարաւոնի ստրուկներ ըլլանք»: **26** Յովսէփի այս կանոնը հաստատեց Եգիպտոսի հողերուն վրայ մինչեւ այսօր, որ հինգէն մէկը Փարաւոնի ըլլայ. բացի քուրմերուն հողերէն, որոնք Փարաւոնի չեղան:

ՅԱԿՈԲԻ ՎԵՐՁԻՆ ԽՆԴՐԱՆՔԸ

27 Իսրայէլ Եգիպտոսի երկրին մէջ կը բնակէր, Գեսէմի երկիրը. հոն կալուածներ ստացան, աճեցան ու յոյժ բազմացան:

28 Յակոբ Եգիպտոսի երկրին մէջ տասնեօթը տարի ապրեցաւ, եւ Յակոբի կեանքին տարիներուն օրերը՝ հարիւր քառասունեօթը տարի եղան: **29** Երբ Իսրայէլի մեռնելու ժամանակը մօտեցաւ, իր Յովսէփի որդին կանչեց ու անոր ըսաւ. «Եթէ այժմ շնորհք գտայ քու առջեւդ, կ'աղերսե՛մ, դի՛ր ձեռքդ երանքիս տակ, եւ կարենցութեա՛մբ ու ճշմարտութեա՛մբ վարուէ իհծի հետ: Կ'աղերսե՛մ, զիս Եգիպտոսի մէջ մի՛ թաղեր, **30** հապա իմ հայրերուն հետ ննջեմ. զիս Եգիպտոսէն փոխադրէ՛ եւ զիս անո՞նց գերեզմանը թաղէ»: Ան ալ ըսաւ. «Զու ըսածիդ համաձայն պիտի ընեմ»: **31 ՅԱԿՈԲ** ըսաւ. «Ինծի երդո՛ւմ ըրէ»: Ան ալ երդում ըրաւ անոր, ու Իսրայէլ **Դմահիճին** սնարին՝ վրայ երկրպագեց:

ՅԱԿՈԲ Կ'ՕՐՀՆԵ ԵՓՐԵՄՆ ՈՒ ՄԱՆԱՍԵՆ

48

Այս բաներէն ետք՝ Յովսէփի ըսուեցաւ. «Ահա՝ քու հայրդ հիւանդ է»: Ան ալ իր երկու որդիները՝ Մանասէն ու Եփրեմը՝ իրեն հետ առաւ: **2** Յակոբի իմացուցին եւ ըսին. «Ահա՝

^Բ **ԵՐԲ.**՝ քաղաքներու

^Գ **ԵՐԲ.**՝ աչքերուն

^Դ **ԿԱՄ**՝ գաւազանին գլուխին

քու որդիդ՝ Յովսէփի քեզի կու գայ»։ Իսրայէլ ուժովցաւ ու մահիճին վրայ նստաւ։ **3** Յակոբ Յովսէփի ըսաւ. «Ամենակարող Աստուածը ինձի երեւցաւ Զանանի երկիրը՝ Լուգի մէջ, զիս օրհնեց, **4** եւ ինձի ըսաւ. «Ահա՝ քեզ պիտի աճեցնեմ ու բազմացնեմ, քեզ ժողովուրդներու համախմբում մը պիտի ընեմ, եւ այս երկիրը քեզմէ ետք քու զարմիդ պիտի տամ՝ իբր յափառենական կալուած□։ **5** Հիմա քու երկու որդիներդ, որ քեզի ծնան Եգիպտոսի երկրին մէջ՝ Եգիպտոս քեզի գալէս առաջ, ի՞մս են. Եփրեմն ու Մանասէն՝ Ռուբէնի եւ Շմաւոնի պէս ի՞մս պիտի ըլլան։ **6** Անոնցմէ ետք քու ծնած ազաւակներդ քո՞ւկդ ըլլան, **ու** իրենց ժառանգութեան մէջ՝ իրենց եղբայրներուն անուններով կոչուին։ **7** Երբ Միջագետքէն կու գայի, Ռաքէլ ճամբան մեռաւ՝ իմ քովս, Զանանի երկրին մէջ, երբ տակաւին քիչ մը տեղ կար Եփրաթա երթալու. եւ զայն հո՞ն՝ Եփրաթայի, այսինքն՝ Բեթլեհէմի ճամբային մէջ թաղեցի»։

8 Իսրայէլ Յովսէփի որդիները տեսաւ ու ըսաւ. «Ո՞վ են ասոնք»։ **9** Յովսէփի իր հօր ըսաւ. «Իմ որդիներս են, որ Աստուած հոս ինձի տուաւ»։ Ան ալ ըսաւ. «Կ'աղերսե՞մ, ինձի՛ բեր զանոնք՝ որպէսզի օրհնեմ»։ **10** Իսրայէլի աչքերը ծերութենէն ծանրացած էին, **այնակս որ չէր կրնար տեսնել**։ Յովսէփ զանոնք մօտեցուց անոր. ան ալ զանոնք համբուրեց ու գրկեց։ **11** Իսրայէլ Յովսէփի ըսաւ. «Ես չէի մտածեր քու երեսդ տեսնել, եւ ահա՝ Աստուած քու զարմդ ալ ցուցուց ինձի»։ **12** Յովսէփ հանեց զանոնք անոր ծունկերէն, ու իր դէմքը մինչեւ գետին խոճարհեցնելով՝ երկրպագեց։ **13** Յովսէփ առաւ անոնց երկուքն ալ, Եփրեմը իր աջ ձեռքով՝ Իսրայէլի ծախ կողմը, եւ Մանասէն իր ծախ ձեռքով՝ Իսրայէլի աջ կողմը, ու մօտեցուց անոր։ **14** Իսրայէլ իր աջ ձեռքը երկարեց եւ Եփրեմի գլուխին վրայ դրաւ՝ որ կրտսերն էր, ու իր ծախ ձեռքը՝ Մանասէի գլուխին վրայ. ան գիտակցաբար իր ձեռքերը փոխեց, որովհետեւ Մանասէ անդրանիկն էր, **15** եւ Յովսէփը օրհնեց՝ ըսելով. «Այն Աստուածը, որուն առջեւ իմ հայրերս՝ Աբրահամ եւ Իսահակ ընթացան, այն Աստուածը՝ որ ծնած ատենէս մինչեւ այսօր զիս սնուցանեց, **16** այն Հրեշտակը՝ որ զիս ամէն չարիքէ ազատեց, թող օրհնէ այս պատանիները, ու իմ անունս եւ իմ հայրերուս՝ Աբրահամի ու Իսահակի անունը ասոնց վրայ թող կանչուի, ու երկրին մէջ թող յոյժ շատնան»։ **17** Երբ Յովսէփ տեսաւ թէ իր հայրը աջ ձեռքը Եփրեմի՝ գլուխին վրայ դրաւ, ատիկա ՚իրեն անհանոյ՝ եղաւ. ուստի իր հօր ձեռքը բռնեց, որպէսզի զայն Եփրեմի գլուխին վրայէն ՚փոխադրէ Մանասէի գլուխին վրայ։ **18** Յովսէփ իր հօր ըսաւ. «Ո՛չ այդպէս, իմ հայրս, որովհետեւ ա՛յս է անդրանիկը. քու աջ ձեռքդ ասո՛ր գլուխին վրայ դիր»։ **19** Իսկ հայրը մերժեց եւ ըսաւ. «Գիտե՞մ, որդեակս. գիտե՞մ, ասիկա՛ ալ ժողովուրդ պիտի ըլլայ, ու ասիկա՛ ալ մեծ պիտի ըլլայ. բայց անոր պատիկ եղբայրը անկէ աւելի՛ մեծ պիտի ըլլայ, եւ անոր զարմը ազգերու ՚բազմութիւն պիտի ըլլայ»։ **20** Այդ օրը զանոնք օրհնեց ու ըսաւ. «Իսրայէլ քեզմով պիտի օրհնէ՝ ըսելով. «Աստուած քեզ Եփրեմի պէս եւ Մանասէի պէս ընէ□»։ ու Եփրեմը Մանասէէն առաջ դրաւ։

^ա **Երբ.**՝ ծնունդներդ

^բ **Երբ.**՝ աչքերուն գէշ

^գ **Երբ.**՝ վերցնէ ու դնէ

^դ **Երբ.**՝ լիութիւն

49

Յակոբ իր որդիները կանչեց եւ ըսաւ. «Հաւաքուեցէ՛ք, որպէսզի ձեզի իմացնեմ ի՞նչ որ վերջին օրերը ձեզի պիտի պատահի:

- 2** Հաւաքուեցէ՛ք ու մտի՛կ ըրէք, Յակոբի՛ որդիներ,
Զեր հօր՝ հսրայէլի մտի՛կ ըրէք:
- 3** Ոուբէ՛ն, դո՛ւն ես իմ անդրանիկս,
Իմ ոյժս, եւ իմ կորովիս սկիզբը,
Գերազանց՝ վեհութեան մէջ, գերազանց՝ զօրութեան մէջ:
- 4** Զուրի պէս եռացիր. առաջին պիտի չըլլաս,
Որովհետեւ քու հօրդ անկողինը ելար.
Այն ատեն պղծեցիր **զայն**: (Իմ անկողինս ելաւ:)
- 5** Շմաւոն ու Ղեփի եղբայրներ են.
Իրենց սուրերը բռնութեան գործիքներ են:
- 6** Իմ անձս անոնց գաղտնիքներուն մէջ թող չմտնէ,
Իմ փառքս անոնց համախմբումին թող չմիանայ.
Որովհետեւ իրենց բարկութեամբ մարդ սպաննեցին,
Եւ իրենց քմահաճոյքին համար ցովի ջիղ կտրեցին:
- 7** Անիծեա՛լ ըլլայ անոնց բարկութիւնը՝ որովհետեւ սաստիկ էր,
Ու անոնց ցասումը՝ քանի որ խիստ էր.
Զանոնք Յակոբի մէջ պիտի բաժնեմ,
Եւ զանոնք հսրայէլի մէջ պիտի ցրուեմ:
- 8** Յուղա՛, քու եղբայրներդ քեզ պիտի գովեն.
Զու ձեռքդ քու թշնամիներուդ ծոծրակին վրայ պիտի ըլլայ,
Զու հօրդ որդիները քեզի պիտի երկրպագեն:
- 9** Յուղա առիւծի ձագ է.
Որդեա՛կս, “կողոպուտէն վերադարձար”:
Առիւծի պէս ծոեցաւ, մատակ առիւծի պէս պառկեցաւ.
Զայն ո՞վ պիտի արթնցնէ:
- 10** **Հխանութեան** գաւազանը Յուղայէ պիտի չհեռանայ,
Ո՛չ ալ անոր ոտքերուն մէջտեղէն՝ օրէնսդիրը,
Մինչեւ որ բՍելովը գայ
Ու ժողովուրդները անոր հնազանդին:
11 Իր աւանակը որթատունկին պիտի կապէ,
Եւ իր մատակ իշուն ձագը՝ ընտիր որթատունկին:
Իր պատմուճանը գինիով պիտի լուայ,
Ու իր հանդերձը՝ խաղողի արիւնով:
- 12** Իր աչքերը՝ գինիէն կարմիր,
Եւ իր ակռաները՝ կաթէն ճերմակ պիտի ըլլան:
13 Զաբուղոն ծովուն եզերքը պիտի բնակի.
Ան նաւերուն հանգիստը պիտի ըլլայ,
Եւ անոր սահմանը մինչեւ Սիդոն **պիտի հասնի**:

^ա **Եբր.**՝ որսէն բարձրացար

^բ **Այսիհքը**՝ խաղաղը, **կամ**՝ որուն կը վայլէ

ԾՆՈՒՆԴՆԵՐՈՒ ԳԻՐՅԸ

14 Իսաքար ուժեղ էշ մըն է՝

Որ գոմերուն մէջտեղ կը պառկի:

15 Տեսնելով թէ հանգստութիւնը լաւ էր,

Ու երկիրը հաճելի էր,

Իր ուսը ծոեց՝ **բեռ** կրելու,

Եւ հարկատու հպատակ եղաւ:

16 Դան իր ժողովուրդը պիտի դատէ՝

Իսրայէլի տոհմերէն մէկուն պէս:

17 Դան ճամբայի վրայ օձ մը պիտի ըլլայ,

Ուղիի վրայ՝ իժ մը,

Որ ձիուն կրունկը կը խածնէ,

Այնպէս որ հեծեալը "կոնակի վրայ" կ'իյնայ:

18 Ո՛Վ Տէր, քու փրկութեանդ յուսացի:

19 Գաղի վրայ գունդ մը պիտի յարծակի,

Բայց վերջապէս ի՞նք պիտի յարծակի:

20 Ասերի հացը պարարտ պիտի ըլլայ,

Եւ ինք թագաւորի համադամ **կերակուրմեր** պիտի տայ:

21 Նեփաղիմ գեղեցիկ խօսքեր եարտասանող

Ազատ արձակուած եղնիկ մըն է:

22 Թովսէփ պտղատու ոստ մըն է,

Աղբիւրի քով **տնկուած** պտղատու ոստ մը,

Որուն բողբոշները պատի վրայ կ'ելլեն:

23 Աղեղնաւորները դառնացուցին զայն,

Նետածիգ եղան **անոր** ու ատեցին զայն.

24 Բայց անոր աղեղը տոկուն մնաց,

Եւ իր էծեռքերն ու բազուկները "ուժովցան

Յակորի հզօր **Աստուծոյն** ձեռքերով:

Իսրայէլի վէմը եղող հովիւր անկէ է,

25 Քու հօրդ Աստուծմէն է՝ որ քեզի պիտի օգնէ,

Ամենակարողէն՝ որ քեզ պիտի օրհնէ

Վերէն՝ երկինքի օրհնութիւններով,

Վարը պառկող անդունդին օրհնութիւններով,

Ծիծերուն եւ արգանդին օրհնութիւններով:

26 Քու հօրդ օրհնութիւնները՝ միմ նախնիքներուս օրհնութիւններէն բարձրացան

Մինչեւ յափտենական բլուրներուն գագաթը".

^գ **Եբր.**՝ կողմը

^դ **Եբր.**՝ ետեւ

^ե **Եբր.**՝ տուտող

^գ **Եբր.**՝ որդի

^է **Եբր.**՝ ձեռքերուն բազուկները

^լ **Կամ**՝ մշտնջենաւոր լեռներուն օրհնութիւններէն, **եւ** յափտենական բլուրներուն վայելչութենէն վեր զօրացան

Յովսէփի գլուխին վրայ պիտի ըլլան,

Անոր գագաթին վրայ՝ որ իր եղբայրներուն մէջէն նուիրաբերուած է:

27 Բենիամին բզբսող գայլ պիտի ըլլայ.

Առտուն որսը պիտի լափէ,

Եւ իրիկունը աւարը պիտի բաժնէ»:

28 Ասոնք բոլորը հսրայէլի տասներկու տոհմերն են. այս է՝ որ իրենց հայրը խօսեցաւ անոնց, եւ օրինեց զանոնք: Իւրաքանչիւրին օրինութեան համեմատ օրինեց զանոնք, **29** ու պատուիրեց անոնց. «Ես իմ ժողովուրդիս մէջ պիտի ամփոփուիմ: Իմ հայրերուս հետ այն քարայրին մէջ թաղեցէք զիս, որ քետացի Եփրոնի արտին մէջ է. **30** այն քարայրին մէջ, որ Քանանի երկիրը՝ Մամբրէի դիմաց եղող Մաքփելայի արտին մէջ է, որ Աբրահամ արտին հետ քետացի Եփրոնէ գնեց՝ իբր գերեզմանի կալուած: **31** Աբրահամը եւ անոր կինը՝ Սառան հոն թաղեցին. Խսահակն ու անոր կինը՝ Ռեբեկան հոն թաղեցին. Ես ալ Լիան հոն թաղեցի. **32** **այդ** արտը եւ հոն եղող քարայրը քետի որդիներէն գնուեցան»: **33** Երբ Յակոբ աւարտեց իր որդիներուն պատուէր տալը, իր ոտքերը մահիճին մէջ ամփոփեց, շունչը տուաւ, եւ իր ժողովուրդին մէջ ամփոփուեցաւ:

50

Յովսէփի իր հօր երեսին վրայ ինկաւ, լացաւ անոր վրայ ու համբուրեց զայն: **2** Յովսէփի իր բժիշկ ծառաներուն պատուիրեց՝ որ իր հայրը զմոսեն. բժիշկները զմոսեցին հսրայէլը, **3** եւ անոր քառասուն օրերը լրացան. որովհետեւ զմոսուածներուն օրերը այսպէս կը լրանային: Եգիպտացիները անոր համար եօթանասուն օր լացին: **4** Երբ անոր լացի օրերը անցան, Յովսէփի Փարաւոնի տան խօսեցաւ՝ ըսելով. «Եթէ այժմ շնորհք գտայ ձեր առջեւ, կ'աղերսե՛մ, խօսեցէք Փարաւոնի ականջին եւ ըսէ՛ք. **5** “Իմ հայրս ինծի երդում ընել տուաւ՝ ըսելով. “Ահա՛ ես կը մեռնիմ. ի՞մ գերեզմանիս մէջ՝ որ ինծի համար Քանանի երկրին մէջ փորեցի, հո՛ն թաղէ զիս”[□]: Ուստի հիմա կ'աղերսե՛մ, թո՛ղ որ բարձրանամ՝ իմ հայրս թաղելու, ու վերադառնամ»: **6** Փարաւոն ըսաւ. «Բարձրացի՛ր եւ թաղէ՛ հայր, ինչպէս ան ըեզի երդում ընել տուաւ»:

7 Յովսէփի բարձրացաւ իր հայրը թաղելու, ու Փարաւոնի բոլոր ծառաները, անոր տան երեցները եւ Եգիպտոսի երկրին բոլոր երեցները անոր հետ բարձրացան, **8** նաեւ Յովսէփի ամբողջ տունը, անոր եղբայրներն ու հօր տունը. միայն իրենց մանուկները, ոչխարները եւ արջառները Գեսէմի մէջ թողուցին: **9** Անոր հետ կառքեր ու ծիաւորներ բարձրացան, եւ շատ մեծ բանակ մը եղաւ: **10** Հասան Ատաղի կալը՝ որ Յորդանանի միւս կողմն է, հոն մեծ ու յոյժ սաստիկ կոծով մը հեծեծեցին, եւ **Յովսէփի** իր հօր համար եօթը օր սգաց: **11** Երբ **այդ** երկրին մէջ բնակող Քանանացիները տեսան սուգը՝ Ատաղի կալին մէջ, ըսին. «Ասիկա մեծ սուգ մը ըլլալու է Եգիպտացիներուն **համար**»: Ատոր համար անոր անունը՝ Աբէլ-Միսրայիմ կոչեցին, որ Յորդանանի միւս կողմն է: **12** Պակորի որդիները ըրին անոր՝ ինչպէս պատուիրեր էր: **13** Անոր որդիները զայն Քանանի երկիրը փոխադրեցին, ու զայն թաղեցին Մամբրէի դիմաց եղող Մաքփելայի արտին քարայրին մէջ, որ Աբրահամ իբր գերեզմանի կալուած գնեց քետացի Եփրոնէ՝ արտին հետ: **14** Յովսէփի իր հայրը թաղելէն ետք Եգիպտոս վերադառնաւ, ինք, իր եղբայրները եւ այն բոլորը՝ որ իրեն հետ

[“] **Երբ.**՝ աչքերուն

^Բ **Այսինքն** սուգ Եգիպտացիներու

^Գ **Երբ.**՝ Անոր

բարձրացեր էին իր հայրը թաղելու:

ՅՈՎԱԿԻ Կ'ԱՊԱՀՈՎՅՆԵ ԻՐ ԵՂԲԱՅՐՆԵՐԸ

15 Յովսէփի եղբայրները, տեսնելով թէ իրենց հայրը մեռաւ, **իրենց մէջ** ըսին. «Թերեւս Յովսէփ մեզ ատէ ու մեզի հատուցանէ այն ամբողջ չարիքը՝ որ մենք իրեն ըրինք»: **16** Ուստի Յովսէփի Պատոգամաւոր ղրկեցին¹ ըսելով. «Ձու հայրդ մեռնելէն առաջ մեզի պատուիրեց. «Յովսէփի սա՛ ըսէք. **17** "Այժմ կ'աղերսե՞մ, քու եղբայրներուդ յանցանքը եւ անոնց մեղքը ներէ՛, որովհետեւ քեզի չարիք ըրինք"²: Ուստի այժմ կ'աղերսե՞նք, ներէ՛ քու հօրդ Աստուծոյն ծառաներուն յանցանքը»: Յովսէփ լացաւ՝ երբ անոնք խօսեցան իրեն: **18** Անոր եղբայրներն ալ գացին, անոր առջեւ ինկան եւ ըսին. «Ահա՛ մենք քու ստորուկներդ ենք»: **19** Յովսէփ անոնց ըսաւ. «Մի՛ վախնաք, միթէ ես Աստուծոյ տեղն եմ: **20** Թէպէտ դուք ինձի դէմ չարիք մտածեցիք, Աստուած մտածեց զայն բարիքի Վերածել, որպէսզի շատ ժողովուրդ ողջ պահէ՛ ինչպէս այսօր եղաւ: **21** Հիմա մի՛ վախնաք. ես ձեզ ու ձեր մանուկները պիտի կերակրեմ»: Այսպէս հանգստացուց զանոնք՝ Պաղցրութեամբ խօսելով:

ՅՈՎԱԿԻ ՄԱՀԸ

22 Յովսէփ Եգիպտոս բնակեցաւ, ինք եւ իր հօր տունը: Յովսէփ հարիւր տասը տարի ապրեցաւ: **23** Յովսէփ Եփրեմի որդիները տեսաւ՝ մինչեւ երրորդ սերունդը. Մանասէի որդիին՝ Մաքիրի որդիներն ալ Յովսէփի ծունկերուն վրայ ծնան:

24 Յովսէփ իր եղբայրներուն ըսաւ. «Ահա՛ ես կը մեռնիմ: Աստուած անշուշտ ձեզի պիտի այցելէ, ու ձեզ այս երկրէն պիտի բարձրացնէ դէպի այն Երկիրը, որ երդումով խոստացաւ Աբրահամի, հսահակի եւ Յակոբի»: **25** Ապա Յովսէփ հսրայէլի որդիներուն երդում ընել տուաւ՝ ըսելով. «Աստուած անշուշտ ձեզի պիտի այցելէ. ուստի իմ ուսկորներս հանեցէ՛ք ասկէ»: **26** Յովսէփ մեռաւ՝ հարիւր տասը տարեկան ըլլալով. զմռսեցին զայն, եւ տապանի մը մէջ դրին՝ Եգիպտոսի մէջ:

¹ Եբր.՝ պատուէր տուին

² Եբր.՝ ընել

³ Եբր.՝ անոնց սիրտին